

310. г. **МѢСЯЦА СЕП'ТЕВРІА ВЪ 14 ДЕНЬ** Въздвигеніе честнаго и животворящаго Креста благоволеніемъ Божиимъ. Благослови отче!

Костян'тинъ Великій, пер'вый христіанскій царь, имѣаше нѣкогда рать, такоже нѣдѣи глаголють, и совокупи вой на Максентіа преже пріятія царства. Видѣвъ же множество ратныхъ вой, мало же своихъ, скор'бяше и недомышляшеся. И постиг'ши ноци, бысть ему явленіе: видѣ на небесѣ честный крестъ, звѣздами написаніе являющъ, и гласъ свыше: Костян'тине, симъ побѣжай! И утро створи по образу явленія крестъ, побѣди супостаты; по семъ крестися самъ и маті его Елена, юже посла въ Іерусалимъ изискати и обрѣсти честный крестъ. И юже испытав'ши отъ жидовъ, и обрѣте и погребенъ в'кладези; егоже явленіе видѣвъше вси людие, възрадовашася; и посемъ поклонися ему царица и цѣлова и, такоже и суньклитъ; а прочіи людие не можааху народа ради, и просиша поне видѣти его. Тогда в'зиде на ам'бонѣ блажен'ный патріархъ іерусалимскій, и въздвиге крестъ Христовъ. И видѣвъше людие, начаша звати: Господи, помилуй! И отголѣ утвердися честный праздникъ Въздвигенія.

В' ТОЙ ЖЕ ДЕНЬ страсть святаго мученика Папы.

311. а. **Б**лажен'ный мученикъ Папа баше при цари Максиміанѣ отъ града Ларан'дейска Лукаоньскія страны; учаше же в'ся слову Божию, исповѣдая дерз'новен'но имя Христово, и многи отъ ел'лигъ обрати вѣровати въ Христа; и гдѣ бысть Магнен'томъ гѣмономъ; пер'вие же бпешъ бысть зѣло, и скрушиша кости лица его; повѣшенъ бысть посемъ и строганъ много; посемъ обушенъ бысть в' сапоги желѣзны, гвоздіа утръ имуща остра, и влачимъ баше кони отъ Рарадска града до другаго града, глаголемаго до Кесаріа, отъ того до Леурея. Текущу же ему, срѣте и нѣкая жена, и отре платомъ кровь его; и посемъ ста подъ смоковію, и помолвися Богу, испусти душу.

В' ТОЙ ЖЕ ДЕНЬ успеніе иже въ святыхъ отца нашего Іоанна Златоустаго, архіепископа Костян'тинаграда: в' той бо день почи; но праздника ради честнаго Креста святыми отцы предложено бысть Нозбря въ 13 день.

В' ТОЙ ЖЕ ДЕНЬ, слово о стар'цу, гже спасоста блудницу ученіемъ.

Два нѣкаа мниха идяста отъ пустыня в' Тар'сѣ градъ потребы ради и обитаста в' гостин'ниці, ту предпочити ношъ; и по смотренію Божию и обрѣтоста ту три уноши, имуща с' собою блудницу, и смутив'шася сѣдоста. Единъ же иземъ отъ влагалища Евангеліе и начатъ честн; блудница же гко || узрѣ стар'ца чту- 311. б
ща, и оставльши уноша, пришедши, сѣде близъ у стар'ца. Старецъ же отринувъ ю, рече: зѣло ми на пакость еси, о стран'нице студная! како не устыдѣся пріити и сѣсти близъ наю. Си же отвѣща, глаголющи: ни, отче, не гнушайся мене, аще бо испол'нена есмь всякого грѣха; но не отрину древле пришед'ши блудници Владыка Господь Богъ всѣхъ. Старецъ же рече к ней: по блуд'ница не възвратися на грѣхъ. Си же рече стар'цю: надѣюся Сынѣ Бога живаго, гко отъ часа сего и азъ не възв'ращуся ко грѣхомъ, аще мя на путь покаанія наставита. Си же общастася спаситися ей, аще послушастъ ею. Она же оставльши уноша и вся своя приобрѣтенія, в'слѣдова стар'цо. И ведоша ю в' монастырь дѣввъ, остригоста ю, и предавши игумены, отгидоста. Си же в' покааніи пребысть и до старости, и многъ разумъ и подвигъ стяжа, и чюдеса створив'ши, почи о Господи; бѣ же имя ей Маріа.

В' ТЪЙ ЖЕ ДЕНЬ, поученіе на Въздвигеніе честнаго Креста.

Днесъ, братіе, крестъ пресвятый въздвигется, разрѣшая прегрѣшенія наша и всяко лѣто обнавляя въздвигеніемъ своимъ, и обет'шав'шая грѣхомъ сердца наша потваряетъ: тѣм' бо святымъ крестомъ искуплены быхомъ отъ клятвы закон'ныя; на том' бо пригвозди Господь Богъ нашъ || рукописаніе грѣха нашего; на томъ

341. в. умертви в'ся прегрѣшенія наша и соблаже-
 нія; того же дасть намъ Владыка и Богъ
 оружіе на против'наго врага; тѣмъ смерть
 умертвися и адъ раздрушися; тѣмъ Адамъ
 умер'щвленный древле пақы обновися и Евва
 отъ клят'вы свободися. Древ'нимъ в'кусомъ
 бѣ испаль из рая древле: и древомъ пақы
 крестнымъ вселися в рай. Того видѣвши
 смерть, вѣстрепета страхомъ, отпусти иже
 бѣ пожер'ла древ'ле отъ пер'ваго Адама до
 того, иже ся на немъ приг'воз'ди. Той бо
 есть наша побѣда; то есть наше оружіе на
 против'наго; тѣмъ знаменающеся, не убо-
 имся видимаго и невидимаго врага; той бо
 есть цѣлитель страстемъ нашимъ; той есть
 насыщающій без т'руда вѣрою сердца наша; той
 есть хранитель всѣмъ крестіаномъ и кор'-
 митель всѣмъ; знаменаемы имъ все тѣло и
 брашно наше, и не приступитъ к намъ зло:
 той бо папаста наша прогонитъ. Тѣмъ же,
 братіе, того святаго креста цѣлююще, съ
 страхомъ кланяющеся ему, отверземъ отъ
 себе всяку злобу, гнѣвъ, клевету,
 лихоиманіе, студодѣаніе, піанство; та в'ся
 діаволу повер'гыше, възлюбимъ миръ, кро-
 тость, трезвѣніе, нищелюбие, страи'нопріа-
 тіе, || пощеніе, чистоту: то бо есть ангель-
 ское житіе; тою бо вси праведніи спасают-
 ся; ту чистоту и подобная ей дѣла възлю-
 бимъ, да будемъ сынове Вышнему и при-
 част'ници царствію его, славяще Святую
 Троицу, Отца и Сына и Святаго Духа, и
 нынѣ и присно и в вѣки вѣкомъ.

**В ТЪЙ ЖЕ ДЕНЬ, слово иже въ
 святыхъ отца нашего Іоанна Зла-
 тоустаго, патріарха Царяграда, на
 Въздвиженіе честнаго и животво-
 рящаго Креста Господ'ня. Благослови
 отче!**

Что реку, или что въз'глаголю? Что
 васъ нареку: овца или пастыря,
 греб'ца или кор'мчія, ученики или
 учителя? како вашей почюжуся рев'ности,
 огня теплѣйшей? Ов'ца васъ нареку? ибо
 есте кротци и безмолв'ни. Пастыря васъ
 нареку? ибо есте паству щадаще. Греб'ца

нареку? ибо есте искусъ бури трѣпяще.
 Кор'мчія васъ нареку? ибо есте какоже из-
 рядный кор'мчій, сѣдй при кор'милехъ и
 хитростію тревол'ненія убѣгал, и цѣль спа-
 сая корабль, и въ благоутишное пристанище
 руководствуя; такожде и вы. Ученики васъ
 нареку? ибо есте готови к' послушанію. Но
 учителя васъ нареку? но паки реку: есте;
 всей бо вселен'нѣй учителя есте.

Что убо реку, или что въз'глаголю? Что
 васъ нареку: овца или пастыря, греб'ца или
 кор'мчія, ученики или учителя? или како 342. а.
 вашей удивляюся рев'ности, огня теплѣйшей?
 Что убо речемъ? Хочу вамъ представити
 днесь трапезу духовную, не тѣло питающую, но
 духомъ защищающую и душу омывающую.
 Таковая бо трапеза духовная, а не какоже
 трапеза чревообъастныхъ, сытость творить:
 слово бо есть духовно, благоюханія пол'но;
 вспоминая бо человекъ, благовоіе во вся
 издаваеъ, какоже миро ж'вйи и благовоіе
 нѣкое испущаеъ, не ток'мо себе утѣшаеъ,
 но и суца с нимъ испол'няя. Но съпротяг-
 нете ми себе, молю вы: слово бо извѣсти
 хоцю. Аще бо нѣци отъ норець в'мѣтающе
 себе отъ кораблей в' море, ницюще бисеръ
 изяти: не многа ли паче мы имуща в'мѣсто
 кораб'ля вет'хый и новыи Завѣтъ, в'мѣсто
 кор'мила крестъ, в'мѣсто кор'мчія Христа,
 в'мѣсто вѣтра Духъ Святыи, в'мѣсто кора-
 бленаго владыки Отца, в'мѣсто катар'та*)
 благодать, в'мѣсто гребецъ ученики, в'мѣсто
 корабленикъ пророки? Не убо ли и мы в'мѣт-
 немъ себе отъ корабля усердно в' пучину ра-
 зум'ній, не како да бисеръ изнесемъ, но и
 всякого бисера честнѣйшее слово хоцю из-
 нести отъ глубины разум'ній? Да не убо
 упустите и како недоумѣ'но примѣте себе;
 писано бо есть: || не пометайте бисера мо- 342. б.
 его предъ свиніями, и не дадите святая псомъ.
 Свиніа убо егда слышиши, да не бесловес-
 нья сіа помыслиши: свиніа убо глаголетъ
 иже во блудѣ живущая, и несь глаголетъ
 иже туне на владыку бѣсующих'ся. Сотво-
 рите убо себе достойны бисеру, егоже хо-
 щемъ вамъ днесь предложити: ибо и земле-
 трудцѣ не просто сѣмена в'мѣтають в' зем-

*) Въ У. и С. противъ «катарта» (= хатарто) на полѣ написано объяснительное слово «райны».

лю, аще не пер'вие волю восп'рягуть и рала протягнуть и терніе исторг'нуть и бразды разорють, и тогда с'мена в'метають; и обр'ѣтъ та дождь, сходя бо на землю, тог'да приємлюци земля раждаетъ класъ. Но тамо убо ожидаютъ зиму и лѣто и дождь небесныя и луча солнечныя и время жатвѣ, и тогда собирають в' житницу: азъ же ни зиму, ни лѣто, ни луча солнечная, ни дождь, ни мѣсто, ниже волю вопряжаю, ниже рало привлачу, ниже бразду с'ѣку, ниже терніе истер'заю; днесъ с'бю, днесъ и жну: не дѣлаю бо землю без'словесную, но словесну, не бездушну, но одушевлену. И блаженъ азъ, тако таковыя земли наслѣдникъ быхъ; тогда блаженъ есмь, егда глаголю во уши слышащихъ. И пакы глаголетъ, яко преслушаніе смерть содѣловаеть. Блаженъ убо азъ, блаженъ же и вы; ибо Господь во Евангеліи ко ученикомъ рече: блажени есте, аще слово

312. в. || мое соблюдете. Протягнете ми слухи своя и внемлѣте глаголемымъ: хочу бо во прит'чи научити, кто есть Богъ; слово приємъ, глаголю. Подобенъ есть Богъ мужю, сѣдѣщему на высотѣ зел'нѣй и зрящую в'сю тварь, море, корабля плавающая в немъ; овъ убо вълнуемъ треволненіемъ, воздвижущихся на нь зел'ныхъ вѣтръ возвѣнянемъ; изряденъ же кор'мчій любоприся вол'намъ, т'щася во благоутишное пристанище карабль устремити и спѣша за еже то воскорѣ постигнути, боася, да не како погруженъ будетъ корабль; ни же корабль зритъ без'вѣтра правъ путь протяжюще; ни же погруженъ быв'ши, и скрушив'шуся кораблю, умер'шимъ же нѣкоторымъ, ниѣмъ же остав'шимъ и объем'шимся умилно за нѣкоторая кор'мила и треволненіи на сушю изметаемомъ, а ихже уже умроша телеса повер'жена; сіа в'ся зритъ сѣдѣй на высотѣ: тако есть и Богъ. И такоже предваривъ рѣхъ, слово приємъ, глаголю. Егда же Бога реку сѣдѣща на высокыхъ, да не неп'щущи его на высокыхъ точію, но и повсюду: не бо мѣстомъ растояніе иматъ; но самъ себѣ мѣсто сый, всюду в'мѣщается, в'мѣщает же того ничтоже. К'то бо можетъ

в'местити бс||стелесное естество *) и невеще- 312. г ственное и непроходимое и неислѣдимое и недомыслимое и непостижимое? таковъ бо есть Богъ; а иже не иматъ сіа, нѣсть Богъ. О благочестивыхъ бо сице подобаетъ разумѣватися Богу: се наша надежда; сіа же есть вѣчная жизнь, тако да знаютъ тебе единого истин'наго Бога, и егоже посла Исусъ Христа. Отсюду наша емлють еретици, чтуще и не разумѣвающе. Христа же егда слышиши, не Бога неп'щуй ток'мо, ниже еже во плоти смотреніе едино, въ обоя**): попеже вѣмъ Христа ал'кав'ша, и вѣмъ Христа отъ пятихъ хлѣбъ и пять тысущъ мужій насытив'ша развѣ женъ и дѣтей; вѣмъ Христа въжадав'ша, и вѣмъ Христа воду в' вино претворив'ша; вѣмъ Христа плавав'ша, и вѣмъ Христа по водамъ шествовав'ша; вѣмъ Христа умерша, и вѣмъ Христа мертвыя въздвижюща; вѣмъ Христа Пилату предстоѣща, вѣмъ Христа со Отцемъ сѣдѣща; вѣмъ Христа отъ ангель покланяема, и вѣмъ Христа отъ Іудей досаждаема: и ово убо възлагаю божеству, овъ же чловѣчеству. Сего ради со обоями речеся Христось: попеже вѣмъ Христа отъ Маріа рожен'на, и вѣмъ Христа прежде вѣкъ рожен'на. Прославимъ убо Христа, стѣну неборимую, основаніе иже на камени основан'ное. Самъ бо рече Петрови: ты еси камень, и на семъ камени созиждю Церковь мою, и врата адова не удолѣють ей. || Подобиѣ и Павелъ глаголетъ: 313. а. основанія бо иного ник'тоже можетъ положить наче лежащаго, еже есть Христось. Молю убо васъ, яко да въ всякой кротости внимаемъ другъ другу. В настоящемъ бо житіи пищама и питіемъ и различными сластями прел'цаемся, в' будущемъ же судъ и правда. Не дадимъ убо мѣста діаволу: не бо есть брань намъ ко крови и плоти, но к началомъ и ко властемъ, к' миродер'жителемъ тмѣ вѣка сего. Пот'щимся убо убѣгнути вѣчнаго мученія, тако да не грѣхъ насъ в то в'ринеть, но да падшася изведеть Богъ. Такова бо имамы чловѣколюб'ца Бога и милостива, и свѣдѣтельствуеть глаголя Да-

*) Въ У. и С. «естество».

***) Въ. «въ обоя» должно быть «во обоя».

видъ: Богъ судитель праведенъ, крѣпокъ и долготерпеливъ и не гнѣвъ наводя на всякъ день; аще не обратитесь, оружіе свое оцѣстить. Сіа глаголетъ, не да насъ судить, но да не лѣниви будемъ. Аще бо бы хотѣлъ насъ погубити, не бы кровь свою изліалъ за ны: умереть, да тебе бессмертіе даруетъ; в'залка, да своею плотію насытитъ тя; в'жака, да тебе кровію своею напоитъ; в' корабли посѣде, да тебе превъше херувимъ посадить небесныхъ; крестися, да тебе свободитъ; шествова, да тебе бес'труда сотворитъ; плава, да тебе бес'труда сотворитъ;

313. б. спа, да тебе беспечал'на сотворитъ; || отъ жены произыде, да преступленіе еже в раи ущедритъ; наречеса челоуѣкъ, да тебе сына. Божіа наречеть; в'зять нашея, и дарова намъ своя; помолися, да тебе вѣрна сотворитъ, іакоже глаголетъ надъ Лазаремъ: Отче! прослави своего Сына, да и Сынъ твой прославитъ тя. И приде гласъ отъ небесъ: и прославихъ и пакы прославию. Вѣмъ, іако всегда мя послушаси; но народа ради предстоящаго рѣхъ, да вѣруютъ, іако ты мя посла. Аще что убо пострада, не пострада себе ради, но пострада, да спасеть челоуѣческый родъ, всяко же креста ради. И аще хочещи увѣдѣти, възлюблен'не, силу креста, навикни: крестъ христіаномъ упование, крестъ живымъ жизнь, крестъ заблуж'шимъ настав'никъ, крестъ слѣпымъ жезлъ, крестъ убогимъ утѣшеніе, крестъ богатымъ узда, крестъ гор'дымъ разрушитель, крестъ блуднымъ покааніе, крестъ побѣдна бѣсы, крестъ дияволу гонитель, крестъ юнымъ наказатель, крестъ недоумѣющимъ доумѣніе благо, крестъ безнадежныхъ надежда, крестъ плавающихъ окор'нитель, крестъ обуреваемымъ пристанище, крестъ ратуемыхъ побѣда, крестъ отецъ сирымъ, крестъ заступникъ в'довицамъ, крестъ обидящимъ судіа, крестъ праведнымъ совѣтникъ, крестъ скор'бящимъ

313. в. отрада, крестъ || младен'цемъ хранитель, крестъ мужемъ глава, крестъ старцемъ свер'шеніе, крестъ свѣтъ иже во тмѣ сѣдящимъ, крестъ царемъ велелѣпіе, крестъ оружіе вѣчно, крестъ варваромъ любомудріе, крестъ рабомъ свободитель, крестъ ненака-

зан'нымъ мудрость, крестъ безакон'нымъ законъ, крестъ пророкомъ проповѣдь, крестъ апостоломъ возвѣщеніе, крестъ мученикомъ похвала, крестъ иночествующихъ пощеніе, крестъ дѣвамъ цѣломудріе, крестъ священ'никомъ радость, крестъ церквамъ основаніе, крестъ вселеп'ныя утвер'женіе, крестъ идольскимъ храмомъ разореніе, крестъ кашцемъ потребитель, крестъ ск'варамъ губитель, крестъ іудеомъ соблазнъ, крестъ нечестивымъ потребитель, крестъ болящимъ исцелитель, крестъ прокаженнымъ оцѣщеніе, крестъ ослабленнымъ оставленіе, крестъ алчущимъ хлѣбъ, крестъ жаждущимъ источникъ, крестъ нагимъ одѣаніе; наготу же егда реку, възлюбленіи, не телесную глаголю, но невѣрія; егда же кто вѣруеть, тогда и облачится. И слышав'ши Павла, глаголюща: елицы въ Христа крестистася, и во Христа облекостеса. Христа же егда слышиши, не Христа неп'шуй ток'мо, ниже иже во плоти смотреніе едино, но обоя. Множицею бо рѣхъ, и нынѣ глаголю и глаголю не престану: мнѣ убо еже глаголати целест'но *), вамъ же || утвер'женіе. 313. г. Хоцю васъ всѣхъ учитель быти, рече Христось. Елма убо во плоть одѣявся, Исусъ наречеса имя плоти; Слово же, понеже Божій Сынъ: понеже убо отъ Отца едиnorodенъ, понеже отъ единого Бога Богъ, понеже творецъ. Слыши Іоанна, глаголюща: вначалѣ бѣяше Слово, и Слово бѣ къ Богу, и Богъ бѣ Слово; сие бѣ скончи къ Богу; вся тѣмъ быша, и без него же не бысть ничесоже. Зриши ли, іако тѣй есть, егоже глаголю, иже небо протягый, различнымъ ликомъ звѣздъ украсивый, и показа іакоже рай небо; тѣй есть иже солнце въз'жегый и учинивъ ему пути; тѣй есть иже луну уставивый на западохъ; той есть иже землю основавый на водахъ; тѣй есть иже земли повелѣвый израцати трав'ный злакъ, источникомъ поточити воды и рѣкамъ тещи и езеромъ собиратися, и морю предѣлы положи песокъ, и водамъ извести душа живы, вѣтромъ же вѣяти, и горамъ уставъ предѣлы и облакомъ двизатися, скотомъ четвероногимъ, гадомъ и птицамъ. И что много

*) Вм. «велест'но» должно быть «нелѣност'но». См. Филип. 3, 1.

глаголю? Той есть иже сотворивый ангелы и архангелы, престолы, херувими и серафими, начала; уставлей времена и лѣта и мѣсяци и недѣли, дни и нощи, свѣтъ и тму; потомъ же вѣщемъ обиліа; послѣди же со-

314. а. твори челоуѣка по образу своему || и по подобію, въ рай положи его. Видѣвъ же челоуѣчскый родъ колѣблемъ отъ діавола, начало наше в'земъ, пригвозди то на дрѣвѣ: іако да дрѣва ради преступленіе, сице и дрѣва ради будеть спасеніе. Позавидѣ убо діаволь, іако тѣй отъ небесъ свер'женъ бывъ, Адамъ же в рай бѣ, іакоже трубу обрѣте зміа, дѣйствова тѣмъ, и тако проглагола к' нимъ, іако бысть в рай: бесплотному бо къ плотнымъ глаголати не бѣ възможно; и рече къ Еввѣ, что добро есть древо въ видѣніе, и въ н'же день аще снѣсте отъ него, и будете іако бози. Отсюду повину Евву, такоже она покори своего мужа. Ідущимъ же убо имъ, и ѡвишася назн. И рече Богъ: Адаме, г'дѣ бѣ? Егда же слышиши еже: гдѣ бѣ? да не невѣдяще неп'ищущи Бога; елма убо глаголаше тѣмъ діаволь: в он'же и аще день снѣсте отъ того дрѣва, будете іако бози. Мнящимъ же тѣмъ, іако хотятъ быти іако бози, сего ради глаголаше Богъ: гдѣ бѣ? в'мѣсто еже: сый гдѣ ниспаде? се бо и снѣде, и пребываеши іако челоуѣкъ. Не заповѣдах ли тебѣ: не снѣсте отъ дрѣва? снѣлъ еси, преступилъ еси. Си рѣчь гдѣ бѣ. Листвіемъ же смоков'нымъ быша обложены и покрывающе видѣніе студа. И что рече Адамъ? гласъ твой слышахъ ходяцю ти в рай, и убоих'ся, занеже нагъ бѣхъ, и сокрых'ся. И рече к нему

314. б. Богъ: кто | възвѣсти тебѣ, іако нагъ еси? Он же глагола: жена, юже дал' ми еси, та мя прельсти. Таже къ Ев'зѣ: ты же что, Евво, буди дах' ти мужю твоему, егда и змію ты дахъ? Сея же вины дааху, хотяще себе изяти мученіа. И рече Богъ къ Адаму: проклята зем'ля в'дѣлехъ твоихъ, терніе и волчець да прозяб'нетъ тебѣ; в' потѣ твоемъ іаси хлѣбъ твой. Таже къ женѣ: в' печалехъ родиши чада, и множа умножю печали твоя. Таже къ змію рече: на персѣхъ твоихъ и на чревѣ пресмыкаешися, и землю да іаси во вся дни живота твоего; и ты тому блюдеши пяту, и той твою да блюдетъ главу. Чесо

ради пер'си проклять? іако в нихъ лежаше грѣхъ, в'менивый злое. Чесо ради чрево? занеже пищею прельсти. Землю іаси въ вся дни живота твоего: елма убо Адамъ отъ земля земень бѣ; приать трижды осуженіе за преступленіе, іаже сотвориша. Елма убо дрѣва ради преступленіе бысть, сего ради и дрѣва ради спасеніе бысть. Богу нашему слава въ вѣкы вѣкомъ.

В' ТОЙ ЖЕ ДЕНЬ, слово Андрѣя грѣшнаго іерусалим'лянина, слово похвал'ное на Въздвиженіе честнаго и животворящаго Креста Господня.

Креста празднество творимъ, и все церковное исполненіе озаряется; креста празднество творимъ, и лучами радост'ны|ми лице всея вселен'ныя про- 314. в. свѣщається; креста празднество творимъ, им'же тма прогнана бысть, а свѣтъ приведенъ бысть; креста празднество творимъ, и с Пропытымъ възходимъ, землю оставльши долѣ съ грѣхомъ. Крестъ въздвизаемъ бываетъ, и с собою въздвизаетъ родъ челоуѣчскій; крестъ въздвизаемъ бываетъ, и неприазненныя супротивныя силы падающесе отбѣгають и сокрываются; крестъ въздвизаемъ бываетъ, и все исполненіе церковное исполняется; крестъ въздвизаемъ бываетъ, и вси гради ликоствуютъ и людіе веселятся: еже бо помянути есть креста радости образъ есть; а еже и образъ крестенъ сотворена зрѣти есть мужества вина и сѣтованіа потребленіе и лѣности прогнаніе зрящему бываетъ. Тако бо стяжаніе велико есть крестъ: иже бо и приобрѣте и, стяжа сокровище велико, злата и сребра и бисера и каменіа бесцѣн'наго честнѣе; азъ же всѣхъ добрыхъ добрѣе и всѣхъ честныхъ честнѣе сокровище же нарицаю, еже есть и вещью именемъ, на нем'же спасенію нашему пачатокъ възложенъ бывъ исправися. Аще бо не бы креста было, не бы Христось пропять; аще бы креста не было, не бы жизнь пропята на дрѣвѣ; аще не бы креста было, не бысть истекли из ребрѣ исто|чники неистлѣн'ныя 314. г. кровь и вода на очищеніе всего мира, не бы рукописаніе раздрано было, не быхомъ свободы улучили, не быхомъ дрѣва живот'наго насладилися, не бы рай отвер'сть былъ, не

бы обращающе есть оружіе пути сотворило, не бы разбойникъ в рай былъ. Что же се сице много глаголю? аще бы креста не было, не бы Христосъ на землю пришелъ; аще бы Христосъ на землю не пришелъ, не бы дѣвая была; аще не бы дѣвы было, не бы Христова рожества в'торого было, не бы Христосъ вочеловѣчил'ся, не бы рожества было, не бы плоти, не бы плени, не бы обрѣзанія осмоднѣвнаго было, не бы покоренія к родителема было, не бы растенія тѣлу и тавленія, не бы показанія чудесъ, не бы крещенія причастіе, не бы Иуда предалъ, не бы Пилатъ суди и, не быша іюдеи смѣля пропяти неповип'наго. Аще не бы креста было, не бы смерть поправа была, не бы адъ испроверженъ былъ, не бы гор'кій змій умер'щвенъ былъ. Сего ради велика и честна есть вещь крестъ: велика убо, іако многа блага исправленія быша имъ и сила многа, елико и во Христовы муки и чудеса честная, іако Христова мука и побѣда есть Христосъ; мука убо за вол'ную страсть мученому на немъ; побѣда же и зане узвенеъ бысть диаволь, побѣждена же быв'ше с нимъ и смерть, 315. а. и затвори адьстїи || сокрушишася. Конечно же, крестъ всему миру бысть общее спасеніе, крестъ упованіе крестіаномъ, надѣющимся спаситель, влающим'ся пристанище, болящимъ в'рачь, недуж'нымъ исцелитель, здравію податель, умрѣвшимъ животъ, благочестія пронаписаніе, хуленію запрещеніе; крестъ оружіе на врагы, скипетръ царствія, вѣнецъ красоты, образъ ненаписанъ, жезлъ силы, утверженіе вѣры, подпоръ старости, водитель слѣпымъ, свѣтъ сущимъ во т'мѣ, наказатель безум'нымъ, учитель младен'цемъ, грѣху в'зятель, покаанію показаніе, правдѣ писатель; крестъ лѣствица на небеса възводящія, путь на добродѣянїе настав'ляай, животу испроситель, смерти раздрушеніе, истлѣнія утужденіе, огню угашеніе, къ Богу дерзновеніе, ключъ царствія небеснаго; крестъ в нощи хранитель, живущимъ бразда, лѣнливыхъ содер'жатель, молителъ отпущенію грѣховъ, прїатель споспѣшникомъ, заступ'никъ добръ, в'напастехъ помощ'никъ, в' бѣдахъ спаситель, в' мори кор'мчїй, в' тузѣ отрадитель; крестъ хранитъ

спящая в нощи, с наб'дящими б'дить; крестъ тружующим'ся покой, алчущимъ пища, постящим'ся крѣпость, подвизающим'ся помазан'никъ, нагымъ одѣаніе, пут'никъ стра||н'- 315. 6 нымъ, богатымъ целомудреникъ, в'довицамъ помощ'никъ, сиротамъ заступ'никъ; крестъ княземъ честь, царемъ дер'жава, воиномъ побѣда, іереомъ слава, дѣвамъ служитель, чистотѣ печать, съвер'сти сѣузъ, градомъ хранитель, образъ утверженіе, прїазни обрученіе, на врагы прещеніе, на супротив'ныя борець, поганымъ прогонитель, вар'варомъ пострекатель, миру ходатай, люб'ви творецъ, всему миру смирителъ, всѣмъ кон'цемъ земля написаніе, небеси высота, земли глубина, всей твари содѣтель; и все рек'ши, крестъ мукамъ Христовамъ глава, вер'хъ чудесемъ бывшимъ в насъ; сїй слава Христова нарицается; сїй чаша вожделѣн'ная словеть и скон'чаніе быв'шимъ насъ ради мукамъ Христовымъ, емуже слава и честь и дер'жава и поклонаніе, Отцю и Сыну и Святому Духу, нынѣ и присно и в вѣкы вѣкомъ.

В' ТОЙ ЖЕ ДЕНЬ, Хруса уединенаго слово историческо о обрѣтенїи пречестнаго Креста, о воплощенїи Вожи богословест'во и похвала Крестови. Благослови отче!

Повелѣніе вашего отчества преподобїа приимъ, зѣло ся устращихъ: повелѣсте бо моему уничиженію словесе етера историческа сотворити обрѣтеніе животворящаго древа всечестнаго креста, на немъ же распяты бысть Господь нашъ Иисусъ Христосъ волею, и разори || диаволу 315. в. силу, мучительство смер'ти, спасеніе же вѣрнымъ дасть. Повелѣніе приимъ вяще суще моя сила, убоах'ся начати: неученъ бо есмь вышней премудрости, ни наказанія праведнаго имамъ, но въ истину грубъ есмь не точію словомъ, но и разумомъ, премудренаго ради дер'жанія похотей нашихъ. Но понеже недоволенъ есмь нарицати бѣды сея послушанія, повелѣніе окушай кон'чати, все на Бога наша молитвы възложъ, ничесоже бо речемъ в'чера днесъ, ибо есмь, іакоже рече слово, елико же о старыхъ воз'могохомъ историкъ, напишемъ: мнози бо по семъ трудишася, ови

добрѣ, ови же инако; и елико отъ древнихъ преданій приахомъ, потъщомъ ся съ Богомъ гавити, вездѣ истину предлагая. Вы же недостатокъ исправите и молитесь за ны, святіи. Начатокъ же сотворимъ всякому началу начатокъ, единочадый Сынъ Божій, сый въ гадрехъ Отчѣхъ, животворящее Слово, сый присно в начатѣхъ присносущному Богу, сей сіаніе славы и образъ упростаси присносущаго Отца, начатокъ иже отъ начала, отъ присносущаго живота животъ бесконечный, отъ приснотекущаго источника источникъ бессмертный, и святъ и неизмѣнныи образъ невидимаго Бога, подобіе славы рождашагося отъ Отца, отъ непостижимаго свѣта неизглаголаиный свѣтъ, животъно пиво, и животворна источника омоусія вкупѣ престолнѣ и вкупославнѣ и вкупсилнѣ и вкупѣ рождшему Отцеву благо. Имѣя в себѣ, яко и Отець, развѣ перождества, сый присно съ Отцемъ и съ Пресвятымъ и животворящимъ ти Духомъ, исходящимъ присно отъ Отца, и сотвори все с нимъ отъ небытіа: не бѣ бо ничесоже егда бѣ токмо святая Троица омоусія, въ своихъ существѣхъ присносущии, си рѣчь упростасѣхъ, си рѣчь лицѣхъ, несозданно естество, неоскудное божество, владычскый санъ, присносущее · веселіе, просто и несложно и неображено существо, и не мпущаго начатка николиже, ни кончины. Се убо живущихъ дѣтелное и всесилное Божіе Слово волею Отчею и дѣтелию Пресвятаго Духа всю тварь видимую же и невидимую в подобно время въ естествованіи сотвори; вѣдый убо проповѣданіемъ Божіимъ, когда и где и како и колику подобаше бытію быти; безмѣрнѣ бо вѣщѣ да, тако реку, мимойду, в' нихже ничесо бѣ, токмо Богъ славимъ в' Троици: едино бо трие и трие едино, в' нихъ же божество, аще ли испытно рещи и божество; потребности бо ради своеса сотвори сущее, не потребности бо ест божество, но потребною благодію, да множайше будетъ при-
316. а. чящешесе || благочестіи его. Сотвори убо и украшъ все подобною красотою; послѣ же всего челоуѣка отъ земля, иже прежде сотвореный создавъ тѣло, отъ себе же душу словесну же и умну в оны вложи. Но въздану не сущую древле, ни часть сущую Божію,

якоже безумный и неистовый Оригенъ хулить, бѣсно и неисторичьско блядя, паче нечестивно написавъ. Спасено въ святыхъ книгахъ, яко дуну на лице его дыханіе живота, и бысть челоуѣкъ на душу живу. Непрестанно ест пребити егеромъ душамъ; аще бо бы речено было: и приать душу живу; но ни, ино духовное бѣ душа челоуѣка; но да гавится якоже притчею, яко Духъ Святый не кромѣ ест содѣтелныи силы, по глаголющему пророку: Словомъ Господнимъ небеса утвердишася и Духомъ устѣ Его в'ся сила ихъ. И пакы: Духъ Божій сотвори мя, духовеніи еже Вседержителя уча мя; все убо дѣявъ Божіе Слово, множае силы не открылъ. Почто же глаголю множае силы, а все сотвори? маниемъ точию сотворилъ и сотворить, всегда имый стекающу хотѣніа силу, по глаголющему пророку: в'ся елика восхотѣ сотвори Господь. Отступный же Оригенъ смѣ изрещи силу скончану отъ Бога сущую; и тмами хулы исполнивъ, неудобъ изречены глаголы въ книгахъ своихъ изблядъ, достойно осужденіе своего безуміа приать. Но напредлежащее возвратимъ ся. || Сотвори же убо челоуѣка Богъ по образу свосму и по подобію, в рай пища, якоже рѣша к'нигы, дѣлати и хранити всегда не гыбнущую пищю, но пребывающую жизнь вѣчную, хранити же пакы и гавѣ ест, яко даную ему животну заповѣдь отъ творца. Но не зазри ми никтоже удлѣжшю прилогъ: не вѣтъце бо ни в'сусе; но понеже предлежитъ памъ память с'творити креста, в'схотѣхъ показати славу животворящаго креста, испер'ва по всей земли сіающу. Блюдете же, аще тако нѣсть; ест бо со в'сяцѣмъ видѣти, яко всю тварь видимую же и невидимую креста образно Богъ сотворилъ: сотвор' бо широту и долготу, высоту и глубину, образъ креста написавъ; той же твари все ест, мно же ест реченное премудрымъ Павломъ; рече бо: сего ради поклоняемъ колени ко Отцу и прочее, да възможете постигнути со всѣми святыми, что ест широта и долгота и высота и глубина. Не елико ли честенъ ест всей твари крестъ, образно премудростію лучшею содѣтелемъ бысть? Четверообразно животна об-

разъ креста являютъ; глаголетъ бо дивный пророкъ: видѣхъ Господа сѣдяща на престолѣ, и прочее; и серафимъ стояху окрестъ, и голени ихъ просты; шесть криль единому и шесть криль другому, и двѣма же покры-

316. в. ваху лица своа, || и двѣма ноги, и двѣма летаху. Видиши ли, како вышними силами явися слава животворящаго креста? И свѣтила крестообразно свѣтъ сіають; и человекъ крестообразно созданъ бысть: всякъ бо, иже стоитъ простеръ рудѣ, креста образно творить; рай же креста образно имать, си рѣчь древо животное, отъ негоже старій злодѣй змій възбрани ясти человекъ, завистию абие прельсти ю, изгна из раа, злымъ послушаніемъ предавый грѣху, грѣхомъ же предавъ смерти. Преста же грѣхъ злымъ начаткомъ на родъ и родъ, дондеже дойде в самое дно зѣло. Слово Божіе и тако не отвратися своего созданія, ни остави егоже по образу своему сотвори, ни отрину мученаго діаволомъ, по на всякъ родъ не преста я посѣщаа и взываа образно животворящаго креста заблудышагося человекъ. Егда растлѣ вся земля незаконными прилепленіи, осуждена бысть на потребление: тогда праведнаго вседомовно на пакыбытіе всего мира отъ всеженскыя буря умаленомъ древомъ спасе. Авраамъ же, такоже великій патріархъ, древомъ обѣтованія Божія с клятвою присягомъ приатъ, егда посланъ бысть на высокоу землю пожреть возлюбленаго сына, егоже образъ Богъ приимъ, показа ему овенъ

316. г. рогама держимъ в садѣ Савѣ || ковѣ, еже сказается отпущеніе, образомъ хотящее быти грѣхомъ отпущеніе всего мира, пригвожденіемъ разумнаго древа, такоже предано есть: земля высока есть святаа Голгофа. Что же есть еже поклонитися Іакову во скрай жезла? явѣ прорицаше патріархъ, како поклонитися древу имуть вси вѣрующей въ Христа. Елико же и чудесь и знаменій сотвори Моусій во Египтѣ и в Чермнѣмъ мори и в пустыни 40 лѣтъ, повелѣніемъ Божиимъ жезломъ сотворилъ, являа образъ законодавецъ, како все възможно есть вѣрующему в распятаго Христа Іисуса. Что же есть глаголати о всѣхъ пророцѣхъ, иже ясно славнаго и будущее имъ спасеніе всему миру проповѣдаша? Что бо яснѣ рещи кипарисомъ и певгомъ и кедромъ вкупѣ прославити мѣсто святое мое: понеже бо свята омовсія Троица единою отъ своихъ упостасей смотри створити человекъско спасеніе крестомъ? во истинну спасеное оружіе отъ тріи древъ сложено бысть; и мѣсто же святое Божіе свята кафоликія апостольская церкви есть, в нейже вси вѣрніи животворящаго креста обносяще, всепѣтую веселіемъ и радостію славословятъ Троицу. Сице всегда отъ Адама спасающимся до Христа образно честнымъ крестомъ правда подавашеся. Егда же прииде исполненіе лѣта прише || ствіа плотскаго Божія Словесе, тогда 317. а. убо богатства своего человекъколюбіа откры и намъ не дѣлъ ради нашихъ, но за благоподобну самого благодателя: не восхотѣ бо милосердіемъ человекъколюбіа своего до конца мучиму быти человекъ злобою діаволою; но волею Отчею и благоволеніемъ Духа Святаго, сый вездѣ и нигдѣже описемъ, насъ ради и за наше спасеніе, преклонъ небеса и сниде не отлученый небестъ, и вселися во чрево святаа и славныя Богородица присподѣвы Марія, преже очищшесе Святымъ Духомъ душу съ уды; Слово бысть, и вселися в ны, не преложъ своего божества на отечество: не красно бо неизмѣнно естество Божіе, но совокуплься по упостаси, отъ утробы Богородица плоть и душу имущу словесну же и умну, неизмѣнно, неразлучно, непресѣчено; раждаетъ же ся убо отъ браконейскыя дѣвица, незѣсты, отъ сѣмени Давидова сущю, во истинну, а не привиденіемъ, Богъ и свята и спріатень. Сего ради во истинну Богородица есть свята Дѣва, такоже тако его прижи, такоже и зачать его: безстля бо зачать, боголѣнно же его породити; Богъ бо сый во истинну воплощенъ отъ нея, не потребова во двери ли на входъ, ли на исходъ, отъ неаже родися во истину Еммануиль, совершентъ сый божествомъ и съвершентъ человекъствомъ, единъ сый, тожде сый, и во обоимъ естествомъ || ствѣ, содѣющу комуждо естество свое си 317. б. цело дръжа въ себѣ присно, сошедшимася естествома во едино лице, и въ едину упостасъ разньство, сирѣчь свойство. Роди же

ся Господь нашъ Иисусъ Христосъ плотію во Вифлиемѣ Іудея, во дни Ирода царя; уже бо оскудѣли бѣша пророчестіи и жидовствіи князи, и пребыше до етера Аристоула архiereя, иже царскомъ ся вѣицемъ увязаше; но сего повосавъ Помпій, римскій воевода, связана с дѣтми посла в Римъ и наложи часть дани жидомъ; Уркана Аристоула брата своего архiereя, въ дружбу имѣаше со Антипатромъ етеромъ аскаланитининомъ, идолораба, отца Иродова, егоже постави строителя земли той. Бѣ же Иродъ, сынъ его, доволенъ о устроеніи и многы разбойники погуби. Уркану же плѣнену бывшу Парфѣми и Антипатру тай убіену, и никомуже не суцу строити землю, наскочи на область Иродъ, премногое имѣніе давъ римляномъ и данникомъ бивъ. Августу же Кесарю грядущу въ Египетъ со многими вой на брань Клеопатрину, таже бѣ пріала власть египетскую, рода суци Петолеова, стрѣте и Иродъ, творя ему велию службу, вой же ницею. Предастъ же Богъ Клеопатру

317. въ рупцѣ Кесаревы; и тогда приста сила египетская въ 12 лѣто Августа царя. Грядый же в Римъ, іако послуживша Ирода совѣтовъ вельможъ своихъ царя постави жидовскія земля, возложи на нь вѣнецъ. Вшедъ же со вой во Іерусалимъ, и жидомъ не хотящимъ его пріати іако иноплеменна, и многыхъ погуби, расплѣнъ градъ и церковъ; злѣ же строя область, вся писанія колѣномъ и родомъ лежаша отъ Ездры огнемъ пожже, да невѣдомо будетъ ктому отъ коего отчества суть жидове, или кто суть тоземстін, и кто суть ти гнорі; священную же одежу своею печатію запечатлѣ, тою же несуменно етерымъ неяснымъ на мнози имѣніи священіе продаша. В лѣто же 40-ное Кесаря Августа, изыде отъ него повелѣніе написатися вселеннѣи; се написаніе первое бысть, іако рѣша к'ниги святыхъ евангелій. Се убо написаніе, си рѣчь дан'нослоvestво, іако пріазниву и вельможи суцу, Кириною поручи Кесарь, егоже постави владыку надъ Сириею, си рѣчь жидовскую въ третиюнадесять упатію Августа и Силуана, в'ноуже упатію родися Господь нашъ Иисусъ Христосъ в Вифлеомѣ жидовскія, по пророче-

ству, въ 33-е лѣто царства Иродова Антипатрова, послѣжде осми каландъ Генуаріа. Епифанъ же святый великій кипрскій епископъ подвижно извѣствуетъ, іако прежде осми днѣи Генуара во истинчу родися Господь нашъ Иисусъ Христосъ отъ святыа Богородица и приснодѣвы Маріа; прочіи же вси богомудріи учителя святыа кафиликія апостольскія церкви іако едиными усты рѣша рождственный день Христовъ прежде осми день каландъ Генуара. Родися Господь нашъ Иисусъ Христосъ в Вифлеомѣ Іудея, въ 42-е лѣто царства Августа Кесаря, въ упатію написаную, въ лѣто 33-е Ирода Антипатрова, египетскаго же повинованія трисотное прежде осми каландъ, іакоже рекоша отцы; егда и вољсви приндуть въ Іеросалимъ, ищуще рожен'наго царя, егоже звѣзда отъ вѣстокъ наставі а до Жидовскія. Вшедше же в градъ и наставника погубльше, рыдающе, вопрошающе тоземца, повѣдающе небеснаго наставника. Тѣмъже слышавъ Иродъ, разумиченъ сый, разумѣ знаменіе то не чловѣческо суце: многомъ бо царемъ рожденомъ бывшимъ во Іерусалимѣ ни на единомъ звѣзда гавися. Прилжно же выпрашавъ архiereя, увидѣ же отъ пророчества, іако Христу подобаше родитися в Вифлеомѣ. Таже призвавъ влѣхвы, испита отъ нихъ в лѣто гавленія звѣзды и лестію отпусти а, обѣщавъ имъ дары великы, іако аще обрящутъ отроча, да възвѣстятъ ему. Егда же пакы гавися наставляющія ихъ древле, с радостию великою во слѣдъ ея идуть до Вифлеома; и обрѣтше желаемаго царя, и поклонившася ему с дары; вѣсть пріаша отъ ангела ииѣмъ путемъ ити на свою землю. Тогда же Іосифъ Божіимъ повелѣніемъ бѣжа въ Египетъ съ отрочатемъ и матерію его, и бѣ ту до умертвіа Иродова. Собирають же ся отъ пришествія влѣхвъ и поруганія Иродова и возвращения на землю ихъ лѣтѣ двѣ. Тогда разгнѣвася Иродъ, убійство младенцемъ содѣя, въ 30-ное и 5-е лѣто царства своего. И абіе убі и гнѣвъ Божій, зломъ и лютомъ недугомъ, разврати живогъ свой, 30 лѣтъ дрѣжавъ в'ласть, оставль же 4 сыны на мѣстѣ своего царства и лукавства. Тогда повелѣніемъ Господнимъ воз-

вратися Іосифъ отъ Египта съ отрочатемъ и матерію его, сущю четырьми лѣты, и вселися в Назаретъ, Архелаю четвертовластвующую Жидовскою; сице бо нарицахуся сынове Иродовъ: Архелай, Иродъ, и Филиппъ, и Лусанія, занеже каждо ихъ имѣаше четвертую часть царства. Въ 8-е же лѣто царства Архелаова, начатъ Господь въ церковь приходити посреди учитель, сый двѣнадцате лѣтома плотскимъ рожденіемъ. Вниде же с родителема своима в Назаретъ. Не по мнози же Іосифъ || сконча животь свой, мнимъ всѣмъ быти отецъ Господень. Поживъ же Архелай еще лѣто едино, разврати животь свой, не оставь наследника своего; тогда Кесарь пять лѣтъ и полъ лѣта скончавъ, умереть, предавъ царство Тивирію, сыну своему. Бѣ же Господь тогда 15 лѣтъ. Тиверъ же Кесарь присный другъ имѣа Пилата, воеводу постави надъ землею жидовскою; и бѣ ту до умертвіа Кесарева. Второе же падесять лѣто владычества Тиверіа Кесаря, по евангельскому гласу, приде Іоаннъ нареченіемъ Божіимъ, проповѣдаа крещеніе покаанія всей Іудеи. Крести же ся Господь отъ него и начатъ проповѣдати евангеліе, сый лѣтъ 30. Иродъ же в то время отгналъ бѣ жену свою, дщерь сущюю Арефы, царя аравійска, егоже Павель помяну въ епистолиі вторѣй к' Коринфомъ, и поялъ Ироддіаду, жену Филипна брата своего, живу сущю проповѣднику благыя вѣры. Іоаннъ начатъ обличати Ирода; он же неудержанно гяряся, хотя угодіе сотворити любодѣйци, пророка усѣкну; но не помедливъ възмездіе пріать за убіение: жена бо его бес чести отгнана, иде къ Арефѣ, отцю своему, и тужааше о той печали. Онъ же абие, за досажденіе дщери, собравъ вся люди своя, посѣче вся воя его, и землю его огнемъ пожегъ, расплени. Но и тако Иродъ не преста отъ злобы своа. || В' лѣто же въ 18-е Тиверіа Кесаря въ день 20, Ироду влаущу Жидовскою Поньтескому Пилату, бысть спасеная мука прежде тринадесять каландъ Априля. Пострада же Господь нашъ Іисусъ

Христосъ за ны волею, Богъ сый истиненъ и челоуѣкъ истиненъ, сущема обѣма естествома в' немъ и нераздѣл'нома и неразлученома быв'шема, и на крестѣ и въ гробѣ неразлучено пребысть смотреніе естеству, имаже знаемъ есть единъ Господь нашъ Іисусъ Христосъ, единочадый Сынъ и Слово Бога живаго. И понеже крестъ вездѣ славенъ есть и все креста образно бысть, ꙗкоже слово предварь показа: подобно и Господь пріать крестную смерть, да своею кровію святитъ все, і искупитъ ны отъ клятвы закона, и свободитъ отъ насилія діаволя, і избавитъ ны отъ мученія смерті и тля; умретъ же за ны во истин'ну и не привидѣніемъ Господь плотію, по книгамъ, распятъ бывъ при Понстѣмъ Пилатѣ воеводѣ, и погребенъ бысть, и воста въ третій день во истин'ну, по книгамъ, преже прѣвагонадесять каланды во истину веснины равнины*), не отпад'шу божеству его во страсть и мертвость; ни, убо да отступитъ всякого крестіанина мысль си: нестрастно бо есть божество и несмертно; сущю же паче ту со пріатою имъ плотію и смотрено творящю своя страсти и дарствующю намъ || тайною гадію истоваго тѣла и крове словеснаго агньца Божіа Іисуса Христа Господа нашего отпущеніе грѣховъ и жизнь вѣчную. Скончанъ же тайнѣ крестнѣй и възкреснѣй, Господни убійци жидове в' себѣ си ковъ творяху, да прикрюють чюдо, и злато дав'ше много Пилату, убѣдиша и, да запечатлѣть гробъ и да стрегомъ будеть вои. Богъ же остави имъ все сотворити, да имиже сами зло творять, славять истину: аще бо быша не блюли, быша рекли, ꙗко украденъ бысть, аще и л'жють, то глаголюще нынѣ; нынѣ же с толикомъ храненіемъ обьсѣдше гробъ, без неп'щеванія бысть востаніе, воиномъ чюдо проповѣдающе, а взем'ши отъ архиерей немало злата. Господу вознес'шуся, чудесемъ веліемъ быв'шемъ о имени его святыми апостолы, пакы распыхахуся іерей, глаголюще: что с'творимъ? ꙗко знаменія и чюдеса велія творятся именемъ **) Іисусъ Христовымъ, всѣмъ ꙗвѣ

*) Такъ въ С. Въ Ц: «равинны». Въ У: «равинны».

**) Въ Ц. «именемъ» приписано внизу страницы.

есть и не можемъ отврещися. Но да паче не проповѣсть в' послѣдняя роды, приидѣте покрывемъ мѣсто погребенія его: аще бо узрять гробъ тощъ, и вси имуть вѣровати в оны. Тогда повелѣша насыпати гробъ и мѣсто Краніево, в' немъ же бѣ святыи крестъ, забытію хотяще предати спасеніе. Се же есть совѣтъ золь и законопреступныхъ іерей Богъ ослаби все имъ творити, премудрѣ
 319 а. строя будущее; зане бѣ граду || опустити и пожъжену быти, ослаби Богъ в' малѣ сокровену быти животворящему кресту и слав'ному воскресенію въ мятежи чуждыми языки; пожъжена же огнемъ будутъ мѣста та. Подобаше бо в подобно время со славою гвритися имъ. Пилатъ же все содѣланное при Господи възвѣсти Кесареви, іако распятъ бывъ Исусъ, рекомый Христосъ, воскресе третій день, и чудеса веліа дѣются ученики его о имени его. Тиверъ же Кесарь слышавъ и дивлься, вѣрова Господеви, и хотѣ абіе царскомъ нарокомъ нарещи его Бога, возбраненъ бысть своими вел'можами, буйствомъ нарек'шемъ слово въ сердци своемъ и вадяцаа на крестіаны губ'ляше. Увидѣвъ же, іако і Иродъ совѣтенъ бысть на смерть Христову и іако неправеднымъ прелюбодѣніемъ его много зло бысть на той странѣ, іако Іоанна Крестителя, мужа праведнаго суща, за обличеніе законопреступленія убилъ, зѣло вознегодовалъ и повелѣ связана съ прелюбодѣйцею в' Римъ привести, і извергъ искняжения, і имѣніе его отъемъ отъ земли, посла со Иродьядою во Испанію; ту же живый, животъ свой злѣ скон'ча; плясав'шую же злѣ дѣвицу пож'ретъ земля живу. Умреть же Тиверъ, царствовавъ 22 лѣта; Гайи же
 319. б. 4 лѣта. Сей бѣ мужъ сверипъ || и зѣло величавъ. К' сему оклеветанъ бывъ Пилатъ, приведенъ бысть в' Римъ и в толики напасты впад', іако самому ся погубити. Жидови же на бол'шій ся мятежъ увратиша, имъ же и мнози римляны убіени быша. Кесарь же много Ирода, Аристовула рекомаго, Агрипа царя надъ жидовскою землею постави, предавъ ему в'ся четвертьства. Сей лютѣ іако злѣ творяше ученикомъ Христовымъ; уби же Іакова брата Іоаннова мечемъ, по писанію святыхъ Дѣяній; хотяще убити и

Петра, аще не бы избавленъ преславно отъ руки его ангеломъ святымъ. Не преста же Иродъ сый величаася, дон'деже мечь Божію приатъ, и бысть чер'вми изъѣденъ, издѣше. В' тоже время Іаковъ праведный, нареченый же братъ Господень, бѣ пер'вый епископъ поставленъ повелѣніемъ Божіимъ святыи церкви іерусалимьстѣй. Жидомъ же гонящимъ ученики Господня, множае зѣло приаша: ібо много множество римлянъ убіено бысть. Бѣ же инъ Агрипа приялъ царство жидовско, егоже святыи Павелъ менитъ. Умреть же Гайи, и царствова в него мѣсто Клав'дій лѣта 14. При семъ бысть гладъ по всей вселеннѣй, по пророчеству Агав'лю. Тогда жидове усобив'шеса во градѣ, по путемъ другъ друга убиваше. Се слышавъ царь, посла нарѣчїе язычнымъ княземъ || безъмилостно убивати жиды; мнози же
 319. в. отъ людїи ихъ умроша, и домове и чада ихъ быша на расхищеніе; отъ Италіа же и Рима со многою тщетою и скорбію изгнани быша. Се же в'се бысть имъ, занеже Господа распяша. Умреть же Клавдій, и царствова в него мѣсто Неронъ лѣтъ 14. Сый зѣло бѣ блуденъ, іакоже никтоже; сей пер'вое начатъ гонити крестіаны; уби же Петра, Іакова и Пав'ла, вер'ховныа апостолы Господня, и многы добра рода і ины многы отъ вел'можъ своихъ погуби. Тогда Фистъ воевода, одинако дер'жа жидовскую власть, умреть. Жидове же приимши в'ремя безгодно, боле возвращеніе мятежа створиша; убиша же Іакова, брата Господня; и прочая ученики біюще, изгнаша изъ града; ини же гвлєніемъ Божіимъ изидоша в' гору Іордана и ту живяху будущаго ради зла граду, по пророчеству Господню. Тогда весь языкъ жидовскъ отвер'гошася римлянъ. Агрипа же бѣжа въ Іерусалимъ. Тогда Неронъ яростію и гнѣвомъ къ восточному воеводѣ, Успасіан' же бѣ тог'да, веля ему собрати в'ся сущая подъ нимъ и приити на жидовскую землю и внезапно погубити а. Сил'нии же жидовъ приидуть въ Іерусалимъ, зане твердѣ бѣ градъ, трети стѣнами и стлпы веліи огражденъ. Воевода же пришедъ на землю || и оплччися; в'ся грады галилейски раско-
 319. г. павъ, пож'же. Пришедъ же на Іерусалимъ,

сѣде о немъ, воюя отъ года до года, многими образы боряся ничесоже успѣ, зане твердъ бѣ градъ; но излазиху изъ града в'незаапу, убивааху многы отъ римлянцъ; съшедъ же в'Кесарію Евспасіанъ, отпусти препочити в'ся вой. В' то время убиенъ бысть Неронъ в Риме, и бысть в' него мѣсто Гал'ва, съи 4 мѣсяци и той убиенъ бысть; и бысть в' него мѣсто Антонъ 3 мѣсяца. Во мнозѣ же бѣди и нестроении суццо миру и етеромъ народомъ варваромъ належашимъ на Римъ, суцей вой на востоцѣ царя поставиша Евспасіана и не хотяще совѣтомъ всѣхъ князь суццихъ на востоцѣ. Отходя же в' Римъ Евспасіанъ зимѣ суци, сына своя Тита и Дометіана Кесаря сотвори, Тита оставѣ повоевати Іерусалимъ, Дометіана же посла на варвары. Приближающу же ся ему к Риму*), вой суци в немъ противника убивше, с радостию велією и веселіемъ срѣтоша. Сѣдъ же на престолѣ своемъ, поби в'ся мятежники, и внезапно Римская область исправися; Дометіану же погубльшю пришедшая варвары на Римъ. Осядиму же и Іерусалиму по двѣ лѣтъ, вси суци в немъ голодомъ изомроша, чада своя избѣдша, воемъ осѣдящимъ я.

320. а. Приимъ же градъ Кесарь, и поби в'ся люди бывшая в' немъ, и расплѣни градъ весь, и церковь пожже. Тогда скончаша слово Господне, яко не останеть камень на камени в немъ. Глаголють же етери, яко убиено ихъ есть тогда 6 темъ. По пріатию же града, паки же сошедшеса вѣрнии в Сионъ, поставиша два епископа Іерусалиму, Симеона Клеопова, писанаго во Евангеліи самовидца и служителя и сынови суца Господня. Събираеть же 12 лѣтъ отъ спасеныа муки до пріатія Іерусалимля. Царствова же Евспасіанъ 10 лѣтъ и умреть; и царствова в' него мѣсто Титъ сынъ его 3 лѣта и умреть; и царствова в' него мѣсто Доментіанъ братъ его, и паки въздвиже гоненіе веліе на жиды, ища суца отъ царьска рода. Повѣдаша же ему о Господи, яко отъ Давидова рода есть, иже суть крестіане, и ти проповѣдять царя вѣчна, хотяща разорити в'ся царства поднебесная, и той единъ имать царствовати. Угаръ же ся

Доментіанъ о семъ, и повели крестіаны побивати. Пославъ же во Іерусалимъ, в'пукъ Іудовъ и брата Господня связана в' Римъ приведе, и вопросы о Христѣ и о царствіи его. Они же рѣша ему, яко нѣсть царство его земьско, и принти имать на конецъ вѣка судити живымъ и мертвымъ и въздати ко муждо противу дѣломъ его. Се слышавъ царь, пристрашенъ бывъ || и отпусти а, и 320. б. повелѣ престати гоненію на крестіаны. Умреть же Доментіанъ, царствовавъ 12 лѣтъ, и царствуя в' него мѣсто Неруя лѣто едино; и умреть же Неруя, и царствова в' него мѣсто Троанъ 20 лѣтъ. Сей много гоніе на христіанцы сотвори, многи мученики уби, и толь многи, яко и княземъ отъ множества мученикъ възвѣстити цареви, яко все еже по закону вашему творять, Христа же точію Бога исповѣдуютъ. Се слышавъ Кесарь, повели престати гоненію. Мученикъ же бысть при семъ в' Римѣ Игнатіе Епантский, и Симеонъ Клеоповъ іерусалимский епископъ и на крестѣ распятъся лѣтъ 100 и 20, прі Атицѣ етерѣ упатицѣ. В' то время сверѣніе въздвижене жидове, смѣша себѣ царь поставити. Се слышавъ Кесарь, посла на ня князя, иже имъши поставленаго мучителя, по всей уже вселеннѣй гоняща, премного отъ жидовъ погубиша. Умреть же Троянъ, и царствова в' него мѣсто Андѣанъ 20 и 1 лѣто. Съи врежденъ бысть всѣмъ тѣломъ, носимъ бѣ по всей земли. ища помощи недугу. Пришедъ же въ святыи градъ и видѣвъ и разоренъ до основанія, едину же церковь христіанску стоящу, повелѣ создати градъ развѣ церкви. Слышавше же жидове отъ всѣхъ языкъ, и въ мало время вселишася в онъ: || но паки неистовяйся бѣсь 320 в не остави ихъ мирно жити, но отступльше отъ римския работы, поставиша въ себѣ мятежника етера, Вѣрахію наречена. Се увѣдѣвъ Кесарь, посла на ня воа многы, и на долѣ осѣдящимъ градъ, дондеже голодомъ и жаждою погыбоша людіе суци в немъ. Се бысть послѣднее запусѣніе жидовскія земля: в'ся бо жиды потребль, и запусѣнію сотвори градъ, повели грекомъ держати и, написавъ

*) Въ Ц. «к Риму» приписано въ низу страницы.

законъ, веляше жидомъ к'тому очима не видѣти дѣд'няя земля Граждане же іерусалимьстіи, иноплемен'ници суще, стол'пъ кесаревъ поставиша в' самой церкви при дверехъ красныхъ, измѣн'ше имя граду, нарекоша именемъ царевымъ Елію. Святаа же церкви іерусалимская преже сихъ лѣтъ жид'ми сѣставлена быв'ши не пріимаше епископа необрѣзана. О лѣтехъ же ихъ да не зазрит' ми ваша святыни не могущу написати. Имена же имъ суть се: пер'вый Іаковъ братъ Господень, Сумеонъ Клеоповъ, Устръ*), Зак'хей, То**), Вениаминъ, Іоаннъ, Маг'ѳеа, Филип'пъ, Сенека, Устъ, Леугій, Ефрисъ, Іосифъ, Іуда. Сія вси отъ обрѣзанія бѣша, числомъ 15. Собирають же ся отъ пріатія Іерусалимова до послѣдняго за-

320. г. пустѣнія лѣтъ 50; и состав'лена быв'ши || еллинская святая церкви, пер'ваго епископа постав'ляеть Марка именемъ, мужа свята суща. Пріатиемъ же увѣдѣв'ше вѣрніи мѣсто святаго Гол'гофы погребена и не тавлена сущи, приходяще честно поклоняхуся. То видяще идолослужителя, діаволу научив'шю я, создаша на томъ мѣсте капище и требище ск'верному бѣсу Афродитьскому, възб'ранену же быв'шу крестіаномъ пришествію и поклоненію мѣста того. Отголѣ невѣдома бѣшаа святая мѣста. Умерг' же Анд'рѣанъ, и царствова в' него мѣсто Антонъ Евсевъ лѣтъ 20 и 2; в' него же мѣсто бысть Мар'къ Аврїилъ; Уир же и Антонъ сынъ его и с Лукіемъ братомъ царствова лѣтъ 12. Гоненію быв'шу, мнози мученици быша, с радостию умроша за Христа. Знаменія же веліа бѣяху, яко и самому царю Мар'ку со всѣми своими и безводіемъ хотящу погыбнути, молитвою христіанъ спасену быв'шу, Богу дав'шю имъ дождь на безводныхъ мѣстехъ. Умер'шю же Иуру, в' него мѣсто бысть Ководъ лѣтъ 12; по семъ же царствова Потринакосъ мѣсяць 6; по семъ же царствова Сев'гінхъ лѣтъ 18, при немъ же гоненіе веліа быв'ша, мнози быша мученици во всѣхъ мѣстехъ. Сему же умершю, цар-

ствова Антонинъ Ракалъ лѣтъ 7; тому же 321. а. умершю, царствова Ма||кринъ лѣто 1; по семъ же царствова Антонинъ инъ лѣта 4; по семъ царствова Александръ лѣтъ 13. Бывши же епископи во Еліи отъ Анд'рѣана до сего царства сіи суть: Маркъ, Касіанъ***), Гаій, Суммахъ, инъ Гаій, і инъ Іуліанъ, Капитъ, Іуаль, Дилихонъ, Наксисъ. Снар'кисъ****) апостольскы дар'ми свѣтятся и любя безмолвіе, оставль епископство, отбѣжа в' невѣдомая мѣста; много же искану ему людми и прочими епископы и не обрѣтену быв'шю, поставиша въ его мѣсто епископа Діа, и по семъ же Гер'манъ, и потомъ Гор'діа. По семъ Гордіи пакы в'незаяу тавися Нар'кисъ и бѣ постав'ленъ епископомъ, зѣло сый старъ. Отъ спасенія мукы до сего числомъ 30 епископъ бысть. Умершю же епископу сущему с нимъ, Аркису преставльшюся, бѣ бо уже 100 лѣтъ и 16, Александра етера епископа, отъ иныя страны пришедша поклонитися святымъ мѣстомъ, и тавленіемъ Божіимъ поставиша епископа Іерусалиму, стар'цю много мол'шю его, иже мукою послѣже умре за Христа. В' та времена великъ миръ церквамъ Божіамъ бысть: мати бо Кесарева Малея богочестива*****) зѣло. Умершю же Александру, в' него мѣсто бысть Максиміанъ 3 лѣта. Сый Алексан'дровъ*****) домъ погубивъ, зане бѣша богочестивіи, гоненіе въздвиже на крестіаны, и старѣйшины церковныя повелѣ по||бити, яко вин'ны суща 321. б. хуленію богъ его. Сему же умершю, пріа римское царство Пуминъ и Вал'линъ 3 мѣсяца; по сею же царствова Гордіанъ 6 лѣтъ, и по томъ царствова Филип'пъ 7 лѣтъ, со всею душею вѣрова Христови; но слуга діаволь Текъ убивъ его, пріатъ царство двѣ лѣтъ При семъ гоненію быв'шу люту, бесчислено множество въ всѣхъ мѣстехъ мучени быша. Сему же побіену быв'шу, царствоваста Погал'лъ и Вулусіанъ 3 лѣта; и по тою царствоваста Уалеріанъ и Галинъ лѣтъ 15. Сей гоненіе веліе на крестіаны въздвиже; варвары же плененъ бывъ, сынъ его

*) Вм. «Устръ» и «Устъ» должно быть «Іустъ».

**) Недописанное слово «Товіа».

***) Здѣсь пропущены: Пуплій, Максимъ, Іуліанъ. См. *Евс. Церк. ист. кн. 4. гл. 12.*

****) «Снар'кисъ» должно быть «Сый Наксисъ».

*****) Такъ въ Ц. и С. Въ У: «богочестива».

*****) Такъ въ Ц. и У. Въ С: «Александровъ».

устави гоненіе. Во Еліи же Александръ мучень бывъ, Мар'зава в него мѣсто поставиша и в сего мѣсто Имѣа. По Галинѣ же царствова Каардій 2 лѣта; в сего мѣсто царствова Авриліанъ 6 лѣтъ; в' того же мѣсто царствова Такига и Флоріанъ 9 мѣсяць; в сею же мѣсто царствова Провъ 6 лѣтъ; се-му же умер'шу, царствова Каръ съ сынома Кариномъ и Нумеріаномъ 2 лѣта; по сихъ же царствоваста Диоклитіанъ и Максиміанъ Еркулъ 20 и 1 лѣто. При сею же тяжко и долго гоненіе бысть на крестіаны, и мучены быша бесчислены богосвѣдомы тмы. Во Еліи же умершу, в' него мѣсто бысть епископъ Завда; тому же умершу, в' него мѣ-

321. в. сто бысть епископъ Ермонъ. || Диоклитіанъ же и Максиміанъ егда убиста многы свята и бесчислены тмы, тако насыш'шеся золь, развеличашася неп'щеваніемъ о боже-ствѣ, заблуждника быв'ша, единѣмъ совѣтомъ остависта царство и во простое житіе видоста. Максиміанъ же, рекомый Галеръ, и Максень, сынъ Ер'кулевъ, держаста царство римское 9 лѣтъ: Максиміанъ же убо на восточнѣй странѣ живяше, а Максентъ в' самомъ Римѣ царствоваше, звѣри сущая сверѣпа, во всяцѣ злѣ образѣ живуща и зло на крестіаны неистовящася. Царствова же с' нима на Вротон'стѣй земли великій Костян'тинъ, Великаго Костян'тина отецъ, мужъ отнудъ тихъ и прекротокъ, любля благовѣріе, а идолъ ненавидя и зѣло крестіаны любя. Сынъ же его Костян'тинъ Великій, отроча сый, еще кор'мимъ сый, восточнымъ мучителемъ учася еллин'стѣй премудрости, тѣмъ же бѣ с' нимъ в' Палестинѣ, и зря како страдаху Христови раби, жалаше си, изъмлада бо ненавидяше злобы. Диоклитіана же в' Дал'матіи живуща постиже и Божій гнѣвъ, и надом'ся тѣло его на много распадася; хульну же языку его в' гор'тани изг'нив'шу, и тако изъдше. Макси-міанъ же Уркулъ в' Тар'сѣ Киликея злѣ житіе скон'ча. Максиміанъ же Галеръ тако ос-

321. г. ла||бу прінмъ, без'милостив'но и свѣрѣпо и мучительно живяше, блуденъ сый зѣло. Т'щяхуся вси сущіи под' нимъ, г'дѣ скрываютъ своя жены и дщери отъ лица его; тол'ма же бѣ дал'ся льсти діаволѣ, тако не в'кушаше

ничесоже безъ влѣш'веніа; повелѣ же хри-стіяне в'ся погубити, не точию же бес'честіа своего ради, но зане въсхищаше имѣніа ихъ. Зря же Кон'стан'тина възростомъ и разумомъ, неп'щеваше и влѣхвоваше паче, тако той имать разоритель быти мучительству его, умысли лестію убити и; но Божиимъ промысломъ увѣдѣвъ се юноша, тако Давидъ спасеніе обрѣте. Распушчу же мучителю за бесчисленное безаконіе, належашу же на христіяны, Божіа мечь въздразі и, и рану на нь напустив'ши, струпъ бо ся яви ему на блуднѣмъ удѣ, безъ всякаго человѣческа врачевств'ва; см'раду же и гною быв'шу и гнѣющимъ в'сѣмъ тѣмъ мѣстомъ и чѣр'вемъ многымъ кипящимъ, бѣ бо ск'верны дебелъ плотию, и в' нечаяніи бывъ, лежаше окаян'ный лютомъ позоромъ всѣмъ сущимъ о немъ. Тогда убо мысль етера в'ниде в' онь, и глаголаше: мню, тако неправеднаго ради гоненіа христіанска Божіею мечью стражду. Тогда же абие пусти повелѣніе по всѣмъ градомъ отпущати крестіаны и творити имъ с' радостію обычная || и всѣми чтомомъ бы- 322. а. ти; моли же я молити Бога за нь. Се бысть, и абие чловѣколюбіе Божіе явлѣшеся: бывъ бо на послѣднемъ издыханіи, накы здравъ и крѣшокъ бываше, лютому тому съгноенію в'незапу здраву быв'шу молитвами христіанъ. Но еще вред'ну не острупив'шу, бол'шими неистовяся мучитель живущимъ в' немъ діаволомъ, повелѣніе без' милости и законъ лють написавъ, повелѣ христіанску множеству не быти, ни жити по всей вселен'нѣй, ни в' пустыни: инако бо мир'но жити не можемъ, аще не потребится родъ христіанскъ. И бѣ уже в' печаніе христіанская вѣра; но Богъ никогда не забы рабъ своихъ: бѣ бо тог'да видѣти тол'пами ведомы христіяны вся, в'купѣ со женами и дѣт'ми на смерть. Но Божіа мечь нашедши, от'струи совѣтъ нечестивыхъ: вездѣ бо абие брани и наитіа вар'варъ, глади зелніи же и ведра, мори же и смерти наидоша; и недовол'ніи быша живіи погребати мертвыхъ; гради же и страси схождаху. И такъ бѣ страхъ, тако кож'до себе ради ся печаше; и тако небрегома осга, и не уснѣ ничесоже повелѣніе мучителево. Прехвал'ный же Ко-

стянтинъ спасенъ дойде отца; отецъ же приимъ здрава, похвали Бога; не по мнозѣхъ же предавъ ему царство, сконча животъ
 322. 6. свой. Поставленъ же бысть || царь Великій Костянтинъ в' первое лѣто двосотное и 70-е пер'выми Олимпіады мѣсяца Іунія въ 25. Максиміанъ же лукавнѣй всѣхъ бывшихъ его преже живущихъ в' Римѣ зло творяше, паче же христіаномъ: многы бо отъ старѣйшинъ убивъ и многы отъ земли пуць, и имѣніа ихъ в'зятъ. Тако же блуденъ бывъ яко и Галеръ, многы отъ свободныхъ женъ ок'верни; ино же много и скверно дѣло творя, тяжко бѣ всѣмъ злыми влѣшвеніи живый. Великому же Костянтину сѣверскыя и западныя страны до самого окіана побѣждшу, миръ бѣ велій и строеніе въ всемъ царствіи его; римляне пустиша к' нему, моляще и не презрѣти града старѣйшаго всѣхъ царь, люто тѣмъ мучителемъ, паче же плотогдцемъ звѣреть губима. Се слышавъ Великій Костянтинъ и помиловавъ а, печашеся, како я свободити отъ работы. Боаше же ся его злыхъ ради козній и влѣшвеніа его; многы бо дѣти попраля бѣ вол'шества ради своего. Во мнозѣ мысли и печали сущю, гавися ему на поли гз'данию с' вои в' полудне столпъ образно креста свѣтомъ составленъ, на немъ же бѣ написано сице: симъ побѣжай. Пристрашенъ же бывъ царь, вѣпрошаше воя, аще и ти суть что видѣли. Они же исповѣ
 322. в. даша тожде видѣніе || видѣвшѣ. Тогда царь укрѣпися мыслию, дерзаниа глостію исполнися. Въ грядущю же ноць пришедъ Господь, рече ему: сотвори и носи явлен'ное тебѣ знаменіе, и побѣдиши в'ся врагы твоя. Быв'шу же дни, въскорѣ вообразъ крестъ, иже и донныи хранятъ в' полатѣ царевѣ, повелѣ предъ собою на брань носити. Зловѣрный же мучитель надѣався своихъ бѣсехъ и помощь, реку Тиверъ многыми корабли изыде и оплѣчися на брань. Снятію же быв'шу, побѣждени быша против'ни силою крестною и посѣчени быша множайшии; прочіи с' мучителемъ бѣжаша ко граду. Мосту же Божию силою претор'жену быв'шу, утопе мучитель в' рецѣ с' вои и бѣ Фараонъ; и бѣ

видѣти рѣку пол'ну коня, и всад'ники истопоша. Граждане же вѣнчав'ше градъ, приаша с' радостію велию и хвалами побѣдителя креста и побѣдителя царя *) спасена нарицающы. Тогда повелѣ царь собрати мощи святыхъ мученикъ и честно погresti сущая о земли, и повелѣ привести, и обиденымъ имѣніе повелѣ в'звратити. И сотвориша побѣдительно празднество седмь днй, славяше крестъ Христовъ. Бѣ же то седмое лѣто царства Костянтинова. Се слышавъ Мар'късиміанъ Галеръ ослабѣ, ждаше бо тояждо смерти, и мало ослаби гоненіа христіанско. Великій же Костянтинъ 322. г. надѣався непобедимемъ оружіи крест'нѣмъ, устремися на нь, ими же и Ликинія съ собою воююща на мучителя и личашася, яко радующеся христіанску закону. Против'ный же Максентъ влѣшвен'ми и лестми подпирася, оплѣчися бесчисленымъ множествомъ противу благовѣрному царю, многыми вои величаася. Быв'шу же снятію и честному кресту гавльшуся мучителейѣ, воини не стерпѣвшѣ, ови въскорѣ побѣгнуша, а с'и гоняаху; многымъ же тысуцамъ отъ супостатъ падшимъ, прочіи оставльше мучителя приложишася къ цареви. Злочивый же царь царскій вѣнець свер'гъ, емуже не бѣ достоинъ, да не познанъ будетъ, бѣжа, яко единъ отъ воинъ сотвор'ся. Об'ходя же отъ веси до веси и крыися, едва съ пріатели нагъ уйде. Собравъ же іерея рекомыхъ ихъ богъ и пророкы и кореница и словущая влѣхвы, яко лестыца и ков'ники спасеніа его, в'ся погуби. Егда же бѣ ему в'пасти живу в' руцѣ царевы, належаше бо брань на нь, вар' же и Божій гнѣвъ повер'же и на землю, и паде ниць на тлѣхъ, помощи требуя и не обрѣтая: пламы бо изъ утробы і из' мозгъ его въспланувъ, тяжкы ему болѣзни творяше. Егда же дыхающю и глядящю ему сѣмо и онамо, обѣ очи ему искочиста и бысть слѣпъ. || Утренему же пла- 323 а мени и безмѣрны распалающуся, плоть его огни и отлучися отъ кости. Потребленыма же быв'шими мучителяма, и миродрѣжцу быв'шу вѣр'ному Кон'стянтину, в' велицѣмъ

*) Слово «царя» приписано на полѣ.

мирѣ живяше вселенная и христіанескъ законъ по в'ся дни двизаашеся и въ всѣхъ языцехъ крестъ Христовъ славимъ бѣ. Ликинѣви же тако побор'шю на разореніе мучителю, в'дасть ему Костян'тинъ сестру свою женѣ; и отлучи ему часть многу римскія области, постави и царя, обѣщаніе приимъ отъ него извѣстно, да не противится крестіанскому закону. Ликиніе же приемъ власть подареніе, но тако и забывъ быв'шее древ'ними мучителема, на идолослуженіе увратися, и еюже лютое развращеніе видѣ, тою житіе подража, нестовнився на жены. Се видѣ рабъ Божій Костян'тинъ и жаль си зѣло, написа к' нему книги, моля и отступити отъ крестіанъ и Божіихъ церквей. Онъ же нераждь, лютѣйшее гоненіе сотвори, но и тай и ковъ творяше на благодѣтели; послѣжде и брань сотвори тавѣ на царя. И снятію быв'шю въ странахъ Витушійскахъ и слав'ному кресту тавльшюся предгрядущю Костян'тиномъ, тавъ и приведенъ бысть живъ

323. 6. океан'ный къ царю. Милостивъ || же ему бывъ прекрот'кій царь, в Селунъ посла жива. Он же мало бес к'рамолы поживъ. Увѣдено же бысть, тако вар'вары нагавъ и хоцетъ пакы крамолу въздвигнути; увидѣвъ же Костян'тинъ, повелѣ и усѣкнути. Тог'да вся вселен'наа утѣшися силою животворящаго креста, мучителемъ всѣмъ потребленомъ быв'шемъ. В'то убо время во Еліи бѣ епископъ тьяклоименитый и Макарій въ Ермона мѣсто. Великій же Костян'тинъ единодер'жець бивъ, всю печаль свою възложивъ на Бога, созидае си церкви зѣло, богатыя отъ полаты своеа имѣніемъ и златомъ и всяцими сосуды. И пер'вый законъ написа, отданы будутъ идольская капища Христовамъ церквамъ и усѣкати суцая еще поганы; в'торый законъ написа христіаномъ единѣмъ правовѣрномъ воемъ бивати и въводамъ; третій законъ написа, да праздна будета двѣ недѣли: едина предъ великымъ днемъ, а другая по ней. И бѣ в'то время миръ великъ и радость по всей вселен'нѣй всѣмъ языкомъ, по в'ся дни притѣкающимъ к' вѣре и крестящим'ся, своими руками дѣдняя богы разбиваху. Но се все то не тер'пя пренъривый бѣсъ, но пакы в себѣ коваше, како бы възбранилъ

радости тоа христіаномъ: не можаше убо превратити, дабы || пакы обожили тварь, 323 в. тавися прелестъ его, окуси же ся превратити не утвер'женныхъ вѣрою, да учинять Зиждителя созданими. И бѣ пакы молва немала въ церквахъ Божіахъ. Арію, етеру александрынину, горѣ и долу вселен'ную мятушу, послушаша его етери епископи, ихже есть пер'вый Евсевъ Никомидійскій, Евсевъ Пан'филюскій инъ с нима. Зря же великыя сіа распрія Великій Костян'тинъ, печаль приимаше душев'ную, испер'ва молебными к'нигами толяше распрія обоихъ. Егда же видѣ злое превозрастѣше, повелѣ собору быти вселен'скому в' Никейстемъ градѣ. И собрашася епископи числомъ 300 и 18, и отъ нихъ же мнози бѣша исповѣдници, тавзы Христовы на тѣлѣ носящи; бѣше с ними прехвал'ный Костянтинъ царь. Бесѣди же быв'ши, образъ вѣрѣ написаша, тавже вѣру правовѣрній въ всѣхъ церквахъ поють; Арія же и Евсевія Никомидійскаго и прочихъ и пребывающихъ въ злѣ вѣре отгнаша отъ земли, послаша; священни быша ини в нихъ мѣсто. И одари царь епископи, отпусти с миромъ въ своя области, радуются о совокупленіи Церкви. Повелѣ же елійскому епископу Макарію, суцю в сон'мѣ борющю по апостольствѣ ученіи, изискати животворящаго креста и богоприатный || гробъ и всѣхъ святыхъ мѣсть; 323 г. и прочимъ же епископомъ повелѣ просити еже на совер'шеніе церквамъ когождо ихъ; бише девятнадесять лѣтъ, егда бысть соборъ въ царство его в' Никеи. Посемъ царь посла матеръ свою Елену достохвал'ную и боголюбиву въ Іерусалимъ съ книгами и со имѣніемъ многимъ и к тьяклоименитому Макарію, суцему ту епископу, на исканіе древа животворящаго и честнаго креста и на созданіе святыхъ мѣсть, самой царици се испроц'ши, глаголющи, тако видѣніе егеро Божіе видѣхъ, повелѣвающе ми въ Іерусалимъ ити, погребена суци безаконики. Увидѣвъ же епископъ царицу грядущю, стбра епархійскихъ епископъ, срѣте ю честію великою; и абіе повелѣ і епископомъ искати желѣннаго древа. Не свѣдуши же мѣста, иному ино кажущю, епископъ того града моляше всѣхъ без'молъствовати и честнѣй-

шу о томъ молитву приносить Богу. Быв'шу же тому, явися епископу мѣсто Богомъ, на немъ же стояще капище кумира ск'вернаго бѣса Аородитьска. Тогда царица царскою областію събрав'ше соборъ многъ на утрѣи, повели отъ основанія раз'врещи ск'верное то созданіе и пер'сть далече отсыпати. Быв'шу же сему, явися святыи гробъ и мѣсто Краніево и недалече тріе кресты погребены.

324. а. Прилежно же || обыскав'ше, обрѣтъ я и гвоздіа. И сему же быв'шу, печаль велию пріать царица, кый убо есть крестъ Господень. Епископъ же вѣрою сумнѣніе разрѣшъ: жена бо етера вел'можъ болящи, нечаемъ суши уже всѣми и на смерти уже лежащи, възложи же на ню кождо креста, і искаемое обрѣте: еже бо ток'мо приближися стѣнь животворящаго креста, недуж'ный абіе Божіею силою воскочи, веліемъ гласомъ славяще Бога. Царица же Елена с радостию веліею вземши животворящій крестъ, часть етеру съ гвоздьми принесе сынови; прочее же, сотвор'ше сребрену рачицу, предасть епископу града того на память всѣмъ родомъ. И повелѣвши церковь створити на животворящемъ гробѣ и на святомъ Гол'гофѣ и въ Вифлеомѣ на вертлпѣ, идеже родися Господь нашъ Исусъ Христосъ плотію, и на горѣ Елеоньстѣй, из неаже възнесеся Господь ученикы благословивъ, і ино много добро сотворив'ши во Іерусалимѣ, възвратися къ сынови. Он же пріимъ ю с радостию, часть у честнаго креста въ злату раку възложивъ, предасть епископу на соблюдение, повелѣ на вся лѣта явленіе крестное праздновати в' то в'ремя; ово же отъ звездій приковавъ ко шлему своему, ово же ихъ приковавъ браздамъ коня своего, да събудется речен'ное отъ Господа пророкомъ глаголющимъ:

324. б. в' той день будетъ || еже на броздахъ коня царева святаго Господеви Вседер'жителю. Царь же ната*) къ епископу Макарію т'шатп зданіе и пристав'ника приставити надъ дѣломъ, со многымъ имѣніемъ, и запретивъ ему добръ и честно създати святая мѣста, яко да не будетъ такоа красоты по всей земли. Написа же и къ князю земли тоя

епархію собратися и помощи в' то дѣло отъ дани царскыя. Веселяше же ся царь в' то время, зане скон'чались бѣша ему 20 лѣтъ въ царствѣ, хваля Бога за всѣхъ благъ, ихже сотворилъ в' лѣта царства его. Собираютъ же ся лѣта отъ Христова пришествія до обрѣтенія креста 352; отъ Адама же до пришествія Христова пять тысуць и пять сотъ, якоже ииши глаголють, пять тысуць 300-ос. Во Елѣи же бысть епископъ Максимъ в' т'як'лонменитаго и Макарія мѣсто. Стыи мужь бѣ зѣло кротокъ и ключимъ, и многы мукы претерпѣ в' гоненіи Христа ради, и деснаго ока извертена быв'ша, отпущень бысть о исповѣданіи. В' то время блаженая Елена царица скон'ча свое житіе, сущи лѣтъ 80, много заповѣдав'ши сыну своему о вѣре еже за Христа. Увѣдѣв' же Великій Костян'тинъ, яко скон'чася созданіе новаго Іерусалима: тако бо нарищасеся зиждемое и красимое имъ, повелѣ епископу Костян'тинаграда ити въ Іелію и собрати соборъ многъ епископъ || и освятити святая 324 в. мѣста. Се же все Евсевій Никомидійскій, доблій заступникъ арианьску ученію, съ анафема готованъ бывъ соборомъ в' Никей съ инодушными его и оземъствованъ, по времени етери чловѣколюбіе царево прелестію в'зем'ше, писаніе молитвено в'даша цареви, кленущася, яко в'пишемся в' писаніе вѣры и о всемъ послѣдуемъ святымъ отцемъ; имже вѣру имъ царь, приведе я отъ оземства и зѣло почте. Праздну же быв'шу столу Костян'тинаграда, своими злыми козными пріать мучитель столъ Евсевъ церкве Царяграда; пріим же болную область, инодушныя своя устроиъ, своихъ церквахъ изгнавъ, поставль иныя в' нихъ мѣсто. Тому же быв'шу, на Афанасіа ковь коваше, многы мукы на нь примышлая. Царь же: достойно есть, рече, да и Афанасъ пріидеть. Повелѣ же первіе в' Тирѣ собратися собору и еже на Афанасіа смотрити, да безо всякоя распрія пріидуть вси на праздникъ. Песла же и сынови своего Дал'мата, да будетъ строитель всему тому сон'му. Сопедшимъ же ся епископомъ в' Тирѣ, с ними и еллинскій епи-

*) Вм. «ната» должно быть «напса» или «написа».

скопъ Максимъ, всѣмъ не вѣдый ковомаго на Афанасіа. Егда же вииде Афанасій в сон'мище, обидоша и клевет'нищи веліестран'ны вины носяще на нь, ꙗже наказаша и
 324. г. суцїи || ту судїи и Евсеви Никомидійскый, иже о немъ не могутъ сказати. Афанасіо за все отвѣтъ сотвор'шю, ꙗкоже паучину раздирающу клеветы ихъ, неистови быша клевет'нищи, зане гавишася л'жюще, възмѣтоша весь соборъ, вопіюще: възмѣте коренитя сего, кореніемъ бо всѣхъ онѣмѣлъ. И убіенъ бы былъ Афанасъ, аще не бы сынъ царевъ возвелъ силою его вѣнъскою. Афанасъ же бѣжавъ отъ Тира, в'зыде въ Іерусалимъ; и сѣтворивъ молитву и помазавъ святымъ миромъ и святивъ молитвенныя домы, пръвѣе нечестивыхъ епископъ пришествїа, прииде къ цареви и все быв'шее поведе ему. Слышавъ же прехвал'ный Костян'тинъ и дивлься лукавству суперникъ его, и вел'ми почетъ его, кротко и с к'нигами отпусти и въ Александрію. Пришедши же епископи въ Елію, зѣло свѣтло створиша праздникъ священїа Іерусалимьска, царю послав'шю сосуды различны, златы и сребряны и каменіемъ драгимъ украшены, и покрывала многоцѣн'на, и злато много на раздаяніе нищимъ и на любленіе всѣмъ собирающимъ ся на праздникъ. Егда же слышасте священїе святыхъ мѣстъ христороубци, царь зѣло похвали Бога и паче приложися христіаньстѣ законѣ. Бѣ же тридесѣтное лѣто царства
 325. а. его. Законъ же написа || царьскимъ образомъ, да не гавитя ктому жидовинъ въ Іерусалимѣхъ ток'мо далече шесть поприщъ; радовашеся о благодати Божїи, видѣ вар'варьскїа страны притекающаа къ крещенію и въ власть повинующася римскому царству. Поживъ же еще лѣто едино и мѣсящъ, вмало в'паде в недугъ, і имже умереть, в Никомидїи живый, во етерѣ селѣ прїать святое крещеніе, ждаше бо того в'ремени въ Іердани креститися. Весель же бывъ, растроивъ вся, три сыны своя оставль наслѣдникы своего царствїа: старѣйшаго ихъ и тѣза ему суца запад'нымъ странамъ постави власте-

ліана; а вторый тѣза дѣду свосму Костян'тину восточнѣй странѣ царя постави; юпѣйшаго же ею Констан'тина надъ Врепїею постави. Ни единъ же ихъ обрѣтеся егда умраше. Умереть же прехвал'ный Костян'тинъ сый лѣтъ 65, благовѣрно и богоугодно царствовавъ лѣтъ 32, оставль земное царство небесное прїать. Честное же тѣло его в раку полож'ше злату, плакахуся его, не ꙗко царя лишени суще, но ꙗко отца любива. Пришедъ же Костянтіій восточный царь и царскыи погребъ отца на высотѣ во Апостольстѣй церкви, идеже положена бѣсть матери его Елена: на то бо созда блажен'ный Костянтіишъ, да ту полагають царя і архиерея, ꙗко да не бу'дуть далече апо- 325. б. стольскъ мощей. Бываетъ же день успенїа его мѣсяца Маїа 21, преже единоанадесѣте калан'ды Іюня, въ упатїю Киликиана Ипатїана. Константію же прїимшю царство, пристуниша к нему заступ'нищи Аріева недуга, моляще и, да отгьметъ отъ собора вѣры приглашеніе омоусеа*): ть бо бысть, рѣша, вина раздѣленіе церквамъ; да аще то отято будетъ, ні единоа же прѣ о догматехъ. Он же легокъ сый умомъ, неискусно прїимъ словеса ихъ, обѣщася тако сотворити; и бѣ пакы немала молва по всей вселен'нѣй. Въ время же то чюдо веліе бысть въ Іерусалимѣ, всяка словесе див'нѣе, понеже во распрѣ дог'матъ възбранено бысть приходящимъ к' вѣрѣ соблаж'няющимъ ся всѣмъ о распрѣ священ'никъ, показавъ див'ный Богъ с небесъ, ꙗко не слово его еже к' вѣрѣ вина бысть скан'далъ, но грубыхъ священ'никъ буйство и злыя воля ихъ несмотреніе. Сего ради убо внезапно гавися вер'ху свѣтаго Гол'гофы в' полудне превелнкъ крестъ свѣтомъ составленъ, свѣтліе зѣло солнца. И видѣша вси граждане, малїи же и велиции, вѣрнїи же и невѣрнїи. Кирилъ же премуд'рый бѣ тогда во Еліи епископъ въ Максима мѣсто исповѣдника; сего Кврила и еще суть осмынадесѣть ученїа не писана, в' нихже умъ болїи святыхъ || отецъ 325. в. по единому словеси сказавъ разумно, ника-

*) Въ Ц. и С: «Ѡмоусеа», въ У: «Ѡмоусіа» очевидно-ошибочно, вм. «омоусіа», какъ было выше (стлб. 685 и 688). — Въ Ц. противъ «Ѡмоусеа» на полѣ приписано позднѣйшимъ почеркомъ объясненіе: «омоусіонъ рекше единосуцнаго».

коже помяну омоуся, сум'няся совѣтъ и ковъ подлежащихъ тогда: обаче пребысть со святыми отцы, бес писаніа провѣщевая правѣй вѣрѣ. Сей написа къ цареви Кон'стянтію о бывшемъ чудеси добрѣ, еже укажутъ намъ книги епистольскыя, сиче пишущо: При боголюбци и блажен'немъ памятію Костянтинѣ, отцы твоемъ, спасное древо въ Іерусалимѣ обрѣтено бысть, искущу благовѣріе въ святыхъ мѣстехъ сокровена. При тебѣ же, владыко всевѣрне царю, дѣдно и отцю вѣру таже къ Богу говѣніемъ приемлюще, юже не отъ земля, но отъ небесъ дивна чудеса Господа нашего Іисусъ Христа Сына Божіа, побѣдителенъ и образъ смерти блажен'ный крестъ, лучами свѣтлами блистаея въ Іерусалимѣ гвися: в сіа бо святыа дни святаго пятникостіа в новую пасху въ третій часъ, превеликій крестъ свѣтомъ составленъ на небеси вер'ху святаго Голгофы и до сватыа горы Елеонскыа прострѣтъ гвися, но всему народу града видимо гвися; ꙗкоже ꙗкоже ꙗкоже имать мѣти напрасно и привидѣніемъ мимо текый, но долго и на многы часы надъ землею гвися, лучами солнечныа луча преспѣвая: не бы бо гвися, аще не бы свѣтлѣйшая луча имѣлъ солнца. Тѣмъже тогда абіе
325. г. стекошася вси граждане во святую цѣрковъ Богогвленіа страхомъ одер'жими, юшоты же и старцы, мужи и жены, и сами чертож'ница, тозем'цы же и странніа, христіане и поганіи; в'купѣ же вси ꙗко единѣмъ усты воспѣша Христа Іисуса Господа, Сына Божіа единочадаго, чудотворца дѣломъ и словомъ, искушениемъ пріаша, ꙗко вѣра христіаньска не препрен'ными мудростями, но гвленіемъ духовнымъ и силою, не человеки точію глаголема, но съ небесе отъ Бога свѣдѣтельствуема. Се убо къ царю Кон'стянтію Куриль, епископъ іерусалимскый, написа. Симъ же преславнымъ чудомъ многы тысуца приложишася к вѣре Христовѣ. И никгоже да не льститъ себе суесловствуа и неключими вазни і инѣми словесы в'мѣщая в' бесѣду; не бысть инъ епископъ Іерусалиму николнже развѣ написаныхъ сихъ, ни царь инъ римляномъ, ні инѣмъ образомъ честный крестъ обрѣтеса; отъ Августа Кесаря, при немъже

родися Господь нашъ Іисусъ Христось до благовѣрнаго Костян'тина царя Кон'станта 30 и 5 царь бысть, такожде и отъ Іакова Апостола 20 и 1 епископъ, до того же царя 30 и 5 епископъ бысть Іерусалиму. Честный же день святыхъ священ'ныхъ мѣсть и Въздвиженію животворящаго Креста уставнша отцы царевымъ повелѣніемъ, да бывасть въ 14, по римлянм' же Сеп'тября мѣсяца, иже есть преже 18 калан'да Октябрия, || въ славу Отца и Сына и Святаго Духа. 326. а.

Понеже уже благодатію Божию допдохомъ словомъ въ свѣтелъ день праздника вашего, еже есть гвленіе животворящаго Креста, принесемъ, ꙗко възмож'ноестъ, малы похваляюще и, препокويمъ слово. Радуйся, слово христіанское, тѣмъже пакы реку, кресте честный! Радуйся, ꙗко на тебѣ Господь нашъ Іисусъ Христось смотри слово, в' немъже суть вся сокровища премудрости и разума утаена! Радуйся, кресте чест'ный, имъже приснотекуща радости на небеси и на земли дана бывають! Радуйся, кресте честный, ꙗко испрѣва Зижитель по всей твари образъ твой начерт'а! Радуйся, кресте честный, ꙗко вся силы небесныа быв'шаго ради тобою спасеніа страшны хвалы в'сылають Владыцѣ! Радуйся, кресте слав'ный, тобою бо въ градѣхъ и во отоцѣхъ и въ всѣхъ языцехъ церкви правовѣрныа основана быша! Радуйся, кресте слав'ный, тобою бо всяка уста на благословеніе отверз'ста быша! Радуйся, кресте блажен'ный, тобою бо небесни ангели на земли со человеки ликують, Христа воспѣвающе! Радуйся, кресте блажен'ный, тобою бо на небесѣхъ земнии человеки точно и ангеломъ Богови работають, неизызглаголанною радостію Творца славяще! Радуйся, кресте блаженный, тобою бо Адамъ раздрѣшенъ бысть отъ клятвы, играя и ве||селяся в'ниде пріимъ пер'-
326. б. вый санъ! Радуйся, кресте святыи, тобою бо діаволя сила низвер'жена бысть и все бѣсное дѣйство разорено бысть! Радуйся, кресте чест'ный, тобою бо святаа Троица омоуся знаема есть, вѣруема въ всякомъ мѣсте и славима! Радуйся, кресте святыи, тобою бо всяка душа Христови вѣрующа спасаются! Радуйся, кресте слав-

ный, тобою бо неотъемлема благыня чело-
вѣкомъ дана быша! И что еще речемъ или
что възглаголемъ? Како ли възсхвалимъ
силу креста Владычя? О имя крестное, в
немъ же величества Божіи тайнъ сокровена
суть, ангелы говѣино и челоуѣки честно!
Что бо есть любіе крестіаньска имене или
сладже христіаномъ? Что же есть дѣйстви-
нѣе его на чюдотвореніе? Крестъ Божія
сила, дѣйственное знаменіе; крестъ ангеломъ
радость и бѣсомъ сѣтованіе; крестъ основа-
ніе церквамъ; крестъ всему миру присно-
цвѣтущее свѣтило и всесвѣтящее, стѣна не-
подвижна и не падающа и непроборима
всєя вселенныя; крестъ священникомъ слава
святоподобна и некончаема; крестъ царемъ
державна и сила и непобѣдимое оружіе на
супостаты; крестъ воемъ оружіе прекрѣп-
ко и страшно противнымъ; крестъ храни-
тель градовомъ нековно и неиспрометно;

326. в. крестъ людемъ веселіе вѣчно || и неразо-
римо; крестъ выну пог. бленіе діаволу не-
престанно; крестъ бѣсомъ соверженіе вѣч-
но; крестъ упованіе крестіаномъ извѣстно
и непостыдно; крестъ болящимъ исцеленіе,
благолѣпнє душамъ же и тѣломъ; крестъ
здравымъ неслыкомо здравіе; крестъ влаю-
щимся отише претихое; крестъ побѣди-
мымъ миръ немятжный; крестъ правовѣр-
нымъ похваламъ хвала и еретикомъ осуже-
ніе непрестанно; крестъ идолослуженію ра-
зоритель и благовѣрїю исправленіе; крестъ
дѣвству учитель и целомудрїю хранитель;
крестъ праведникомъ неблаженіе и грѣш-
никомъ покааніе; крестъ уединенымъ укра-
шеніе и живущимъ правокраситель; крестъ
младенцемъ хранитель и страдалцемъ жизнь
утверженая; крестъ убогимъ неиздасное
богачество и богатымъ довлѣнію учитель;
крестъ заблудышимъ путь и погибшимъ
неблудящїи наставщикъ; крестъ покровъ
трудомъ дневнымъ, мощь страхомъ нош-
нымъ; крестъ языкомъ ученіе и всему миру
превеліа тишина. И что речемъ и что оста-
вимъ? или како тя възсхвалимъ, всєславный
кресте, како тя единого отъ всєя твари слав-
лю? царемъ оружіе непобѣдимо гавися на
діавола и на грѣхъ и на смерть. Тѣмъ же

326. г. блажени || есмы вси сподоблени видѣти свя-

тый день твоего явленіа. Ты еси проповѣ-
даніе пророкомъ; о тебѣ вся дни шепшуть,
глаголюще къ Господу, дасть боящимся
тебе знаменіе бѣжати отъ лица лукава; ты
еси похвала апостоломъ, непрестанно бо
впѣють въ церквахъ святыхъ единѣмъ свя-
топобѣдцамъ: мнѣ же буди хвалитися точию
крестомъ Христовымъ; ты еси мученикомъ
вѣнецъ, зане и ти крестъ с радостію в'земь-
ше послѣдоваша Господєви; ты еси радо-
ваніе и похвала сущимъ в' горахъ и утвер-
женіе живущимъ в' пропастьхъ земля имени
ради Господня, како и ти плоть распяша со
страстьми и похот'ми; ты еси ближнимъ и
далнимъ прохлада и покой. О неизглаголан'-
на благодать владычяго креста! о непо-
стижныхъ тайнъ его! и да и азъ реку нѣ-
что ужасно со святою утробою: оле глубина
богатєства и премудрості и разума Божія,
како неспытанни судьбы его и неислѣдни
пути его! Древомъ бо животнымъ умрѣцвени
быша: древомъ же осуженіа паки ожихомъ,
неизмѣрною благостію спасєнаго Владыки.
Подобаєтъ бо намъ всепраздно составити въ
осѣняющихъ до олтаря; осѣняюща же суть.
какоже рекоша мудрїи и прехитрїи о сихъ,
оскверненія не родомъ и вещью; потомъ же
паки прилежаніемъ и тцаніемъ на прекра-
сне красимы, на веселіе | и радость веселя- 327. а.
щимся на бракъ во иной радости свѣтлѣ.
Потворимся убо, какоже преді обѣщаном'-
ся, и прибывшее совѣсти нашей отъ уны-
ніа согнушеніе отмывше, свѣтлый и все-
честный день память животворящаго кре-
ста содѣлимъ, милостынями и вѣрами, какоже
рѣша книги, очистятся грѣсц, и дерзнове-
ніе говѣніемъ украшеніе, прїимше на рамо
побѣдительное оружіе креста, дарованное
намъ с небєси на прєставленіе всякого гнѣ-
ва, ангельскую пѣснь обычно къ Богу во-
зопіємъ: Святыи Боже, Святая Троице, не-
постижимаа омовсія, не уставомъ сущіа,
равнопредстольная и равнолѣтняя и равно-
славмаа! помилуй ны, оцѣсти грѣхї наша
имени твоего ради святаго, и дасть намъ
милость и щедроты въ день возданія твоего
праведнаго: ты бо еси Богъ нашъ, и подо-
баєтъ ти честь и слава и велелѣпота, дер'жава
и власть, Отцю и Сыну и Святому Духу,

нынѣ и присно отъ всякого дыханія и въ всяческыя вѣкы. Аминь.

В' ТОЙ ЖЕ ДЕНЬ, слово святаго **Василія Селев'ыя Саврикійскаго на Въздвиженіе честнаго и животворящаго Креста Господня.** Благослови отче!

Всяко убо иже отъ гор'шаго на лучшее преложеніе велику радость и веселіе роду человѣческому содѣваеть; обаче бо человѣческое естество лучше 327. б. шимъ желая, присно снѣшнѣ къ лучшій постиженію: снѣ убо особно плавающимъ, еже отъ буря в' завѣтренее мѣсто и тишину прехоженіе; особно же и путникомъ, иже отъ трудовъ в' покой и безмолвіе; особно же и печалующихъ, иже отъ сѣтованія въ веселіе преложенія; особно же и недугующихъ, иже отъ немощи въ здравіе премѣненіе; особно же и супостатомъ, иже отъ вражды къ любви и смиренію извѣщенію; сладчайши же иже отъ тмы и ноци къ свѣту и дню припаденіе; и всяко дѣланіе, якоже есть рещи, сладчайшее иматъ дѣйство, егда же ползу желаящимъ той содѣваеть. Снѣ убо зримъ иже отъ Бога даное намъ наслажденіе преложеніемъ веселіе намъ подающе: пшевица бо убо есть снѣ сладка, в' землю же со трудомъ влагаема и много усубляющися, сладчайши показуется, со всякою радостію во множество пища пріемлема: едино бо есть сѣмя зерна в' невидѣніе вмѣтается, обилно же в' жатвѣ в' житницу собираетъ; снѣ и естество винограда сладчайшее намъ подаетъ наслажденіе преложеніемъ плода вино отъ древа приносяще: прутіе бо и листвіе лютейшее и тръпчайшее имуть дѣйство, яко ниже устны мощно естъ в' кусу коснутися; гроздь же совозрастникъ листвіемъ на единомъ древѣ во зрастѣши, толики сладости иматъ чювство, якоже усладити горкымъ и печалнымъ обычай свой плодъ въ сладости вина подающій; снѣ и масличныя вѣтви присно цвѣтуще убо имуть листвіе, присно же юнѣюще древо, приносять же на время плодъ неподобенъ всѣмъ, нѣкоторое естество в' себѣ показующи: цвѣтъ бо убо первіе якоже прахъ тончайшій естъ предлагаа,

посреди же того естъ сама якоже просо растущи и гроздомъ убо подобія, множества же и неисчетенна показуеть, в' возрастъ же предъидый множества убо яко и неполезнаго премѣняется, и горка убо естъ даже до конца в' кушаемо; не в' кусна же рукама пріемлема хранителница, ради сего своему туку бывающу, отъ горесги же преложенія толикъ сладокъ подаетъ в' кусъ, яко всякой убо пици за болѣніе приноситися, в' сей же пици раствореніе къ жизни человѣчествій бывати. И снѣ всяко естество садомъ же и сѣменемъ предложениемъ плодовъ веселіе всѣмъ подавають. Ел'ма убо лютѣйшихъ на лучшаа преложеніе толико подаетъ наслажденіе; принеси убо пришедше на отъ сихъ честнѣйшая, видимъ коликыхъ намъ благыхъ ходатай бывъ крестъ Христовъ, ради своего дѣйства толико преложеніе благыхъ содѣлавъ. Аще бо печаленъ и дряхль Господень крестъ слышитися, но и радости естъ исполненъ и свѣтлостію естъ обиленъ, не страстемъ, но бестрастію виновенъ бывъ. Аще бо и соблазнъ естъ іудеомъ именуемъ, буйство же языкомъ проповѣдуемъ: но намъ вѣрнымъ спасеніе естъ поминаемъ. Аще бо и въ церкви кресту прочитаему и страсти ради креста полагаемыи, людие кресту вѣрующе въздыхаютъ, умиленный гласъ и жалостными испущающе: не ради Распятаго, но ради распеншихъ то творять и не вѣровавшихъ. Крестъ бо спасеніе церкви; крестъ похвала иже на нь уповающимъ; крестъ избавитъ насъ предваршихъ золь и начало прибывшимъ намъ благымъ; крестъ къ Богу врагомъ примиреніе и къ Христу грѣшныхъ обращеніе; ради креста дѣволя мучительства свободихом'ся, и ради креста смерти и погибели премѣнихом'ся. И сего ради народъ иже первіе крестъ слыша и въздыхаше, нынѣ же о воскресеніи слышавъ, въздыханіе на радость преложи, и чистымъ гласомъ славу произноситъ. Крестъ человѣческое естество въ ангельскій преложи чинъ, всякого тлѣнаго естества тужда показавъ и в' нетлѣнней жизни пребывати сподоби, не ктому чловѣкы, но богы нарече, глаголя: азъ рѣхъ бози будете и сынове Вышняго вси; || не ктому рабы, но другы и братіи 328. а

именова: възвѣщю имя твое братіи моей. Зриши ли, колико предложеніе крестъ содѣа и колико премѣненіе иже в онъ вѣрующимъ купльствова? Да увѣси же извѣстнѣйше силу креста, смотри что бѣ прежде креста и что по крестѣ: и обрящеша креста дѣйство. Прежде креста Сынъ не бѣ вѣдомъ: днесъ же, кресту проповѣдуему, и Сынъ именуется, и Отець ради Сына познавается; прежде креста діаволу поклоняхуся: нынѣ же, кресту проповѣдаему, діаволь падеся и бѣсове прогоними суть; прежде креста о блудѣ и нечистотѣ упражняхомъ: нынѣ же, кресту проповѣдаему, не точію блуда отступихомъ, но и бракъ преобидѣхомъ, дѣвство же еже не вѣдѣхомъ пріимше, іакоже свое естество хранимъ. Не бѣ крестъ проповѣдуемъ, и діаволь иудеа на Христа собра: днесъ же крестъ проповѣдается, апостоли іудея ради вѣры приводятъ; не бѣ крестъ проповѣдуемъ, и подѣ смертію деръжими быхомъ: нынѣ же крестъ проповѣдуемъ, іако не бывшю смерть преобидимъ, вѣчную же жизнь желаемъ; не бѣ крестъ проповѣдуемъ, и подѣ смертію деръжими бѣхомъ связани: кресту же гавльшуся, без вѣсти бысть адъ с смертію, и мы отъ узъ отпущени быхомъ; не бѣ крестъ проповѣдаемъ, раа быхомъ 328. 6 отуждени: кресту же || гавльшуся, в'незаапу разбойникъ раа сподобися. О великіа же силы креста! елико премѣненіе роду человѣческому содѣа, отъ толікіа тмы во свѣтъ незаходимый престаив, отъ смерти в' животь вѣчный призва, отъ тля в нетлѣніе обнови! Не ктому бо очи сердечныи невидѣніа тмою покрываются, но ради креста свѣтомъ разума озаряются; не к'тому ушеса глухихъ отъ аспидъ затыкаеміи суть: глусіи бо слышаша слово Господне и слѣпії прозрѣша видѣти славу Божію. Сіа креста исправленіе, сіа намъ ради креста дарованіа! Которое бо намъ добро ради креста не даровася? кое благо не ради креста исправися? Ради креста благочествовати научихомъ ся и божественаго естества силу познахомъ; ради креста правдѣ Божии наказуемъ ся и целомудріе добродѣтелное гонимъ; креста ради другъ друга познаваемъ, и далече суще с Христомъ совокунимъ ся и благодати Свя-

таго Духа сподобихомъ ся; ради креста другъ друга люб'ве познахомъ силою и другъ за друга умрети не отмѣтаемъ; ради креста сущихъ в' мире пренебрегохомъ и іакоже ничто та в'менихомъ; ради креста будущихъ благъ желаемъ и невидимомъ зримомъ претваряемъ. Крестъ проповѣдается, и вѣра въ Бога исповѣдуется, истина по всей земли жительству||еть; крестъ проповѣдует- 328 в ся в' мирѣ, и въскресеііе показуется, и животь обьявися, и небесное царствіе увѣряется, и невѣрніи кресту вѣрують, и спасеніе получаютъ иже крестъ на жизнь умыслив'шей; крестъ сихъ всѣхъ ходатай намъ бысть, и ради креста пѣти навыхомъ. Что убо креста честнѣйшее? что же и сего душамъ нашимъ полезнѣйшее? Да не убо постыдимъ ся крестъ именующе, но со в'сякимъ дерзновеніемъ тѣ исповѣдаемъ, имъ же въ спасеніе знани быхомъ, в' вѣчную жизнь присылаемъ ся. Зриши ли, колико крестъ сій смотреніе мирови содѣа, преложи того безаконныя вещи и без вѣсти сотворитъ безбожная велѣніа? Не ктому в' законѣхъ діавольскихъ жительствуетъ, но въ узахъ сатанинскихъ обращается. Богъ бо пріиде, и неистовства страсти отсѣче, и своя узаконнпологи, и пол'зующаа и помагающая проповѣда, велѣніа целомудріа положи и сладострастіе отсѣче, предѣлъ святыхъ положи и законъ чистоты испроси, и законопреступный блудъ до конца упраздни, въздеръжаніа узаконнпологи правила, и сластное неудержаніе възрази, и велѣніа божественѣйшимъ похотныа сосуды исторъже, и всяку страсть раждающую грѣхъ помрачи: елма бо начало блуда умышленіа сластная, обрѣтеніа 328. г. же тѣхъ тля жизни. Сего ради корень безаконіа отсѣче, да уставитъ вся стремленіа нечестіа, и упраздни мръзостнаа чтялища идолослуженіа; растли же неправедныхъ начинаніа, ненотребны же сотвори образы неистоваго законопреступленіа, и помрачи строеніе и доброутвореніа нечестіа, прельсти отсѣче неправдованіа, и погибели загради струя; очисти душа, искоренивъ терніе нечестіа и вложивъ іако зерна пшенична сѣмена благочестіа, да покажетъ душа плодоносящее сѣмя правды; отвер'зе хляби ду-

ховнаго житодаанія исполненія житница божественаго жита небесныя премудрости; облече вѣрующихъ в' духовную святиню, и бысть комуждо пріятелище божественаго священія и рѣка божественаго благолѣпія. Сихъ намъ всѣхъ крестъ дарова стяжанія, и всѣхъ толикихъ благъ креста ради пріахомъ; сихъ всѣхъ разумъ креста ради пріахомъ, и сіа вся его ради научихом'ся. Да увѣси же креста силу и колико въз'може креста дѣйство, навикни иже при крестѣ бывшее, и обрящещи дѣла божественныя силы тѣмъ иже творимая. Крестъ на жизнь водрузися, и жизнь мирови ради креста даровася, и смерть мертва его ради показася; крестъ на истиннѣ испол'нися, крестъ учинися на Владыку, и Владыка || на немъ рудѣ расп'ростеръ вся к' себѣ собра; Христосъ на крестѣ висить, и диаволь умер'нцевъ бысть; Христосъ на крестѣ протяжеся, и знаменія спасеніе мірова даровашася; Христосъ на крестѣ пригвоз'дися, и всяку душу отъ узъ избави; Христосъ на крестѣ простреся, и вся тварь отъ тлѣнія и работы свободися; Христосъ на крестѣ почи, и чюдо ново мирови показася: солнцю бо свѣтъ помрачися, образъ убо невѣрнымъ въ день судный т'ма хранится, вѣрующимъ же свѣтъ дне отъ тмы прелагаемъ. Сіе же пророческое слово в'зываетъ, глаголя: и будетъ в день онъ, глаголетъ Господь, зайдетъ солнце в' полудне и смерк'нется въ дне свѣтъ; и предложю праздники ваша в' плачь и в'ся пѣсни ваша в' рыданіе. Зриши ли, возлюбленне, колико обдер'житъ таинство пророческое слово? Здѣ бо обонхъ назнаменуются вещи: іудеомъ же, глаголю, иже подъ закономъ, і азыкомъ, иже в'нѣ закона безаконіемъ содѣвающимъ. Иже убо по закону празднують, и плачются, праздники погубльше, и в'мѣсто пѣсней плачь о Іерусалимѣ сотворять, не ктому бо Іерусалимъ имуть служ'бы, ниже свер'шит'ся в немъ праздника в' конецъ, отгытатъ всѣмъ по Христовѣ пришествіи и страсти его и смотренія. И сего ради убо

329. а. рече: превращю праздники ваша в' сѣтованіе и вся пѣсни ваша в' рыданіе, закон'ныхъ лишаеми и в работу всякому языку предаеми, яко не вѣровав'ше божественому и преслав'

ному креста проповѣданію. Плачютъ же ся о грѣсехъ исповѣдающесе языцы, плачь блаженству ходатайственъ: блажени бо, рече, плачущей, яко тѣ утѣшатся; плачютъ же ся и о суетныхъ тѣхъ праздникохъ и пѣсняхъ бесчистыхъ, ихъ же содѣваху нечистымъ бѣсомъ. Зри бо ми днесъ, како показася язычникъ, иже прѣвѣ идоломъ праздновааше, преобрати праздникъ в плачь, каася о ихъже злѣ содѣя, и глаголетъ, плача, пророческое оно сново: прельстихом'ся въ студѣ нашемъ, и открылъ еси намъ грѣхи наша, занеже испол'нихом'ся нечестія нашего и познахомъ нечестія отецъ нашихъ. Сіце убо и намъ добрѣ плачущимъ о прѣвие бывшихъ и намъ злыхъ, къ кресту себе приплетемъ, кресту упованія възложив'ше, да ради креста наказани быв'ше и къ Христу мысль протяг'ше и Христу Спасу нашему приближив'ше, близъ Бога во царствіи небеснѣмъ быти сподобим'ся, о самомъ Христѣ Господи нашемъ, емуже слава и дер'жава въ вѣкы. Аминь.

Пан'толива, презвитера церкви Византиска, чтеніе на Въздвиженіе чест'наго и животворящаго Креста. Благослови отче!

|| **П**акы въздвижет'ся крестъ, пакы тварь 329. а. веселит'ся; пакы въздвижется крестъ, пакы празднують языцы. Паче же слово на начатокъ възведемъ. Пакы въздвижется крестъ, пакы тварь обнов'ляется; пакы въздвижется крестъ, пакы отъ реб'ра мати живымъ бываесть, помощ'ница всему миру бывающа, а не помощ'ница по пер'вому, в разум'наго древо мѣсто животное древо объемлюща, въ ослушанія мѣсто послушаніе съвершающа, въ клятвы мѣсто благословеніе приемлюща, в' печали мѣсто радость бывающа, во ислѣнія мѣсто неистлѣнія приоб'рѣтающа. Но кто есть живыхъ си мати, и кто древо животное прилаждающа? Не церкви ли Божія, а древо крестъ Христовъ, добраго жениха церковнаго? Се нынѣ въздвизается крестъ, и диаволь потребляется; се нынѣ крестъ являесть, и обличень бысть злый князь, и обличаются дѣмонѣ, и духъ лукавыхъ прогонени бывають собори, испро-

вер'жена бываетъ смерть, и разг'рабленъ адъ; и грѣшникъ и совѣтникъ к' сему не глаголетъ к' матери всѣхъ насъ, но по чреву лазить блудый пяты, и на главу наступаемъ ему, и землю гасъ осужен'ную, тръние и рѣпнн износящую; видитъ же прел'щеную

329. г. имъ пер'вие || животнаго древа наслажающіися, тѣмъ уставль пер'вья клятвы, видитъ же ни пятою владыи, тому же в'ся главы сокрушаетъ крестъ; видитъ предстаощу одесную страну яко царица, осуждену одесную, первіе листвїемъ смоквіиномъ наготу крыющу ризами нынѣ позлащенами одѣну и утворену, и своя ся плачетъ некрасоты; видитъ царскимъ жезломъ поднираему и на небо възводиму, своего отпаденія плачется; видитъ созывающа чада своа с высокымъ проповѣданіемъ на поклоняніе кресту и послушаніе трепетомъ, и о послѣсе дивит'ся и множества ужасается: ибо се пар'фенѣ, мидѣне и аламитянѣ, по написанному в' Дѣанїихъ, и жувущен между реками въ Іудѣи же и Кападокіи, в' Пон'тѣ же и в Памфилїи, въ Египтѣ и въ странахъ Ливїйскихъ, иже суть подъ Кириніею, критяне і аравляне и мидяне и прочїи вси языци, на няже солнце сіаеть, леть его оставльше, пропятому съ пророкомъ въпїють: спаси, Господи, люди своя и благослови достояніе свое. Сїи же Исаїа прозря, великомъ гласомъ възопи: въздвигнеть знаменїе на языки и собереть погыб'шая Израилевы и расѣан'ныя удовы собереть отъ четырей край земля; и пожируетъ левъ со агнецемъ, и рысь с козлищемъ почіеть,

330. а. || и телець и левъ і юнецъ в'куиѣ жируютъ, и пожируютъ во многоцерковнѣмъ вер'тоградѣ. По духовному въ истин'ну и мысленному раю, идѣже нѣсть зміа сѣкающа, ни святища, ни Евва преглаголема и преглаголюща мужа и препирающа прїати отъ древа разумнаго, якоже и сама злѣ препрѣна злаго зміа совѣтомъ, не пламен'номъ мечемъ входъ хотящимъ в'нутрь быти страшно загражающи, ток'мо же древо живот'ное и дѣва раждающи неистлѣнно своего жениха и обручающи сего хотящимъ ся емъ причастити. Есть же и на четверо раздѣлягася источникъ, в'сю нашу напалгя сухоту: сухъ бо есть во истинну и безо всякыя влаги духовныя грѣхомъ родъ нашъ, и жилъ бы всегда въ адѣ истлѣнїа, аще не бы древо прозябло животное, аще не бы раа отверз'лъ, аще не бы евангельскаго источника поточилъ и рѣками крестител'ными потопилъ зміа. Но прїидѣте поклоним'ся кресту; прїидемъ и оберемъ плодъ отъ древа, стоящаго прїи исходищихъ ребреныхъ водъ, еже плодъ свой дастъ въ время свое: крестъ бо есть древо бесмертное, садовно и неистлѣнно, коренъ праведенъ, мудрости прозябенїе, телесныя чистоты цвѣтъ; крестъ мужественное оружіе, постыднѣйшїи подпоръ, стѣна вѣрныхъ, чьсти подстава, богознамен'ное про-

330 б. свѣщенїе и многомъ пер'вѣе въспященїе клятвѣ, отвѣщанїа възв'ращенїа, плѣн'нымъ избавленїе, болящихъ обращенїе, падающимъ востанїе, спасаемымъ сила, спѣхъ праведнымъ, дер'занїе мученикомъ, радость пророкомъ, проповѣданїе и побѣда апостоломъ; крестъ вѣнецъ миру небеси и земли, паче же небесныхъ силъ инодушїе, тварь всея святины, празнующихъ соборъ, обрученїе сыновьству и царству небесному наслѣдіе; и еже есть боле, люб'ве Бога и Отца о насъ великїи совѣтъ, гавленїе же Сыновне до смерти бол'ша послушанїа и премудрости Святаго Духа: тако бо възлюби Богъ весь миръ, рече, да иночадый Сынъ свой дастъ, да всякъ вѣруяй в онъ не погыбнетъ, по имать животь вѣчный. Сынъ же бывъ послушливъ до смерти, смерти же крестныя, дастъ на смерть побѣду, да с ними премудростїю духовною разор'ше князя же и владыки начнемъ врага и свяжемъ крѣпко, и расхитимъ его корысть, и тако бестраха дѣлаемъ рай, и сокровище раскопаемъ сел'ное, и веледрагый бисеръ обрящемъ, достойное знаменїе крестное по дни судному: тогда бо, рече, гавится знаменїе крестное на небеси. И тогда когда? егда силы небесныя подвигнут'ся, егда со ангелы своимн единочадый Сынъ Отець прїидеть судити живымъ || и мертвымъ: тогда красящеися знаменїемъ 330 в. церковнымъ и многоцѣн'ный стажав'ше себѣ бисеръ, и образъ и подобьствїе добрѣ сохран'ше на облацѣхъ на небеса възхищени будутъ: Господь бо послеть ангелы своа с труб'нымъ гласомъ велиемъ, и собереть из'

бран'ныя его отъ четырен вѣтръ отъ конецъ небесныхъ до конецъ ихъ: сіи бо евангелисты Матѣей о будущемъ Сына человѣческаго въ вѣторомъ паки пришествіи знаменію приходящу речъ; а творимое нынѣ образъ есть истъ будущему. Се бо въздвиже крестъ на земли, и вся отечьствія языческая и родъ человѣческъ, возрастъ же в'сякъ, знаменіемъ крестнымъ запечатлѣши, прославляють мѣсто, идеже стоиша нозѣ Господа нашего Исуса Христа, емуже слава и держава, нынѣ и присно и в'вѣки вѣкомъ.

В' ТОЙ ЖЕ ДЕНЬ, святаго Ефрѣма слово похвално о Крестѣ. Благослови отче!

В'сякъ праздникъ и всяко дѣяніе Господа нашего вѣрнымъ есть похвала; похвала же есть намъ Христосъ; праздникъ же празникомъ, егда пасха наша за ны пожреся Христосъ, паче же възкресъ из мертвыхъ агнецъ Божій, в'земляй грѣхи всего мира: той бо есть день госпожа и царица днемъ, а прочіи вси праздники святіи и честніи, к тебѣ бо приносяще всю славу, подающе блистаніемъ божества.

330. г. Вы же достойно чтете и празднуйте || вѣрно, т'щащесе на заповѣди Божія; скверніи же, неочищеніи въ грѣсехъ и въ піанствѣ, и въ праздникъ не праздновавше пребудуть злѣ. Праздникъ же добръ и богоугоденъ покаяніе со слезами и отступленіе отъ грѣха и разумъ Божій и желаніе вѣчныхъ благъ: тогда и на небесехъ радость будетъ, тог'да царскы радуется и веселит'ся и созываетъ вся правед'ныя, глаголющи: радуйтесь со мною, яко сынъ мой се умерлъ бѣ прегрѣшеніемъ и оживе покааніемъ. Праздникъ добръ и богоугоденъ, им'же со-праздникъ Христосъ, имже скон'чсваются заповѣди его, и честно есть святое писаніе. Праздникъ есть Христу, егда узобіи пол'зу пріемлють, егда в'довы почиваютъ, егда сироты утѣшаются, егда стран'нии отдыхаютъ. Праздникъ есть Христу, егда честь Божія поется въ псалмехъ и пѣніихъ и в' пѣснехъ духовныхъ. И ти суть снем'шеися во имя его, посреди тѣхъ заповѣда Господь обре-

стися. Блаженъ иже в той образъ сон'мутся: Владыку бо имуще посреди себе, ничесо же будут ли сіи? Тако убо чтемъ заповѣди Господня не тѣр'жески, нѣ божески, не мир'скыи, нѣ премир'скыи, не предверія вѣнчаимъ, ни ликовъ став'ляемъ, не украшаемъ стѣблѣй, ни пищали, ни гусел'наго гласа наслаждайте слухъ вашихъ, ни в'ризы мяк'кы одеждем'ся, ни златнымъ блистаніемъ, ни брашна ради разрушайте дѣла Божія, тако- 331. а. же глаголетъ апостоль: не лишитесь святыя служ'бы за ласкосердіа утробнаа пребывающе во скорѣльцѣхъ; но та вся оставимъ имъ, им'же богъ чрево и слава. Мы же купно вси, маліи и велиціи, мужи же и жены, крестіанскы праздники Господня чтемъ, такоже и научихом'ся, въ псалм'ѣхъ и пѣніихъ и в' пѣснехъ духовныхъ; вѣнчаемъ двери такоже крестіани, а не тако еллни, даф'ниемъ и цвѣт'ци, во инъ образъ, иже есть ел'линескъ и жидовескъ: стѣнь увидѣя, истин'на проц'вѣте, такоже слышахомъ апостола вопіюща, яко пер'вая мимоидуть, и се быша в'ся нова отъ Бога; леств идольская раздрушися, и адъ упразднися, і иже въ адѣ плен'ници изведени быша, многыя лести царствіе сотре, человѣкы свобождаа. Господь въцарися, созданіе радуется, крестъ упро-странися, емуже поклоняются вси языци и людіе и роди, им'же и хвалим'ся, со блажен'нымъ Павломъ глаголющи: мнѣ не буди хвала, ток'мо о крестѣ Господа нашего Исуса Христа и о дверехъ животвор'ца креста: сего бо видяща, в'ся противная силы трепещуща отидуть; се идольскую леств попра; се вселен'ную освятить ест; се т'му просвѣти и свѣтъ наведе; сей языки собра отъ в'стокъ и западъ, и отъ сѣвера і юга во едину церковь и въ || едину вѣру и въ 331. б. едино крещеніе любовію связалъ ест, не раздрушеное благовѣрныхъ знаменіе. Кая уста, или кый языкъ достойно в'мѣститъ оружіе великое царя Христа? Крестъ христіаномъ упованіе, крестъ мертвымъ в'скр'ешеніе, крестъ хромымъ утвер'женіе, крестъ нищимъ утѣшеніе, крестъ богатымъ обуз'даніе, крестъ гор'дымъ против'леніе, крестъ против'никъ неприязни, крестъ новымъ наказаніе, крестъ дал'нимъ удаленіе, крестъ

отпадшимъ упованіе, крестъ плавающимъ правитель, крестъ тружающимъся помощь, крестъ борющимся стѣна, крестъ сирымъ отецъ, крестъ праведнымъ совѣтникъ, крестъ печальнымъ утѣшеніе, крестъ младенцемъ стражь, крестъ мужемъ глава, крестъ старцемъ совершеніе, крестъ сѣдящимъ во тмѣ свѣтъ, крестъ царемъ велика лѣпота, крестъ варваромъ мудрость, крестъ рабомъ свобода, крестъ ненаказаннымъ мудрость, крестъ пророкомъ и утверженіе, крестъ апостоломъ источникъ, крестъ мученикомъ похвала, крестъ преподобнымъ веселіе, крестъ священнымъ радость, крестъ церквамъ основаніе, крестъ вселеннѣй несоблаженіе, крестъ идольскія храмы раздруши, крестъ іудеомъ соблазнъ, крестъ немощнымъ сила, крестъ побѣжденнымъ врачъ, крестъ прока-

331. в. женымъ оцѣненіе, || крестъ ослѣпленнымъ дерзновленіе, крестъ алчующимъ хлѣбъ, крестъ жажущимъ источникъ, крестъ единствующимъ дерзновеніе, крестъ нагимъ одѣніе; сій есть водруженный посреди вселенныя в' мѣсто Лобное, и абіе прозябе гроздь живота нашего; о семъ святѣмъ оружіи Христосъ Богъ нашъ разверзе всю адову утробу и многа ключавствія неприязни затче уста; сего видѣвши, смерть вострепета и вѣстрясеса, испусти вся елико имѣ отъ первозданнаго; симъ въоружьшеса, блаженіи апостоли всю силу вражію попраша и вся языки уловьше собраша; сему поклонимся; симъ знаменавшеса, воини Христови и мученици вся противная и дрзновенная врагъ попраша, и дерзновеніе утвердиша пропеншесю; сего носяще, отвергышися мира сего с велею радостію живутъ в' пустыняхъ и в горахъ и въ врьтпѣхъ и в' пропастьхъ земьскихъ. О бесчисленнаа благодать челоѣколюбца Бога! колико дасть добро крестомъ роду челоѣческому! Тѣй же пакы и в кончаніе всего мира въ второе пришествіе Господне первый гавитися на небесехъ со славою небесною и множествомъ полка ангельскаго врагы устрашая и оскорбляя, а вѣрныя веселя и просвѣщая, и владычество гавля великаго Христа царя Бога, емуже есть слава, честь и

331. г. поклаініе со безначальнымъ Отцемъ и Пре-

святымъ и благымъ и животворящимъ Духомъ, и нынѣ и присно и в' вѣкы вѣкомъ.

В' ТОЙ ЖЕ ДЕНЬ, явленіе Константину царю и обрѣтеніе Креста, на немъ же повѣшенъ бысть Господь нашъ Иисусъ Христосъ, в' лѣто 203. Благослови отче!

Взысканіе и питаніе бысть о крестѣ нашемъ, на немъ же повѣшенъ бысть Христосъ Владыка нашъ, царствующу в' то время Константину Великому и боголюбивому мужю, егоже ради боголюбивая Елена, яже добръ възыскавши любимаго древа иже на крестѣ възвышеніе, і еже і изъ мертвыхъ възкресеніе, и не претерпѣ умолкнути, но со многымъ потѣщеніемъ и мыслію потѣсая пречистый даръ показати всему миру. Сицемъ же образомъ възыска его: иде въ Иерусалимъ во вторый мѣсяць, въ 28 день мѣсяца, купнѣ съ воины, и съборъ сотворивши, повелѣ имъ принти иже в' то время сущая жиды, иже остави бяху въ округнихъ градахъ и весехъ: бѣяше бо Иерусалимъ опустѣлъ; и обрѣтеса мужъ числомъ 3000. И призвавши а блаженная Елена, глагола имъ: вѣдѣ азъ отъ писанія, яко сѣмя праведно есть, и възлюбивый Богъ, и вы не разумѣсте, но мнѣсте свѣтъ тму сущу, истину лжу, и хотящаго вы отъ клятвы избавити проклясте, и мертвыя! во- 332. а ставляющаго мертвеца парекосте; нынѣ же глаголю вамъ: избѣрѣте себѣ вѣдущая законы добръ. Сіи же шедше съ страхомъ многомъ і искушеніемъ, обрѣтоша мнѣщаася добръ видѣти законъ мужъ тысуца; и придоша купнѣ ко царици, и свѣдѣтельствоваша о тысуци мужъ, яко сіи суть вѣдущи законъ. Сіи же пакы к' нимъ тоже слово глаголаше имъ: послушайте словесъ моихъ и внушите глаголы моя. Нѣсте ли слышали о святемъ пророцѣ, како проповѣда о Спасѣ, о немъ же васъ днесъ вопрошаю, яко дѣтищъ родися намъ и мати его мужа не позна? И пакы пѣснопѣвецъ Давидъ глаголя: преже видѣхъ Господа предо мною присно, яко одесную мене есть, да ся не подвижу. И пакы Ісаіа преже пиша, глаголетъ о васъ: сыны родихъ и възвысихъ,

тни же ся мене отвергоша. И пакы глаголетъ: увѣдѣ волю приобрѣтшаго и, и осель гасли господина своего, Израиль же мене не увѣди, и людие мои не разумѣша. Ни вы же убо почитающе не вѣсте; тѣмъ же стрегоми моими воини, имуще просторъ, изберете себе мнящаа видѣти законъ добръ. Сїи же шедше о себѣ и сотворше соборъ, обрѣтоша мужїи 500 вѣдущая и избобиль обитиѣ законъ, и придоша къ царици. Она же глагола: кто суть сїи глаголющии? Они же рѣша: сїи суть, иже законъ добръ вѣдятъ. И паки при-

332. б. нмѣ||ши истинно слово, учаше я, глаголюще: вы бо, сынове Израилеви, не доволѣ вы ослѣпленіе сердець вашихъ, глаголюще Иусу не быти Сыну Божїю, имуще пророки у себе, и почитающе не вѣсте. Они же рѣша: мы и почитаемъ, и вѣмы; о комъ иже намъ сицевая глаголаши, гавѣ рци намъ, да и мы увѣдѣвше отвѣщаемъ о глаголемыхъ. Си же паки отвѣщавши, глагола имъ: шедша о себѣ паки изберете мнимыя видѣти законъ. Сїи же идуща, глаголаша о себѣ: чесо ради убо труды сїа творить намъ царица? Единъ же отъ нихъ, именемъ Іуда, отвѣща, глагола имъ: вѣдѣ азъ, како взысканіе хочеть сотворити о древѣ, на немъ же Иусуса повѣсиша иже предъ нами; но блюдетъ, егда кто исповѣсть: аще ли то, по истинѣ разорена будутъ отечская преданія. Закхѣй бо, дѣдъ мой, повѣда отцу моему, умирая; онъ же паки и мнѣ заповѣда, глаголя, како блюдиша, чадо, како хочеть быти взысканіе о древѣ, на немъ же Месїю осудиша судїи наши; повѣдай, обави преже даже не мучать: ктому убо уже жидовескъ законъ не имать царствовати, но Распятаго царство будетъ кланяющихся; тѣмъ же бо царствовати имать въ вѣкы вѣкомъ, и тѣмъ есть Христосъ Сынъ Бога живаго. Азъ же глаголахъ ему: отче! да аще вѣдяху отци наши, како се есть Хри-

332. в. стосъ, то почто || на нь рудѣ възложиста? Онъ же глагола ми: послушай, чадо, не приложншася отцы наши о погубленїи его, ни собращася съ распеншыми Христа, но многажды спротивъ глаголаху имъ. Елма бо обличаше старца и архиереи, осудиша и распяти, надѣющася, како умреть, егоже отгвозднвше погребоша, и третїй день вѣставъ,

гавися ученикомъ. Тѣмъ же вѣровавъ Стефанъ, братъ отца моего, нача учити словеси о имени его. И собращася фарисеи, саддукеи, осудиша и каменїемъ побити. Блаженный же хотя испустити душу, рудѣ простеръ на небо, възопи, глаголя: Господи! не постави имъ грѣха сего. Послушай же мене, чадо, и научю тя о Христѣ и о милосердїи его, яко и Савлъ, иже предъ церковїю сѣдя и усмарь бѣ, и тѣмъ гоня иже о Христѣ вѣроваху, иже и вѣстави народы на славныя ученикы его, зане и отцы наши вѣроваша, яко по истиннѣ есть Сынъ Божїй. И ты убо, чадо, не похули его, ни вѣрующихъ в оны, и имѣти имаши жизнь вѣчную. Се убо заповѣда ми отецъ мой Симонъ; се убо слышасте отъ мене. И что убо вамъ мнится: аще въспроситъ насъ царица о крестѣ, что сотворимъ? И отвѣщавшис, рѣша ему: Іудо! мы николиже слышахомъ таковыхихъ. Аще убо взысканіе будетъ о томъ, блюдиша, не покажи мѣста: слышавъ бо то и мѣсто съвѣ- 332 г. си, Іудо! И се имъ глаголющимъ, придоша к нимъ глаголюще: грядите, зоветь вы царица. Сїи же придоша, испытася отъ нея, ничесоже истиннаго рекоша. Тогда повелѣ царица вѣся огню предати. Они же убоавшеся, предаша Іюду, глаголюще, како сей мужъ правдивъ и пророка есть сынъ; и се желѣнїе сердца твоего научить ты. И всѣмъ купнѣ свѣдѣтельствовавшимъ о Іудѣ, царица же призвавши и, глагола ему: жизнь и смерть подлежащима, что изволиши: жизнь ли, или смерть? Іуда глагола: то кѣто в пустыни хлѣбомъ подлежащимъ камень гасъ? Елена глагола: аще убо хочещи на небеси и на земли жити, то повѣждь ми, гдѣ есть сокровенъ крестъ Христовъ. Іуда рече: какоже имуть поминанїа, лѣтъ есть 300, и вище или мене; а мы юни суще, како можемъ вѣдѣти? Отвѣщавши же блаженная Елена, глагола: како преже толикъ лѣтъ рожденїи рати помнѣтсѣя подъ солнцемъ, и вси умершии поминаются и гроби ихъ? Іуда глагола: то, госпоже, в писанїихъ; мы же сего не имамы в писанїихъ. Елена глагола: малы преже ми исповѣда, како поминанїа суть. Іуда отвѣщавъ, рече: зяпаплхся рѣхъ. Елена глагола: азъ имамъ самообличенъ

гласъ евангельскій, на коемъ мѣстѣ распять бысть; точию покажи ми мѣсто глаголемое

333. а. || Главное мѣсто, и азъ своею властію повелю всѣмъ, и потреблю землю мѣста того, и ты обрящещи ми желаніе. Іюда глагола: ни мѣста вѣдѣ, ни о немъ иже намъ глаголеши. Тогда блаженнаа глагола: гладомъ уморю тя, аще да ми не повѣси. И се рекъши, повелѣ и воврещи в к'ладязъ сухъ, в немъ же не бѣ воды, повелѣвъши до седми днѣй безъ брашна бытіи ему. По шести же днѣй възопи Іюда, глаголя: изведѣте мя изъ тамы, и азъ покажу вы крестъ Христовъ. І егда же изыде ис кладязя, дойде мѣста глаголемаго Голгофа; и недовѣдый добрѣ, где лежитъ крестъ, въздвигъ гласъ свой жидовскій, рече: аикрая кравіа мими власьфими адолавиръ алои гаметотъ фелватію ворокафъ алоиаи алои икааро амурукиса фиваль марукисъ іаму мелиукисъ ахом'ми виорва Израиль еяі'мусъ тран'ву амумокафа ададамъ Израиль меаманъ весепъ гиміане Израиль. Аминь. Иже есть сказасмо: Богъ сотворивый небо и землю, сѣдяй на оружіи херувимстѣ, и си суть плавающая по въздушнымъ теченіемъ. во свѣтѣ бесчисленѣмъ, идеже человѣческое естество пріити не можетъ, іако ты сътвори а въ служ'бу, шесть животенъ шестыкрилатъ, иже четыре живо-

333. б. ти подъемлющи престолю твой и || лица рѣюще на землю служить тебѣ, непремолч'номъ гласомъ глаголюще: Святъ, Святъ, Святъ, херувимъ наричются; два же постави рай стрещи древо жизненное, іаже серафимъ наричю'ся. Ты бо владѣши всѣми, іако твои есмы и твоа тварь есмы. Отвергъшаася тебе бѣси глубинѣ огненѣй предани суть двер'ми и затворами, въ глубинѣ волею зміевою мучими, и твоему повелѣнію противитися не могутъ. И нынѣ, Господи, воля твоа есть царемъ показати Сына Маріинна, добрыя голубица, спущенаго тобою: аще бо не бы съ небеси тѣй былъ, тѣ не бы такихъ сотворилъ силъ; аще бо не бы твой отрокъ былъ, то не бы его въставилъ изъ мертвыхъ. Сотвори убо намъ чудо се, іако послушавъ угодника своего Моисея и показа кости брата нашего Іосифа сокровено сокровище, сотвори на мѣстѣ томъ, идеже лежитъ крестъ,

дыму добровон'ну изыти, да и азъ вѣрую распятому Христу, іако тѣй есть царь Израилю Іерусалиму вѣки вѣкомъ. Аминь. И сице помол'шюся Іюде, потрясеея мѣсто и множество дыма доб'ровон'на арамаг'ска изыде из мѣста, іако чудив'шися Іюде въсплескати рукама и рещи: по истин'нѣ Христосъ, ты еси спасъ миру; добродарьствую тя, Господи, іако недостойна мя суща, не сотвори мене лишена, свѣте, твояа благодати; молю ти ся, Господи Іисусе Христе, не 333. в. враждуй о грѣсехъ моихъ и в'чини мя съ достойнымъ твоимъ Стефаномъ пер'вомученикомъ. И се рекъ, вземъ рыло и пресоав'ся, аки доблій Авраамъ, копати начать. Сему изрыв'шю сажень дванадесате, обрѣтоша три кресты посыпаны, іаже в'земъ несе в' градъ. Тогда пыташе боголюбивая Елени: кій есть Іисусовъ крестъ? два бо рече, іако двою разбойнику еста. Тогда положивша я посреди града и бѣаху ожидающе славы Божіа. И се в' девятый часъ дне одръ несяху, на немъже мертвъ отрокъ. Іюда же радостенъ бывъ, рече: нынѣ убо вѣси, владычице, древо любимое и силу его. Тогда постави Іюда одръ и полагаа по единому на мертвецѣ. Егда положи третій крестъ на трунѣ, и абіе въста умер'шій отрокъ. Тогда разгнѣвася діаволь и възопи, глаголя: кто есть сый, не дадый мнѣ пріимати душъ моихъ? о Іисусе Назарянине! вся к'себѣ привлече. И почто паки древо твое ѣвися намъ? О Іюдо! что се сотвори? Прежде бо Іюдою сотворихъ людемъ согрѣшити: нынѣ Іюдою паки отгонимъ есмь. І азъ что сотворю? въставлю иного царя на тя, иже оставитъ Распен'шагося и по моимъ совѣтомъ начнетъ творити, и предамъ тя лютымъ мукамъ, и тогда мучимъ отвер'жешися Распятаго. Іюда же запрѣтивъ Христомъ, рече: иже мерт-

333. г. вья въстав'ляай Іисусъ проклинетъ тя, да идеши въ глубину огненую. Блаженая же Елена слышав'ши то, чюдися вѣре Іюдинѣ. И сему сице бывающу, боголюбивая Елени со многомъ добротіемъ утверди крестъ златомъ и драгимъ каменіемъ, сотворив'ше раку сребрену, в'ней положи и; и церковь створив'ши на Лобномъ мѣстѣ, в той положи и крестъ. Іюдѣ же крестив'шуся, по-

ручи епископу, иже в то время бѣ в томъ мѣсте. Еще же блаженіи Еленѣ пребываючи въ Іерусалимѣ, бысть почити епископу о Господи. Преподобнаа же призвавши Евсевіа, епископа града Римска, постави святаго Іюду епископа строити святая вся, всяческую церковь; премени же имя ему, Куріакомъ проз'вавши.

О обрѣтеніи гвоздіа.

Блажен'ная же Еленіи исполнь суці Божія вѣры и с подвизаніемъ преклонив'шися, отъ ветхаго и новаго Завѣта въспомнув'ши гласъ святыхъ пророкъ и вся іаже тѣми реченая, исполнь же суці Святаго Духа, потщася любу мудренѣ и иже на крестѣ пригвожденныхъ гвоздѣй взыскати, имиже незаконніи жидове пригвоздиша Христа. Второму же взысканію быв'шю, рече блаженная Еленіи къ Іудѣ, Куріакомъ проименован'наго: любимаго древа о мнѣ скончася лю-
334. а. быши, о крестныхъ || же гвоздѣхъ прилежитъ ми печаль, зане почію дондеже и о семъ скончаеть ми Господь желаніе. Прилѣжно убо молися и о семъ Господу. Тогда епископъ шедъ на Лобное мѣсто, купно со многими братіями, вѣровавшими въ Господа нашего Іисуса Христа, обрѣтенія ради крестнаго, и еже о мертвемъ чудеси быв'шю, и зря на небо и рукама купно біа пер'си, и възни: исповѣдаюся о пръвѣй невѣсти куп'нѣ. Блажа же вся иже къ Господу Іисусу Христу вѣровавшая и вѣрующая, на мнози же предложивъ моляшеся жидовскомъ гласомъ, моля гавитися ему знаменію нѣчто, іакоже и о крестѣ. Длгу глаголему же часу быв'шю, при коньци молитвѣ его, егда же рече: аминь, бысть знаменіе нѣчто, еже и шедше видѣхомъ: просвѣщшуся на мѣсте, идеже крестное древо гавися, паче солнечнаго свѣта гавишася крестніи гвоздѣ; тако бо просвѣтишася іако злато и сребро блестящеся, іакоже всѣмъ безъ соблазна глаголати: по истиннѣ нынѣ увѣдѣхомъ в' коего вѣровахомъ; іаже собравъ со многымъ говнѣнемъ, припесе къ боголюбивей Еленѣ. Си же приеми а, помышляше в' себѣ камо дѣти г'воздіа. Прилѣжнѣ же ей рассудив'ши, на всякъ путь хитростіи изобразѣвши, Божія

мудрость вложися въ умъ ея сотворити на память будущему роду. Приз'вавши же 334. б. мужа вѣрна, егоже мнози свѣдѣтельствовашу, рече к нему: цареву заповѣдь сохрани и царскую тайну содѣлай; възми ми сіа гвоздіа и сътвори въ узду коню, се бо оружіе непобѣдно на всяки супротив'никы, побѣда царемъ и миръ ратемъ; подоба бо естъ скончати пророкомъ речен'наа: и будетъ во дни оны, еже при уздѣ коня свято призовется Господу. Преподобнаа же Еленіи вѣру крестну утвердив'ши въ Іерусалимѣ и все скончав'ши, и приложи и гоненіе на жиды, иже не вѣроваша кресту, і изгнани быша отъ Іудея. Толика же благодать дана бысть епископу Кириаку, іакоже и бѣсы ему изгонити и болящая цѣлти. Святая же Еленіи даніе много предавши епископу на раздааніе нищимъ, и отъиде с миромъ, заповѣдав'ши всѣмъ памъ, іаже Христа чтуть, и вся іаже въ Господа Іисуса Христа вѣровавшихъ, творити память кресту мѣсяца Сеп'тября въ 14; иже бо поминають креста, то получаютъ причастіе Богородица Маріа, о Христѣ Іисусѣ Господѣ нашемъ, емуже слава со Отцемъ и со Святымъ Духомъ, въ вѣки вѣкомъ. Аминь.

В' ТОЙ ЖЕ ДЕНЬ, слово на Въздвигеніе честнаго и животворящаго Креста. Благослови отче!

Въ время оно потомъ егда же цареви Костян'тину противу лютому поганому Максентію приближающуся || к' бою на Дунап противу рим'лянномъ, зна- 334. в. меніе честнаго креста съ небесѣ бысть гавлено Костян'тину въ снѣ, и ему знаменіемъ креста и благодатію прим'шю побѣду, отъ Елены матере уже наречен'наго царя, святый крестъ бысть обрѣтенъ, тогда и целеніемъ бол'наго и въскрешеніемъ умершаго прозрачнымъ сказаніемъ бысть прославленъ; и царица духомъ совер'шена, спасител'ное древо сотвори пресѣчену быти на двѣ части: да и къ сынови крестъ принесла бѣ Костян'тину граду, и крестъ въ Іерусалимѣ въ сребреніи скриніи поставленъ на мѣсте съхранить, премудрымъ совѣтомъ размышльши, да идеже баше юдомъ Господь-

скимъ приподобилъся крестъ страстемъ, ту идеже и прославленъ честилъся Богъ отъ людій. Многомъ же лѣтомъ минувшимъ, в' лѣта Фоки, царствующу ему в' римлянехъ, егда же нападеніемъ грѣхъ прегрѣшающихъ казнь посла Господь на люди крестіаны лютостію поганьскою: Хоздрой, етеръ ск'вер'неньый и нечестивый царь, царствіе въсхитилъ бяше Перьское, емуже на толико проторг'нутися предрез'зѣ гор'дость, да отъ ближнихъ земель, гже сѣтемъ своимъ поганьскимъ и злымъ примучилъ бяше под область, кланятися повелѣ себѣ гже и Богу, и в'зы-

334. г. ватися богъ богомъ и царь || царемъ и господь господемъ. Не толико же ему се на свое пониженіе до сыти бяше пагубы, но въ истину Сурію и Палестину подъ ся примучи, Египетска царствіа, гже об ону страну і о сію и около ихъ бяху, своей области лютѣйши повину; въ Иерусалимъ же в'ниде, и церкви Христови раздруши, и всю землю крестіанскую посѣче и пож'же и повоева. Къ гробу же Господню егда хотѣ приступити, устрашенъ отъиде; но обаче древа часть спасител'наго, еже честнѣйшіа царицату на свидѣніе силы оставила бяше в'ся, сотворилъ же бѣаше себѣ стол'пъ с'ребрянъ и на немъ свѣтящемъся каменіемъ, и сотвори небо, и стол'пъ златъ з' драгимъ каменіемъ, иде сотвори колесницу солнцу и лунѣ, и образъ звѣздный хитростію устроилъ, на ньже тайными пищальми воду въз'веде, да гже и Богъ свыше дождь видилъся бы кропя, и подъ землю окрестъ ск'ры скаль кон'ми влачащими около. Стол'пъ устроень движющся, и аки нѣкоторымъ рутіемъ грома под'ражати, ремесленикъ л'гаше людемъ, на томъ же въ истинну мѣстѣ стол'пъ себѣ уготова, и близъ стоя акы другъ ся творя Богу христіанску, побѣдитель крестъ Господень постави; сыну же своему царство предавъ,

335. а. а самъ || в' томъ безаконіи сѣдѣше. В то же время умер'шу Фоцѣ царю, Ираклій столъ пріа царствіа, мужесна же ко оружію, гзыка рѣчию, хитрител'ми преказанъ, аще и дѣломъ мир'скимъ познанъ бѣше, но обаче вѣры собѣ собор'ныя и о Божіихъ рабехъ смиренъ и поборенъ, доброволенъ и обѣтенъ. И слышавъ си в'ся, въздохнувъ и рече: луче

бы ми смерть, неже животь. Почто ли царствіе христіанское дер'жахъ, а древо святое и землю поганіи одер'жать? Любо быти тому царемъ, любо ли миѣ. Пославъ к нему и рече: стройся на мя и азъ на тя. Пришедъ же сынъ Хоздроевъ противу Иракліеву у рѣки Великіа ставъ с вой своими, а се о другый полъ съ своими, послѣднее же водохновенъ милости спасителемъ; обѣма царема годѣ бысть, да быста сама ся посреди рѣки на мостѣ на бой сошлася, и емуже жребій побѣды подасться, то без' пагубы обоихъ вой дер'жаву да приметъ. И усуженіе с ротоу пзыде, да аще который отъ гѣхъ людій царю своему приступль дер'зветъ прінти на помощь, усѣченама рукама и ногама отъ самого и в рѣцѣ погрузит'ся. Егда же обомъ людемъ любо бысть, сама же ся между собою, гже речено есть, борющася дол'го и много, посреди моста ся снѣдоста, послѣдніе же потол'кновень сле||зами крестіан'скими, 335. б. силоу святаго креста, емуже ся томъ дне поминаный царь смотрено поручилъ бѣ. Вѣр'ному же своему Ираклію Христосъ подасть на врагы побѣду; таже и мысль измѣненіе и страхъ на Хоздроевы вой нападе, да не ток'мо предреченія роты не хотяху николиже преступити, но въ истину в'ннѣ со всею своею челядію и с чады Ираклію ся повинущася, гже областію, тако и вѣроу, еже онъ благовол'нѣ пріимъ, на томъ имъ милость подасть, да быша в'си ся крестили, еже створити куп'но вси обѣщася. Самъ же крестіаньскый царь со своими ток'мо пол'ки и царствіа, гже Хоздрое обугалъ бѣ окрестъ вся пришедъ, на столъ его прінде, и с маломъ к' нему в'лѣзе, и сѣдѣшъ и на столѣ златѣ обрѣте, и никто бысть отъ вой его, иже ему съхода и побѣжденія шкакоже повѣда, ни убиение сынов'ня, гже ожесточенія ради гор'дості его вси его ненавидяху. Но и достойно и по прав'дѣ, иже несокровено Богу против'ляшеся, како о твари Божіа могъ бы быти любимъ? Егда же устрашив'ся зѣло, цѣлованія словеса изношаше Иракліеву Хоздрое, Ираклій отвѣща: аще хоцещи здравіе и цѣль вѣимѣти, за тое же древъ святаго креста, аще и зѣло недостоинъ по пѣснемъ твоимъ раз'мыш'ляя

335. в. еси, і аще хочещи || вѣровати Господу Иисусу Христу и работа того быти, егоже и азъ есмь рабъ, во истинну проповѣси, царствіе дамъ ти толико Пер'ское с ротою; и тако в'зятъя отъ Вифаиды стол'ми имѣти почнеши. И егда же онъ той рѣчи никакоже пристати хотѣ, Иераклій вын'зе мечь, главу его усеку; но обаче погресті и повелѣ, іако царь бѣ; и сына его мен'шаго, егоже с нимъ обрѣлъ бѣ сѣдяща, заповѣда крестити, и самъ и отъ святаго источ'ниа изятъ, уже бо бѣяше десяти лѣтъ. Написаніа же царствіа Пер'скаго подъ него имя сотворити повелѣ, епископы и презвитеры с нимъ наряди; сребро же стол'па того на полонъ своимъ воемъ отда, злато же и драгое каменіе на съсуды и на обновленіе церквамъ сохрани, еже лютый царь раздрушилъ бѣ. Примъ же древо честнаго креста, еже печестивый царь отнеслъ бѣ, къ Іерусалиму приближися; радующи же ся вси людіе съ вѣт'веми финика, съ свѣщами и съ свѣтил'никы, толики различ'ныя славы приготавиимъ, с пѣніемъ и с пѣньми противу в'нидоша, и друзіи преди, а друзіи вѣслѣдоваху. И егда же царь схождаше с' горы Елеоньскыя, и тѣми в'раты, имиже Господь в'шелъ бѣ, егда на страсть грядый, бѣ сѣи на кони сѣдя царствемъ и одѣнними царьскыи украшенъ,

335. г. || хотя в'нити, напрасно каменіе вѣр'ѣйное спадше, закленишася сами и створися стѣна едина. Егда же чуждахуся устрашени велиемъ страхомъ, възрѣв'ше же горѣ, узрѣша знаменіе честнаго креста въ небеси, огненою мл'ніею свѣтящся. Ангель же Господень в'земъ его в рудѣ, над верѣбами ставъ, рече: егда царь небесный и Господь всего мира живыхъ и мертвыхъ ко страсти свѣт'їи и сими верѣбами вѣс'шествіемъ Спаситель възходяше, не баг'ряницею ся украсивъ, ни годовабльмъ ся свѣтя и гадя, ли коня сил'наго на в'сѣданіе възыска, нъ смиренъ на ж'ребитиѣ хребт'ѣ худѣ сѣдя, слугамъ своимъ образъ остави; а не іакоже вы, пѣнящими ризами и кон'ми и въ тварехъ ѣздяще. Симъ же изъглаголаномъ словесемъ, ангель абие на небо опятися. Тог'да царь радуяся о Господи посѣщеніи ангельстемъ, и сложивъ царьскыя ризы, і изув'ся тогда

пѣшь, толико л'няномъ поасомъ поясав'ся, крестъ Господень в' рудѣ в'земъ, полявѣ лице слезами и на небо очи въздвигъ, приближашеся къ в'ратомъ приходя. Тогда же во смиреніи ему пришедшу, жесточество каменное небесную дер'жаву ощюти, и абие верѣя ся въздвигоша, простран'но вѣс'шест'віе в'ходящимъ іавѣ сотвориша. Воня же благодѣст'ная, іаже лѣт'яущи божестве- 336. а. нымъ повелѣніемъ вѣтромъ отъ Пер'скіа земля по далечимъ предѣломъ вселенна, и въ Іерусалимъ бысть в'несена в'той часъ, в он'же оск'вер'неніа Хоздроева свѣт'їи крестъ Иеракліемъ бѣ в'носящемъ в'шелъ, тог'да възвратися и всѣхъ пер'сехъ ся наліа; побѣдила же бѣ в'ся благоуханіа Февевин'фа, валъсами миръ; тог'да же и людская хвала радостію до небесе възношашеся, божественую силу похваляюще. Сиде же слав'ный царь проторг'нася на похвалы, рече: о кресте, знаменіе чудно, на немъ же Господь нашъ Иисусъ Христосъ и Божій Сынъ пропят'ся за наша бремена и грѣхы, и смерт'ную побѣди муку, и кровь его кланяемая небесемъ и ангеломъ, и снѣж'ными свѣтлост'ми сіающи, мол'ва силы, проліана бысть искупленіе нашего спасеніа! О кресте, свѣтл'їи звѣзды мира сего вѣст'н'їи, человекомъ многолюбивый и преподобн'їи всѣхъ, еже единъ достоинъ еси былъ в'зяти талантъ мира сего, сладкое древо, сладци гвоздіе, сладкое нося бремя! спаси настоящее опл'чение, во твоихъ похвалахъ днесъ сограмаждено, твоею побѣдою ознаменовано еси. И егда изрекъ, предрагую часть древа, юже съ собою пошаше, на свое мѣсто опяти. Тогда обнов'ляющу Богу ирѣснажаа чудеса въ другая чудеса, іаже тогда со небеси іавлена быша: томъ же дне умеръ и пріатъ животъ единъ, || раслабленіи четыре исце- 336. б. лени быша, прокаженныхъ десять очистися, слѣпыхъ 15 прозрѣ, мнози же отъ бѣсъ избавлени, и мнози отъ различныхъ болѣзней избавишася. Тог'да же царь молитвою сотвореною, пришесть многы дары, церкви Божіа обновити сотвори и царьскыи дары одаря я, и написаниемъ устав'ляа, и добрѣ урядивъ, плѣн'ники обрати въ своя дома, даа искупъ другымъ подобенъ, и в Костян'тинъ-

градъ възвратися, огражденъ силою Божією, совершениымъ припождениемъ о святѣмъ кресте чудесы мнозиими и знаменіями, дарующимъ Господемъ нашимъ Исусъ Христомъ, емуже есть держава и слава со Отцемъ и со Святымъ Духомъ, Вседержителю Богу, по вся вѣки вѣкомъ. Аминь.

Нъ и по минувшими многими лѣты, Леонту в Ромеихъ царствующу, в Римѣ градѣ папа Сергій в притворѣ блаженнаго апостола Петра церкви мощну сребрену Господемъ являющимъ обрѣте, таже въ углѣ темнѣ долго лежала бѣ невѣдома, и в немъ крестъ различнымъ каменіемъ и предрагимъ устроентъ налѣзе, отъ неяже развлоченами теталиями, имиже съ бисеромъ замченъ бѣаше, чуднаго величества часть древа спасителнаго креста Господня внутрь положено узрѣ, таже часть отъ того лѣта на вся лѣта

336. в. Спаситель еже ся нарицаеть || Костянтина, въ день Въздвиженія святаго Креста отъ всѣхъ римлянъ целуется и покланяется и до днешняго дне, на похвалу креста Господня, емуже есть слава и держава, въ вѣки вѣкомъ. Аминь.

По Ираклонѣ же царствова Конста, правнукъ Иракліевъ, сынъ Константинъ, лѣтъ 27; при томъ великъ вѣтръ и гурь дунувъ, многа древа и веліа ис корене исторгну, многы же столпы столпникомъ и михомъ ниспроверже. Нъ и срачинскій началникъ, лжій пророкъ Бехметъ, изъ единого колѣна родомъ Измаилева, сына Авраамля, сый родися: Низаръ бо, Измаилево псчадіе, отецъ имъ всѣмъ нареченъ бысть; сей убо роди сыны и Кантона и Фемимина и Мадона і ины нѣкыя безъ именъ. Сима Динейску пустыню наслѣдивше, скоты питаху, в куцахъ живуща; суть же и внутреніи сихъ, рекше далійи, не отъ сихъ колѣна, но отъ Нектанова колѣна глаголемѣи омиритѣне, рекше аманитене. Убогу же сущю прежде нареченому Бохмету, ключися ему палатися у жены богаты и сродниці ему, нарицаемѣй Дигана; и нача на вельбудехъ куплю дѣяти съ иноплеменники своимъ во Египетъ и в Палестинію; таче по малу дерзнувъ, прельсти жену, вдовѣ сущи ей,

336. г. и поя ю себѣ жену. Пребывающу же || ему

в Палестиніи, пожитъ же съ іудеи и со христианы, и ловляше отъ писанія нѣкыихъ словесъ. Имѣяше же страсть румомъ шибенія, въздручааше бо ся. Того ради жена его печална бѣаше зѣло, тако велика рода сущи и богата, и к таковому мужю сочтавшиися, не точию убогу, нъ и румомъ шибена. Замысливъ же сій, рече к ней, тако страшно видѣние ангелское вижду, именовъ Гавриила; и не трѣпя его видѣнія, изнемогаю и въздручаюся. Вѣру же гать ему жена, лжесвѣдѣтельствовавшу ему. Бѣ же ту Аріій нѣкый, лжемнихъ нарицася лихаго ради притяжания; се же бѣшию прелсті его. И тако жена прелішена бѣвши и къ инѣмъ женамъ бесѣдовавши единоплеменницамъ своимъ, проповѣда имъ, тако пророку ему сущю. Прелестъ же си лжаа дойде до мужа князя колѣна того, именовъ Вувохаръ. Жена же убо умерши, Бохмета пріателя и наслѣдника остави имѣнію сп; оттолѣ убо бысть славенъ зѣло тако богаты. И одрѣжимъ бѣаше злая прелестъ еретичества его странамъ Ефриворскимъ. Сей богоненавистный и бѣсобный убійца бесѣдовавъ со іудеи и со христианы, рекомыми аріаны и несторіаны, и отъ всѣхъ тѣхъ многу злу научися: отъ іудей бо единоначальствію, отъ ари||анъ же Слова и 337. а Духа сотворена, отъ несторіанъ человѣкослуженію; и о собѣ вѣру тую злую състави, и мнѣниемъ богоразумія разврати языкъ той, научи л обрѣзатися и мужемъ и женамъ, и единому точию покланятися Богу, Христа же чтити тако слово Божіе, не Сына же, нъ и отъ Духа Свята рождена, Слова же и Духа изглаголема и на воздуси разливаема разумѣти, не едипоупостасна, ни родителю едипосуществена; святую же дѣвицу не глаголати Марію Богородицу, но Аароню и Моисеову сестру вшмати сущю; ниже креститися, ни суботити ихъ научи, рекше не праздновати, ни законнымъ же, ни евангельскимъ обычаемъ послѣдствовати, нъ отвращатися отъ креста, и стѣню распеншюся Христову исповѣдати; научи же а закона отврѣгшимся бышию не пріимати свинныхъ мясъ, вина же всемъ не пріимати. Такимъ лжесловиемъ образивъ о себѣ истину, ключарю рече быти ему райскому. Того ради въ день судный, по

престоаніи Моусѣвъѣ, съ израильяны, тако преступники закону муцѣ и огню предати, абіе же Иисусу предстояти и отврещися предъ Богомъ, тако не глаголахъ себе суца Сына Божія; христіяны же, тако дерзнувша пристроитися Христову имени и Сына Божія и Слова воплощена и распята богочестивіи суца похвалена, и сего ради ключарю райскому ему быти; таче по отверженіи и раю имъ, внити с нимъ седмьдесятъ тысящъ рече, могущимъ устремитися на то, прочимъ же сужденомъ быти вѣщати; праведнымъ же по истинѣ и беспрѣя пицію приати; обрѣтшимъся грѣшникомъ харътица написаны на выяхъ имущи навязаны внити в рай и снмъ нарицатися прощеники Божія и Божмечи. Суть же, рече, в раи 3 реки: одна медвѣна, а одна млечна, а етера винна; такоже власть имуть кождо ихъ отъ неяже хоцетъ да приимаеть и насыщается. Иисамъ же с ними быти и требити власы имъ и всяко угаждати имъ, сластолюбезнымъ телесемъ ихъ, плотохотный и въ страстехъ срабъ грѣху; юдеомъ же и крестіаномъ дровомъ огню имъ быти; остати же самарянемъ, рече, да отъ рая износятся тако отъ прохода ихъ мотыла, тако да не насмрадитъ ся рай; кождо же убо тако где поживетъ ли въ богатствѣ, ли внищеть и беславы, такимъ же образомъ и тамо пребываетъ. Сію богостудный и мрачный пагубу преда имъ; и к' сему || благимъ всѣмъ и злымъ Бога виновата суца, чудотворилъ есть; разбойники бо и отравники и слико убо отречена суть тати и по дѣломъ избіени будутъ. Вѣдати, тако тако написалъ и прежде нареклъ сему быти и тако умрети имъ восхотѣ. О окаанне и бесне! кое писаніе наричетъ Бога виновата суца? Ибо божественое слово гвѣ учить Бога невиновата суца погибенію чловѣческу, ни всему злу; но чловѣку самоволну суццю своему спасенію или погибели. Треокаанне и трекляте! не бо повелѣваетъ нерадiti о богатствѣ, ли смиреномыслити, и сладкаго житія отврещися, и еже не въздати зла за зло; но еже

всю сладость богатства любити и нападати зѣло противу нападающимъ, сіи творити тако душевное спасеніе и раю причастіе. Но о безуміе и вредоуміе и погибели отъ него злѣ превабленомъ и допынѣ прелѣстимомъ! Сего ради убо дивоватися подобаетъ толику безумію и нечувствію ихъ; творяще ся разумнѣ, како не разумѣвають тѣшаго прелесті ихъ с'кокълженіа. Подобаше, несмысленіи и скотнообразніи, разумѣти о възкресеніи, тако пища ради и питія видимыхъ и тѣлѣмыхъ примуть толика живота; нужда паки и тли работати и умирати по ислѣдованному словеси: невзможно бо суци пици и питію во преложеніи суци, неистлѣну весьма и бесмерти пребывати. И где и когда надежда жизни вѣчныя, и неистлѣннымъ вѣрнымъ, по божественому писанію. И къ снмъ да разумѣють неразумніи и окааніи, тако образомъ мнятся богочествѣяще, идоломъ же работають, льсти искони злобиваго бѣса, во елинѣхъ глаголемѣй Афродити кланяющеся и звѣздѣ о денници басньнословятъ, юже и Куваръ своимъ злоглаголанымъ языкомъ нарекоша, сже есть сказасмо велія; пребыша даже и доселѣ Афродити богынею нарицающе. И да не мнѣими будемъ нѣкими л'жю глаголюще, да извѣщаемъ великую ихъ тайну; иматъ бо глаголь скверная и мерская молитва тако: алла алла уа куваръ алла; ибо алла алла истолкуется: боже, боже; уа же вчій; куваръ же велія, рекше Луна и Афродити, еже есть тако: боже, боже! вчій велія, рекше Луна и Афродити боже. И се извѣщаетъ навожденіе конечное: алла; иже вся сокровена неумѣлствіемъ своимъ языкомъ глаголють, тако родомъ имущи, ихже и гвѣ гвити не хотять к' разумномъ чловѣкомъ, имущимъ смыслъ гвиимаго ради свѣденіа; но свинообразныхъ спхъ и тименообразныхъ, и ничесоже ино-

О манихейхъ и павликіанехъ.

В' та лѣта старѣйшина павликіаномъ гавися Костянтинъ именемъ, иже Силуана себе именова. Есть же еретичество ихъ тако: павликіане, иже и манихиане нарекошася, в' маниханъ мѣсто павликіане отъ Павла нѣ-

когого Самосатеина, сына жены манихей-
 нья, именемъ Калиники, гже 2 сыны имѣ-
 яше, сего Пав'ла ти Иоанна. Сіа убо мани-
 хейску еретичеству научив'ши, отъ Само-
 сата въ Арменійскую страну проповѣдника
 своего еретичьства посла. Сіа убо пришед-
 ша въ весь нѣкоторую, свое еретичьство
 всѣяста. Отголѣ убо тѣи веси приложиша
 имя, нарече ю Всѣанаа; ученици же его па-
 вликіане наресошася. Си убо павликіане по
 ученію сего Павла пребыха лѣтъ нѣколко,
 пно имѣяху Кон'стан'тина нарицаема. Той
 Кон'стан'тинъ Силуяна себе нарече; сего
 имѣють старѣйшину и учителя себѣ, а не
 Павла: се бо имъ предасть еретичьство свое,
 но не исписано; по предашію евангельскому
 же и апостольскому исписано, не измѣнено
 же исписаніемъ словесы, гже и в насъ
 суть, предасть имъ, разв'ративъ же княздо
 главизны къ своимъ еретичьствомъ. По Ко-
 338. 6. стянтинѣ же, нареченаго Силуяномъ, в'то-
 раго имѣяху учителя, нареченаго Сумеонъ,
 преложи себѣ имя Титъ. Третій же арме-
 нианинъ родомъ, Генесій же нарицаемъ, пре-
 ложи же свое имя Тимооей. Четвертьтый
 же Иосифъ, преложи же имя себѣ Епафрод-
 дитъ; и по семъ Захаріа. Но сего, гже на-
 имника и не истин'наго пастыря, отмѣтають
 нѣщии отъ нихъ. Шестый Иоанна скверне-
 наго и сед'маго имуть Сергіа; преложи же
 имя себѣ Тихикъ. Манен'та и Пав'ла, Ио-
 анна і нѣхъ, ихже речеть кто имъ, про-
 клинають прилѣжно. Костян'тина же, иже и
 Силуянъ нареченъ, и Сумеонъ, иже Титъ,
 и Генесій, иже Тимофей, Иосифа, иже и
 Епафродитъ, Иоанна скверненаго, и Сер-
 гіа же и Тихика, гже учителя своя всемъ,
 не проклинають, но имѣють гже апостолы
 Христовы. Глаголють же гже и шесть цер-
 ковь, рек'ше 6 соборъ во исповѣданіи сво-
 ихъ: Македонію, гже есть градъ колошій-
 скымъ; и Кивоса, юже научи Кон'стантинъ,
 иже и Силуянъ, и Сумеонъ, иже и Титъ;
 Ахаию, иже есть весь Самосатьская; Мана-
 надіа, иже научи Генасій, иже и Тимооей,
 Филиписіани ученици ся того наричють;
 Иосифъ, иже Епафродитъ, и Захаріа наим-

никъ, шестый Иоанна скверьнаго; Лаод-
 кійску||ю же наричють Аргаотяны; а Ефе- 338 в.
 скую сущую Уемом'псуестин, а Коласайтин
 глаголють Кунохоритене, ихже сихъ три
 церковь, рече, Сергій, ихже *) Тихикъ, на-
 учи. Си убо сед'мъ учитель шесть церковь
 имѣють нарочитыхъ, ихже и чьстятъ. Про-
 чая же вся аще речеть имъ, прокляте про-
 клинають и отмѣтаются. Имуть же пер'вое
 еретичьство манихейское, двѣ началствѣ і
 исповѣдающе, гже и они. Глаголють же
 се, гже едно есть, точію разлучая насъ отъ
 ромеанъ: гже бо мы, глаголють, етера Бога
 глаголемъ суща Отца небснаго, гже се в
 семь мнрѣ не имать власти, нъ въ будущій;
 пного же Бога всему миру творца. Нарич-
 чють' же себе христіаны, насъ же ромеяны.
 Глаголють же к невѣдущимъ прилѣжно:
 вѣруемъ во Отца и Сына и Святаго Духа,
 небснаго Отца; и проклять, глаголють, не
 вѣруй тако; наученъ бо зѣло своей злобѣ
 прилагають, пбо не приложить егда глаго-
 лють Отца небснаго; сего не прирекутъ,
 гже единому истин'ному творцю небсн и
 земли и всѣмъ сущимъ в шихъ. Подобаеть
 же и глаголющему к' нимъ правовѣрному
 вопросити манихейяна, да речеть бже-
 ственное ученіе о вѣре, еже есть: вѣрую въ
 единого Бога Отца Вседер'жителя, твор'-
 ца небу и земли, видимымъ же всѣмъ и не-
 видимымъ и прочая. На послѣдок' же хуль- 338 г.
 ствуютъ на святую Богородицю бесчислено;
 аще ли нудими будутъ нами исповѣдаті ю,
 страхующеса глаголють: вѣруемъ въ пре-
 чистую Богородицю, в'пюже в'ниде и изыде
 из нея Господь; глаголють же се гор'няго
 Іерусалима, въ н'же предтеча насъ ради
 вниде Христосъ, гже глаголетъ апостолъ;
 и не глаголють по петищѣ святую Марію Бо-
 городицю, ниже из нея воплотися Господь.
 Хульствуютъ же и на бжественны тайны
 святаго приоб'щенія честнаго тѣла и крове
 Господа нашего Исуса Христа, глаголюще,
 гже глаголы своя подавая Господь апосто-
 ломъ, глаголаше: примете и гдите и шѣте,
 не хлѣба, ни вина; и не подобаеть, глаго-
 лють, приносити хлѣба ни вина. Хульству-

*) Вм. «ихже» должно быть «иже».

ютъ же и на честный крестъ, глаголюще, яко крестъ Христосъ есть; не подобаетъ же кланяться древу, яко проклятый органъ есть, рекъше тварь. Пророки же ины святыя отмѣтають, еще же и святаго Петра и великаго апостола паче всѣхъ хульствуютъ и отвращаются, отъ нихъ же ни единого глаголють в' часть спасеныхъ суца. Кафоликю же церковь, рекъше съборную, своихъ лааній к намъ въ страсть своемъ глаголють, к' себѣ же молитвы тоя глаголють; крещеніе же глаголы евангельскія, такоже рече Господь: азъ есмь вода животная. Си в'ся и множайша сихъ, егда обрѣтены будутъ и гати, пзнемогають; но подобаетъ с разумомъ и по единому на в'ся с ними с'пиратися: ибо

339 а. л'жу при языци || имуть яко обычай имъ свой; всегда бо, паче же егда нудими будутъ, прельгають и глаголють, такоже имъ повелѣно будетъ, ли речено имъ будетъ, и не виновати суще в' себѣ. Тако бо ихъ Манъ научи глаголати, яко нѣсмь азъ не милосердъ, рече, яко Христосъ рекый: иже ся отвер'жетъ мене предъ чловѣкы, отвер'гуся его и азъ. Но азъ глаголю: отвер'гъшешуся мене предъ чловѣки и л'жею своею спасенія ищущему, яко и отметающагося мене, с радостию приимаю, и възведение и л'жу яко ко мнѣ исповѣданіемъ не виновать. Такоже же и прозвтеръ и сущихъ и прочихъ іерей отмѣтаются; ти же іерея своя во единеніи суци имъ глаголетъ, и писца различны всѣмъ имъ сущимъ, и н'равы и пытаіемъ и всему прочему житейскому устрою. Имѣють же вся суцая во евангелиихъ и въ апостолѣ глаголемыхъ развращена, прекыи же сущимъ въ насъ евангелиемъ и апостоломъ, в нихъ же сокладена, рекъше ключима суть свосму имъ еретичеству, яко бо речено, и списаніемъ и словесы тако суть неизмѣнна, разумы же развращають, такоже и о сихъ истовѣйше въ чистахъ глаголется; кланяють же ся суцему в' насъ евангелію, егда ся уполучить, не о крестѣ, но о книгахъ глаголюще, яко словеса Христова суть, и сего ради кланя-

339 б. емся; егда же в'падутъ в' недугъ || или в' болѣзнь, възлагають на ня, и здравіе уполучивше и пакы и словивше и въ огонь влож-

ше, сожгутъ и расперуть; етери же отъ нихъ и дѣтищъ своихъ крестять нашими прозвтеры сущимъ плененомъ ими; друзи же в'ходятъ въ церковь наипо правобранныхъ, пришествовавшие къ божественнымъ тайнамъ приимають, да множайша прельстятъ неумѣтеля таковою кознію; и лествъ приимше всякимъ петомленіемъ и скверностию въ обое чловѣческаго естества беспрестани и бестуда творять, ихъ же отъ нихъ токмо к родителемъ не приходяща глаголють. По Иракліи же царствова Костянтинъ сынъ его лѣто едино, и отравленъ отъ своихъ умереть. При томъ богатъ нѣкто в' Костянтинѣградѣ разболѣвся и смерти убоався, дастъ нищимъ 30 литръ, и при почааніи тѣмъ здравъ бысть, и раскался дилвольскимъ прелъщеніемъ повѣда другу се, ближнему и богату суцу. Он же глагола ему: никакоже, чловѣче, приими домышленія сего злаго, и прогнѣваши Бога кресившаго ти милостыня ради твоеа, егда и смерть напрасну наведетъ на тя и отыдеси бес покаанія. Сему же не послушающу, но паче со гнѣвомъ отбѣгающу, рече к нему другъ: зане глаголемая отъ мене на спасеніе твое не приимаши, || азъ ти реку другый съвѣтъ. Он же рече: 339 в. который? какъ? Истинный же милостивецъ отвѣща: гряди со мною въ церковь и рци: не азъ есмь, Господи, сотворивый милостыны ону, по сей есть; и вдамъ ти 30 литръ абіе. Он же окаанный чловѣкъ совѣщався тако и къ церкви пришедъ, злато же в'руку приимъ, и понеже ся имъ изъглаголавъ, и исходящу ему дверій церковныхъ и падъ умре. Всѣмъ убо ту елико обрѣт'шимся, страхомъ и трепетомъ одержими бѣаху, праведному суди и небрегомому Богу пѣснь въздаша. Клирикомъ же повелѣвающимъ господину злата того в'зяти своя, отвер'жеся и рече: да не будетъ ми сего и помышленіемъ приати; егда бо нарекохъ се Господу Богу, того есть, и в' вышнихъ сокровицахъ написана суть; не могу его имѣти въ власть. Се же Ананія и Сафира недовѣдающа и отданое в' даръ Господу пакы яко свои творяща приимша, напрасну смерть приаста, такоже и сей приатъ: Богъ бо не уничижится. Слышавшей же се по велику пол'зова-

шася, разумѣвше мужа того крѣпкое исто-
вое и вѣры неподвижное; изволиша убо 30
литръ да в'дятся пицимъ. Добрѣ извѣстно
убо глаголаше Великій Афанасій, яко елико
обѣщахомъ в'дати Богу уже не наше есть,
но Божіе. Сего ради убо егда отъ сихъ при-
339. г. влечемъ к' себѣ, не яко || своя есмь прима-
юще, но яко Божія священная крадуце:
судими бо будемъ при малѣ и при величѣ
гресѣ. Преступление судимо бываетъ: ибо
и праотца отъ древа в'куш'ша, смерти и тѣи
осуждена быста; и в субботу собираяи дрова
каменіемъ побить бысть. Обѣтованіе же не
токмо о имѣніи, но и о словеси истязаетъ.
Всеи убо обѣщахомся, и всеи обѣтованіемъ
повин'ни. Нужда убо есть отдавати дѣвизи
дѣвство, якоже есть ся и обѣщала; въздер-
жанію же въздержаніе, сущимъ во бра-
цѣ целомудріемъ и между собою честь и лю-
бовь имѣти; конецъ же всемъ къ Богу вѣру
и страхъ и правду и терпѣніе. Бысть же и
въ Александріи нѣчто таково. Епископъ
етерь честенъ близъ себе имый нѣкого фи-
лософа, именемъ Евагрія; другъ же ему
бысть въ ученіи, еллинъ же вѣрою; егоже
епископъ превратити хотя отъ идолоб'сова-
ніа к' вѣрѣ Христовѣ, прилѣжно призываше
и, и с нимъ бесѣдоваше. Оному же не по-
слушающу, но зѣло лютающуся, иде бесѣдо-
вати въ единъ день къ епископу и рече: въ
истину, господи епископе, со всеми и се ми
невѣрно есть, яко глаголете христіане,
яко кончина всему миру будетъ и тѣломъ
въскресеніе и въздаше жив'шимъ, и яко ми-
луяи нища в'заимъ даетъ Богу и сторицею
340. а. съ житіимъ вѣчнымъ приметь: яко || вся
поруганна и басни мнѣ глаголемаа являют-
ся. И епископу истинствующу ему, яко
ничтоже л'жа ни поруганіа крестіанскаго
закона суца, отъиде Евагрій много стязаніа
имый в себѣ. По времени же Богу по-
спѣвающу епископимъ ученіемъ, вѣровавъ
филосооѣ, крестися; той абіе в'да епископу
злата литръ 300, бѣ бо богатъ зѣло, глаго-
ля: си, о епископе, раздай ницимъ; сотво-
ри же ми рукописаііе, яко да приму я азъ
отъ Бога. Сему же прим'шю с радостію и
грамоту написав'шю, разда я все епископъ
ницимъ. Жит' же временъ нѣколко фило-

сооѣ благочестіемъ и добродѣтелию великою,
рече же своимъ чадомъ, умирая: вложити
хартію в руце его и тако погрести и. И сему
быв'шю, въ третій день явился филосооѣ
въ снѣ епископу, глаголя: приди къ гробу
моему, о епископе, и възми рукописаііе свое,
въспрїахъ бо долгъ сторицею и ні единого
слова имамъ к тебѣ, таче и на пер'вое из-
вѣщеніе совер'шеніа своею рукою на хар-
тии написахъ. Епископу же не вѣдушу, аще
погребена съ филосооомъ хартіа рукописа-
ная; утру же быв'шю, призва сыны филосо-
фы епископъ, и се увѣдѣвъ, иде къ гробу
со всеми клирики града того, и гробъ от-
вер'зъше, оле чудо! обрѣтоша филосооа
сѣдяща и руку съ грамотою простер'ша.
Клирикомъ же хотящимъ хартію в'зяти, ни
|| единъ възможе исторг'нути еа из руки его, 340. б.
дон'деже приде рука епископья; и абіе хар-
тію давъ, возлеже пакы. Хартію же раз-
гнувъ предъ всеми епископъ, обрѣте ново
написано рукописаііе рукою филосооюю та-
ко: азъ Евагрій филосооѣ, тебѣ преподоб-
ному епископу, моему господишу, радовати-
ся. Вѣдай, отче, яко прїахъ долгъ стори-
цею и ничтоже к тебѣ слова имамъ. Сему
же быв'шю и всемъ слышав'шимъ прочита-
емую хартію и дивящимся зѣло п по три
часы зовущимъ: Господи помилуй! слава
Богу нашему Исусу Христу! повелѣ епи-
скопъ рукописаііе то в' сосудохранил'ници
хранити. Въ Катаргенійстѣмъ же градѣ Аф-
рикійстѣмъ бяше въникъ блуд'никъ зѣло;
отъ чер'мныа же нежитовица людемъ гыб-
нущимъ, то въникъ пришедъ на покааніе и
градъ оставивъ, о себѣ живяше съ женою
своею в селѣ етерѣ. В' томъ же селѣ пакы
отъ дѣвольскаго дѣбанія впаде въ блудъ съ
стерою женою ратаевою. И изшедшу ему
заутра к нивамъ, уѣденъ бысть отъ зміа,
и падъ напрасно умереть. Тече же жена его,
молится ближняго монастыря черньцемъ о
погребеніи его; и погребенъ бысть близъ
села его въ монастыри. И наутріа пою-
щимъ мнихомъ третій часъ, гласъ бысть из
глубины гробныа: помилуйте мя, раби Бо-
жїи, || глаголя, помилуйте! Си же абіе гробъ 340. в.
отвер'зъше, обрѣтоша сѣдяща воина и зо-
вуца; и въскорѣ изв'лекше его и узы раз-

дрѣшивше, вопрошахуть и вины такового чюда. Он же помолися имъ, да доведуть и к рабу Божию Аласію епископу. Икоже поставиша его предъ епископомъ, помолися ему епископъ, глаголя: исповѣжъ ми в'ся, тако да и азъ прославлю Бога святаго. Он же исповѣда ему вся со многими слезами, глаголя тако: азъ униженный и окаанный, о отче, въ грѣсехъ преставлягся, видяхъ нѣкыя ефиопы близъ мене стояща, ихже зракъ точію лютѣй вѣхъ мукъ бяше; ихже зрящи грѣшная моя душа, мятjшеся в' себѣ и страховашеся. Предстоящу же ми такому и страшному ефиопомъ, узрѣхъ два юноши въ белѣ одежди красно зѣло, гаже душу мою в'зем'ша и отъ земля на небо в'бор'зѣ възлѣтающа възсхождаста; и обрѣтахутся тор'жища стрегущимъ со многымъ испытаніемъ възсхожденіемъ, и браняще възсходящимъ душамъ и словомъ въздавающимъ комуждо тор'жищу о своемъ грѣсѣ, еже суть: л'жа, зависить, оклеветаніе, и спроста рещи тако по единому койждо грѣхъ. Тѣми удержим' ся видяхъ; водящала же мя

340. г. юноши видяху носяща, тако чресь нѣкый добрыхъ моихъ дѣбаній, изъ негоже вынемлюще, вѣшаста в'кладающа акы в звѣсы извѣшати противу злымъ моимъ дѣніемъ, ихже приношаху испытующе зліи извѣст'нищи, и на въздухъ шествующе ставляеми бывахомъ. Недостав'шемъ же вѣсѣмъ моимъ дѣломъ и ко дверемъ уже небеснымъ пришедшимъ намъ, идеже тор'жище блудниче бяше, гатъ быхъ омраченными тѣми ефиопы, таче принесоша все мое блудство и телесный грѣхъ, иже отъ 10 лѣтъ възраста моего сотворихъ окаанный. Отвѣщающема же юношема мене ради и глаголющема, тако въ градѣ сотвореныхъ грѣховъ прощенъ есть, покаа бо ся; но рѣша зліи оглагольницы: но покаався, пакы в'паде во прелюбодѣяніе виѣ града и умре. Се услышав'ша ангела и уныла быв'ша, отидоста, оставиша мя безъ отвѣта и не имуща ні единого блага. Восхитиша же мя ефиопы они и бьюще мя злѣ зѣло, сведоша мя на землю абіе; и земли рас'сѣд'шися, снидохъ нѣв'кое мѣсто уско и темно смер'дящихъ и вел'ми страшныхъ заходъ даже и до преисподнихъ и темнища

адова, идеже суть душа грѣшныхъ затворены в' землю темну и омрачену, в' землю т'мы вѣчныя, идеже пѣсть свѣта, ни видѣти чловѣча жизни, тако и писано есть, но и печаль и скор'бь вѣчная и неутѣшимая и възды- 341. а. ханіе немол'чное: каждо бо сущихъ тамо поминая злая своя дѣла, и раз'мышляетъ злая своя дѣла, како отвѣщаетъ безмездному суди и како бесконечную муку стер'шить, злою сѣвѣстію предмчатся; и к симъ размышляютъ, како отъ Бога разлученіе и отъ святыхъ его, и съ діаволомъ и съ бѣсы его осужденіе, беспрестан'но и неутѣшно печалуются и въздыхаютъ; с ними же и азъ затворенъ быхъ плачяся, възрѣхъ и видѣхъ два юноши она; пришедшима има ту пакы, има же молях'ся, да изведета мя ис темнищи страшныя тоя и бѣдныя, тако да покаюся. Рѣста ко мнѣ: всуе паю призываеши, всуе молишися; ни единъ исходитъ отсюду, дондеже общее възсресеніе будетъ. Прилѣжно же мнѣ молящюся и глаголющу: помилуйта мя, святая! тако не вѣдяхъ, тако се ми хочеть быти; сего ради убо отсель покаюся и буду на пол'зу всякимъ, аще на земную жизнь в'зиду. Ангелома же умоленома мною, вѣдоста мя к' тѣлу; свое же естество душевное видяхъ тако бисеръ блестящяся, тѣло же смер'дяще и омрачено. Тѣмъ улютающу ми и глаголющу, да не вниду в не омраченіа его ради; препритиста же ми она. глаголюща: аще не в'нидеши, паки обрати вѣ тя к' темнищи; || убо вниди, да и самъ 341. б. спасенъ будеши, и прочимъ на пол'зу будешим. И тогда усты видѣхъ себе вшедша, и тѣло възсресихъ, и начахъ глаголати: помилуйта мя! Вѣсѣмъ же зѣло пол'зовав'шимъ, паче же убоавшем'ся о страшнемъ семъ исповѣданіи, каждо ихъ своего плакав'шеся согрѣшеніа; чловѣка же видяще уничижена и гладомъ умер'ша и многослезна, моляхуть его, да в'куситъ брашна. Онъ же бынию не послуша ихъ; но целовавъ я, отрек'ся ихъ, шествоваше по церквамъ, и припадая къ земли, вопіаше со гласомъ крѣпкомъ и со слезами многими: увы, увы согрѣшающимъ бес покаяніа! како страшная мука и испытаніе истоиво ж'детъ ихъ! Сотворивъ же убо сый дни 40 постяся и бодряя и проповѣдая

многимъ и обращая многыя на покааніе, преставися о Господи, увѣдѣвъ свою смерть прежде двюнадесяте дню. В лѣта Леона, иже коноратникъ, бѣше в' Костян'тинѣградѣ чловѣкъ славенъ и свѣтель, богатъ же зѣло и любя нищаа по велику, имѣяше же дѣянїемъ неприазномъ грѣхъ прелюбодѣанный; на старость убо пришедъ, и премногья же милостыня не преста, ни отъ премногаго лютодѣанїа отступи: зане устариса злыи обычай; умре же внезапу. Испытанїю же

341. в. бѣвшю о немъ || патриархомъ Германомъ и прочїими епископы, овѣмъ глаголющимъ, яко спасенъ есть, и писанїа ради, яко избавленїе души свое богатство, своимъ бо и праведными труды, а не щюждими неправедными створише милостыня; инѣмъ же нерадящимъ о томъ и противу глаголющимъ, яко непорочну подобаеъ быти рабу Божию и свер'шену, написано бо есть: аще весь законъ исполнитъ чловѣкъ, и согрѣшитъ же въ единомъ, бысть всему повиненъ; и: в немъ же ты обряцу судити имамъ, рече Богъ. Проповѣда убо постъ и молбу честный патриархъ и заповѣда по всѣмъ манастиремъ и затвор'никомъ, да помолятся Богу, да гавитъ имъ каковымъ любо откровенїемъ о чловѣци семъ. Сему же бѣвшю, откры Богъ затвор'нику нѣкоторому велику и богоносцу, како и гдѣ пребываетъ чловѣкъ той. Таче абие призвавъ патриархъ, исповѣда ему со многими слезами предъ всѣми людьми, глаголя тако. видѣти ми в' ноцъ сїю молящюся божественною ужастїю мѣсто нѣкако: одесную бо имуще рай неизречененъ и добръ прилежай, ошую же пещь, егже пламы даже и до облакъ восхождааше, и умершему сему богатому промежу рая и страшныя пещи стоящю и мно

341. г. го стеньюу. И егда стеньаше и рыдааше, видѣхъ нѣкого свѣтлоносца приступивша и глаголюща к нему: что в'суде стеньши, чловѣче? се бо милостыня твоя ради избавленъ еси отъ геены; а зане не отступи отъ нечистаго дѣла и ск'вер'ненаго любодѣанїа, лишенъ еси отъ рая. Си слышавъ патриархъ и сущи с нимъ, вси страхомъ велиемъ одержими другъ ко другу глаголаше: по истиннѣ убо достойнѣ апостоль пиша глаголаше:

бѣгайте любодѣанїа: яко весь грѣхъ, егоже творитъ чловѣкъ, кромѣ тѣла есть, а любодѣанїе творяи въ свое тѣло согрѣшаетъ; ибо Богъ в' законѣ показая, глаголетъ: будите святи, яко азъ святъ есмь; и: любви не створиши, ни прелюбы; и: да не будетъ любодѣанїа отъ дщерь Израилевъ, и да не будетъ любви творей отъ сыновъ Израилевъ. Где убо суть нынѣ глаголюще: аще любодѣанїа творимъ, творимъ милостыня, и спасени будемъ? Ибо аще истиненъ еси милостивецъ, себе ти прежде подобаеъ миловати и святнню телесную исправити, без неяже никтоже не узритъ Бога. Убо ничесоже пол'зуеъ сребро, даемое из руки нечистыя и душа непокаан'ныи и ск'вер'нены, истлѣн'ныи нечистыми дѣлы. Бысть же и в велицемъ Риме таково: мнихъ нѣкоторый, изгнанъ Григорїемъ панежемъ, яко бес повелѣнїа игумена своего и кромѣ обычая манастирьскаго 342. а. нѣчто сотвор'ша, по малѣхъ днехъ умреть. Се же услышавъ панежъ, по велику печаленъ бысть, яко отиде братъ внезапу связанъ; и написавъ молитву разрѣшающую умершаго отъ изгнанїа, дасть нѣкому, рекъ: иди ко гробу брата и прочї ю. И сему бѣвшю, видѣ игуменъ во снѣ брата и глагола к нему: печаль имамъ, брате, тебе ради, яко связанъ умре; рци убо намъ: како пребываеши? Онъ же отвѣщавъ, рече: въ истинну, отче, в' темници бѣхъ, даже и до вчерашняго дне; днесъ же Богомъ разрѣшенъ быхъ. Се же сказа по единому игуменъ палъ; и увидѣша вси, яко въ н'же часъ діаконъ молитву прочте надъ гробомъ, тогда и отъ с'юза братъ разрѣшенъ бысть. И вси слышав'шей въздаша славу Богу, дав'шему толику власть своимъ рабомъ. Сего ради и великій Златаустъ рече: мы же убо по церковному обычаю узы възлагаемъ. Аще ли кто нерадитъ о сихъ узахъ, найдетъ смертное и судное время у часа его, яко не л'же слово Господне и законъ церкви его. Обаче тѣмъ азъ не виноватъ есмь: свое бо есмь сотворилъ; онъ же божественное иго отвергъ и святаа узы разк'рушивъ, отвѣщаетъ к' повелѣвшему ми связати: ибо царю с'дящю, предстоящимъ ему слугамъ, и нѣкоторому отъ нихъ повелѣно бысть || связати уклонивъ - 342. б.

шаго отъ него и юзы възложити; онъ же не точію отверъжеса сихъ, но и юзы раскрушивъ, не служъ бесчестіе сотвори, но повелѣвшему царю. И паче добръ извѣстнѣ, убо учителя бывающихъ присообщуется царь и Богъ самъ, тако чтимъ или досажаемъ устроить.

В' ТОЙ ЖЕ ДЕНЬ, слово на Въздвиженіе честнаго и животворящаго Креста. Благослови отче!

Влѣто седмое царствующу великому царю Костян'тину, мѣсяца Генуаря, собрашася множество вар'варъ на рѣще нарицаемѣй Дуновинъ, ищуще преплыти и обойти вся страпы и прити на востокъ. Увѣдѣвъ же царь Костян'тинъ и ополчивъ своя воа, и приде ту на реку; и поставивъ пол'ки при краи рѣкы, възбранише я. Бысть же и многы дни пребывати имъ ту; собравъше же ся ту множество иноязычникъ на Костян'тина царя. И тако видѣ царь множест'во бран'никъ, во мнозѣ подвизани и въ печали бѣ; и тако въ утрои хотяху братися, в ноци же той видѣ очима своими царь крестъ свѣтель превеликъ свѣтящся паче солнца, имуще посредѣ написано звѣздами: о семь побѣжай. Царь же вставъ отъ сна тренетень и одержимъ страхомъ великимъ, 342. в. призва пер'выя воа полаты своя, по||вѣда имъ, и сотвори дровомъ гавльшагося ему креста, и повелѣ носити его въ брань. Бывши же победѣ велице, и множество вар'варъ поскъ и прочая вся связавъ, и обратися со славою и честію великою и побѣдою. И мнимошедшимъ же днѣи нѣколько, призва царь Костян'тинъ вся жер'ца идоломъ, и показа имъ знаменіе крестное, и глагола имъ: знаменіемъ симъ, р'ците ми, кый Богъ гавляется? Они же отвѣщаша ему: знаменіе се нѣсть отъ богъ, ихже чтемъ, но сила небснаго Бога есть. В'земъ же царь знаменіе креста, вниде въ церковь; и абие истукан'ни бози вси падша, поклонишася ему. Христіаніи же человекъ бѣаху елико во дни оны Назаряне нарицахуся; и пришедше ко царю, глаго-

лаша ему: молимся дер'жавѣ, владыко, царствіа твоего повѣдати; сіа гавльшаася съ небесъ сила Исусъ Христа Сына Божіа есть, иже видѣ родъ человѣчскый погыбающъ, не презря, но сниде тако благъ свое созданіе спасти, еже своєю волею принмъ муку крестную и приведе насъ къ Богу. Слышавъ же се царь Костян'тинъ, призва Евсевіа, епископа римскаго, и научися отъ него тайну христіаньску, и множество отъ боляръ его. Тогда съ радостію и веселіемъ посла матеръ свою с воеводою, именемъ Аполосъ, на вѣстокъ в'зыскати крестъ Господень, иже 342. г. ск'рыша іудеи, и создати церкви многы. В лѣто же двосотное и третіе отъ страсти Спаса нашего Бога*), в'зысканіе и испытаніе бысть о крестѣ, на немъ же повѣшенъ бѣ Христосъ Владыка нашъ, царствующу в' то время Кон'стантину, правовѣрному и боголюбивому мужю, егоже роди блажен'ная Елена, таже добръ в'зыскавши любимое древо, иже на крестѣ възвышеніе и еже изъ мертвыхъ възкресеніе, не прстериѣ умолкнути, но со многымъ тпачіемъ и мыслію пот'шася пречистый даръ показати всему миру, иде убо въ Іерусалимъ въ вторый мѣсяць, въ двадесятый день втораго мѣсяца, купно съ вои; и съборъ сотворивши, повелѣ прити сущимъ в то время жидомъ, иже остались бѣху въ окрестныхъ градохъ и в селѣхъ: бяше бо Іерусалимъ опустѣлъ. И обрѣтесе мужъ числомъ три тысуща. Призвавши же блажен'ная Елена, глагола имъ: видѣ азъ отъ писанія, тако сѣмя праведно бѣсте и възлюбивъ Богъ, и не разумѣсте, по в'мѣнисте свѣтъ въ т'му сущю и истину л'жю, и хотящаго вы отъ клятвы избавити и мертвыя воставляющаго мертвеца нарекосте. Нынѣ же глаголю вамъ: изберите убо себѣ вѣдуща законъ добръ. Си же шедше со страхомъ многымъ и искушеніемъ, изобрѣтоша мнѣщаася свѣдѣти добръ || за- 343. а. конъ. Си же паки к нимъ глаголаше: послушайте словесъ моихъ и внушите глаголы моя вся. Нѣсте ли слышали о святыхъ пророчѣхъ, како проповѣдаша о Спасѣ, о нем'

*) Слѣдующее за этимъ сказаніе по содержанию сходно съ помѣщеннымъ выше (см. стлб. 724 и слѣд.), но отличается отъ него многими особенностями въ выраженіяхъ.

же азъ днесъ вопрошаю, како дѣтищъ намъ днесъ родися и мати его мужа не позна? И пакы пѣснотворецъ Давидъ глаголетъ: преже видѣхъ Господа предо мною присно, яко одесную мене есть, да ся не подвижу. И пакы Исаія пиша, преже глаголетъ о васъ: сыны родихъ вы и възвысихъ, ти же ся мене отвергоша. И пакы глаголетъ: позна волю стяжавшаго и, и оселъ гасли господина своего; Израиль же мене не позна, и людие мои мене не разумѣша. Ни вы же убо почитающей вѣсте. Тѣмъ же стрегомыми войны имуще просторъ, изберете убо себе мянща вѣдѣти добръ законъ. Си же шедше о себѣ, створиша соборъ, обрѣгоша пятьсотъ мужъ свѣдуща безъопытнѣ законъ, и придоша ко царици. Она же глагола: кто суть сии? Глаголаша ей: суть си, иже законъ добръ вѣдятъ. И пакы приимши истинное слово, учаще я, глаголющи: вы убо сынове Израилеви, не доволѣ ли вы о ослѣплениі сердець вашихъ, Иисусу не быти Сыну Божію, имуще пророки в себѣ, и почитающе не вѣсте? Они же рѣша: мы почитаемъ и вѣмы; о комъ же намъ таковая глаголеши, гавѣ рѣци намъ, да и мы увѣдѣвши отвѣщаемъ о глаголе-

343. 6. мыхъ. Си же пакы || отвѣщавша и глагола имъ: шедше пакы о себѣ, изберите ми имуща законъ вѣдѣти. Си же убо идуща глаголаше к' себѣ: что ради труды си творит' ны царица? Единъ же отъ нихъ, нарицаемый Иуда, отвѣщавъ, глагола имъ: вѣмъ азъ, яко взысканіе хоцетъ творити о крестѣ, на немъ же Иисуса повѣсиша иже преди насъ; но блюдите, егда кто повѣсть ей. Аще ли то, и по истиннѣ разорена будутъ отечская преданія. Закхей бо дѣдъ мой заповѣда отцю моему умирая; он же пакы мнѣ заповѣда тако: блюдися, чадо, взысканіе древу хоцетъ быти, на немъ же Месию осудиша отци наши и судія, обави преже, да тебе не осудятъ; ктому бо уже жидовскъ языкъ не имать царствовать, но Распятаго царствіе будетъ и вѣрующихъ ему: той бо царствуетъ въ вѣкы вѣкомъ Сынъ Бога живаго. Аз же глаголахъ ему: отче! да аще вѣдали отцы ваши, како той есть Христось, то по что на нь руки възложиша? Он же глагола ми: послушай, чадо, не приложишася отцы

наши о погубленіи его, ни собрашася с распещими Христа, но многажды и съпротивъ глаголахуть имъ. Елма бо обличаше старца и архиерея, осудиша и распяти, надѣющеса, яко уморять его, и егоже отгвоздивше погребоша, и третій день вѣста, гави ся ученикомъ своимъ. Тѣмъ же вѣрова || Сте- 343. в. фанъ, братъ отца моего, начать учити словеси о имени его. И собравшеса фарисеи и саддукеи, осудиша и каменіемъ побити. Блаженнѣй же хотяше испустити духъ, и рущѣ простеръ на небо, воспи, глаголя: Господи! не постави имъ грѣха сего! Послушай мене, чадо, и научю тя о Христѣ и о милосердіи его, яко и Павелъ предъ церковью сѣдя усмаръ и отгопяше еже вѣроваху въ Христа, иже вѣстави народы на славныя его ученики, занеже и отцы наши вѣроваша, яко Сынъ Божій есть. И ты убо, чадо, не похули его, ни вѣрующихъ в него, имѣти имаша жизнь вѣчную. Си убо заповѣда ми отецъ мой Симонъ, и се убо услышасте отъ мене. И что убо вамъ мнится? аще вѣпроситъ васъ царица о крестѣ, что сотворите? И отвѣщавша, и рѣша ему: Иудо! мы николиже слышавомъ о таковыхъ; аще убо възисканіе будетъ о сихъ, тѣмъ блюдися, мѣста не покажи: слыша бо то, и мѣсто свѣси. И се имъ глаголющимъ, придоша к нимъ рекуще: придѣте, зоветь вы царица. Они же придоша и пытаеми отъ нея ничтоже истинна рекоша. Тогда повелѣ царица вся огню предати. Они же убо явшеса, предавша Иуду, глаголюще, яко сей мужъ правдива пророка есть сынъ и се желаніе сердцю твоему улучит' ти. И всѣмъ вкупѣ свѣдѣтельство- 343. г. вавшимъ о Иудѣ, царица же призвавши, глагола ему: жизни и смерти подлежащимъ, что изволиши, жизнь ли или смерть? Иуда рече: то кто в' пустыни хлѣбомъ подлежащимъ каменіе да гасъ? Елена глагола: аще убо хоцещи на небеси и на земли жити, повѣждь намъ, гдѣ есть сокровенъ крестъ Христовъ. Иуда рече: какоже имуть поминанія лѣтъ триста, или вяще или мене; а мы уны суци, како можемъ вѣдати то? Блаженнаа же Елена рече: како прежде толика лѣтъ и рожденія и рати помнятся подъ солнцемъ и вси умершии ту, поклоняются и гро-

бомъ ихъ? Иуда глагола: то убо, госпоже, отъ писанія; а мы сего в' писаніи не имамъ. Елена глагола: малы преже сего исповѣда, тако поминанія суть. Иуда рече: заяпѣвся рекохъ. Елена рече: азъ имамъ сама обличити тя евангельски, на коемъ мѣстѣ распять бысть; точию покажи ми мѣсто Главное, и азъ своею областію повелю вамъ всѣмъ, истреблю мѣста того, и ты обрящещи ми желаемое. Иуда глагола: ни мѣста видѣ, ни о немъ же глаголеши ми. Тогда блажен'ная глагола: гладомъ тя уморю, аще ми не повѣси. И рек'ши, повелѣ и въврещи в' кладязище сухо, в' немъ же не бѣ воды, повелѣвши до седми дній стрещи его. Воспи же Иуда, гла-

344. а. голя: изведите мя изъ ямы сея, || и азъ покажу вы крестъ Христовъ. Егда изыде изъ кладязя, дойде мѣста, глаголемаго Гол'гофа; не довѣдый добрѣ, гдѣ есть крестъ Христовъ, въздвигъ гласъ свой жидовскій, рече: Боже сотворивый небо и землю, сѣдй на оружіи херувим'стѣ, и си суть плавающие по въздушнымъ теченіемъ во свѣтѣ бесчисленѣмъ, и на еже человѣческое естество пріити не можетъ, тако ты сотвори а въ служ'бу, шесть животенъ шестькрылатъ: иже четыри животи подъямлющи престолъ твой и лица рѣюще на землю, служаще тебѣ, немолч'номъ гласомъ глаголюще: Святъ, Святъ, Святъ, херувимъ наричются; два же поставилъ еси рай стрещи древо животное, тако серафимъ наричют'ся. Ты бо владѣши всѣми, тако твой есмь и твоя тварь есмь; и отвер'зъшася *) тебе бѣси глубинѣ огненѣй предашася, и си суть двер'ми и затворами во глубинѣ волею змѣевою мучими суть, твоему повелѣнію противитися не могутъ. И нынѣ, Господи, воля твоя есть царемъ показати сына Мариина, добрая голубица, спущенаго тобою: аще бо не бы с небесе той былъ, не бы таковыхъ силъ сотворилъ; аще бо не бы твой отрокъ былъ, то не бы его въставилъ отъ мертвыхъ. Сотвори убо и намъ чюде се, и тако послуша угодника своего

344. б. Моусея || и показа кости брата нашего Іосифа сокровено сокровище, сотвори и на мѣстѣ томъ, идеже лежитъ крестъ, дьму добровон'

ну изыти, да и азъ вѣрую распятому Христу, тако той есть царь Іерусалиму в' вѣкы вѣкомъ. Аминь. И сице молящуся Іудѣ, потрясая мѣсто, и множество вонь мира добровон'наго ароматьска изыде изъ мѣста, тако чюдитися Іуде; восплеска руками и рече: по истинѣ Христосъ ты еси Спасъ миру! благодарствую ты, Господи, тако недостойнаго суца не сотвори мене чюжда твоя милости. Ей, Господи Іисусе Христе! не враждуй о грѣсехъ моихъ и учини мя с достойными твоими быв'шими и со Стефаномъ пер'воченикомъ твоимъ. И се рекъ, в'зѣмъ рыло, нача копати и препоасав'ся тако доблій Авраамъ. Сему же изрыв'шю сажень 12, обрѣтоша три кресты посыпаны, таже вѣзъ несе въ градъ. Тог'да пытааше боголюбивая Елена: кое есть крестъ Христовъ? тѣмъ бо, рече, тако два разбойническа еста. В' тотъ годъ положи а средѣ града, и бяху ожидающе славы Божіа. И се в девятый часть дне одръ ношаху, на немъ же лежаше мертвая дѣвица. Иуда же радостенъ бывъ, рече: нынѣ увѣси, владычице, любимое древо и силу его. Тогда постави одръ Іуда и полагаше по единому на ме||р'твечи; и егда положи 344. в третій крестъ на трупѣ, и абие вѣста мертвая дѣвица. Тогда раз'гнѣвася діаволь и вѣспи, глаголя: кто есть не дадый пріимати мнѣ душъ человѣческихъ? О Іисусе Назаряинне! вся к себѣ привлече, и паки древо креста твоего гавилъ еси на мя. О Іудо! что сотвори? преже Іудою людемъ сотворихъ согрѣшати, а нынѣ Іудою паки отгонимъ есмь. Не обрѣтохъ что сотворю. Въставлю инога царя на вы, иже бо оставитъ распятаго и по моимъ совѣтомъ начнетъ творити; и предам' тя лютымъ мукамъ: тогда мучимъ отвер'жешися распятаго. Иуда же запретивъ духови и рече: иже мертвыя въставляеть прокленет' тя, да идеши въ глубину огненую. Блаженная же Елена слышав'ши, чюдися вѣрѣ Іудинѣ. И сему сице бывающу, боголюбивая Елена со многымъ доброчестіемъ утвори крестъ Христовъ златомъ и каменіемъ драгымъ, сотвориши раку сребрену и в ней положи, и

*) Вм. «отвер'зъшася» должно быть «отвер'гъшася».

церковь сотвори на Лобнѣмъ мѣстѣ и в той положи крестъ. Іудѣ же крестившуся, поручи епископу; иже бѣ в' то время в' томъ мѣстѣ. Еще же блажен'нѣй Еленѣ пребывающу въ Іерусалимѣ, бысть почити о Господи епископу іерусалимьску; преподобнѣй же призвавши Евсевіа, епископа града римьскаго, постави святаго Іюду епископомъ

344. г. || строити церковь в' сяческы, и прмени имя ему, Кириакомъ прозвавши его. Паки желаніе бысть царици и хотяше, дабы обрѣла гвозди, имиже привоздишаа законопреступници іудеи Господа Іисуса Христа. И призвавши блаженная Елена епископа Киріака, рече ему: желаніе мое, еже имахъ креста ради Іисуса Христа, окон'чася; гвоздй же ради пригвожденныхъ на крестѣ печаль велику имамъ; и сего ради не почию, дон'деже и се хотѣніе мое скончается Богъ и гавит ми святагы гвозди. Помолися убо к' Богу, некли услышит' тя Господь Богъ и дасть намъ желаніе наше, такоже животворящій крестъ далъ есть намъ. Преблажен'ный же Кириакъ епископъ пришедъ во глаголемо Краинево мѣсто со многыми людми, вѣровавшими въ Господа нашего Іисуса Христа, възрѣвъ очима своима на небо и рукама біа в перси, и възпи прилѣжно къ Богу, исповѣдая преежнее невѣрствіе и блажена вѣровавшимъ Христа Іисуса Снаса нашего. И много помолив'ся, жидовьскымъ языкомъ рече: Господи Іисусе Христе, Сыне Бога живаго! услыши мя недостойнаго; и такоже показа намъ древо животворящаго креста твоего, покажи намъ и святагы своя гвозди, имиже бѣ пригвожденъ на пречистую си руку и ногу, тако да тѣхъ поклонив'шеса целовавше, прославимъ

345. а. пречистое и великое имя твое, тако ты || еси творяй чудеса неизречен'на всесил'нымъ величїемъ твоимъ, и твоя есть слава и держава во вѣкы. Аминь. Многу же часу мпмошешу, и еще много помолив'шуся епископу Кириаку, и вси людїе възпїаху: Господи помилуй! и внезапно бысть предивно чудо, и еже вси стояще видѣша: такоже бо мльнїа свѣтъ восїа мѣсто оно, в немъ же лежаху гвоздїа Копавше тако сажень десяти, обрѣтоша святагы гвозди лежаща в' ковчезицѣ мраморянѣ, і абие възсіаша тако луча

солнечныа, и абие възпиша вси людїе: нынѣ разумѣхомъ в' коего вѣровахомъ! Воземъ же епископъ Кириакъ со всѣмъ страхомъ и принесе боговѣнчан'нѣй царици Елени. Блажен'наа же Елени пад'ши на ногу епископу, держащу святагы гвозди, поклонися трижды, обლობызающи и глаголющи: слава ти, Іисусе Христе, тако сподобил' мя еси видѣти на вся хотѣнїа моя і исполнь все желаніе мое. Ты бо еси Господь мой Іисусъ Христосъ, творяй волю боящимъ се тебе. И бысть по третїемъ дни, мыслящи царици си в себѣ, что сотворити святагы гвоздями, и рече в' себѣ: се творю в' память вѣчную родомъ грядущимъ. И призвавши хитра златаря, рече к нему: царьску тайну сохрани и царьско дѣло сотвори: возми гвозди сіа и здай ми ихъ въ узду коню царьску, || да будетъ 345. б ему оружіе невѣзбран'ное къ всѣмъ противнымъ, побѣда царю и миръ бран'никомъ. Сице бо скон'чается глаголанное пророкомъ: и будетъ въ оны дни, сущее въ уздѣ коню святое Господеви наречется. Блаженная же Елена царици вѣрующи въ Господа нашего Іисуса Христа, възнесши и проповѣдав'ши въ Іерусалимѣ и вся хотѣнїа своа скон'чав'ши, тогда повелѣ быти в'зысканіе, и елико не вѣроваху въ Господа нашего Іисуса Христа і изгоняхуса отъ Іерусалима. И толика благодать дасться епископу Кириаку, тако и недугы исцеляти и духы нечистыа прогоняти. Блаженаа же Елена царици имѣнїа многа дав'ши епископу Кириаку, и много злата давши в раздааніе убогымъ, всѣмъ радоватися рек'ши, отъиде отъ Іерусалима, повелѣвши всѣмъ людемъ праздновати память честнаго и животворящаго креста мѣсяца Сеп'теврїа 14 день, егоже нынѣ въ грядущая лѣта чтемъ и покланяем'ся и възносимъ, очищающесе душею и плотїю, емуже молим'ся, да силою сего улучимъ сподобим'ся видѣти благая вышняго Іерусалима о Христе Іисусѣ Господи нашемъ, емуже слава и держава, нынѣ и присно и въ вѣкы вѣкомъ.

В' ТОЙ ЖЕ ДЕНЬ, слово на Въздвиженіе честнаго и животворящаго Креста Господня. Благослови отче!

343. в.

Днесь, братіе, веселуемся о въздвиженіи Христовѣ; днесь радуемся о въздвиженіи честнаго древа: днесь бо въздвижется славное древо, и нынѣ лежащая въ грѣсехъ ис погнѣбели възвышается. Днесь сокровенное древо в' земли на свѣтъ исходитъ: ибо и по распятіи Христовѣ смерти Господь и животу и третій день из мертвыхъ въскресе. Завистию же злою дер'жими жидове суще, боящися, егда что останеть отъ сосуда того, имже се Христосъ мучень, ти будетъ на соблюденіе и цѣлбу вѣрующимъ к нему, имше и вкопаша и в' земли глубоцѣ зѣло, рекуще: негли се в' забытіе ввидеть. Мню же крестъ великій богатство христіанское и гвоздіа, лушцъ и титлѣ, иже бѣ Пилатъ в'писалъ и въпреки на крестѣ положилъ. Такожде и сему погребену бывъшу, и в'стави Богъ въ грѣчестіи земли царя вѣрна христіана, мню же Копьстан'тина, и сего матеръ, таже в'зыскавши обрѣте явленіемъ Божиимъ и вѣрою архиерейскою; и ову часть въ Іерусалимѣ положи, а другую съ гвоздми въ Царьградъ посла къ сыну си. Сей крестъ, иже по всему миру въздвизается и възвышается, сего обрѣтенію мы днесь радующеся, празднуемъ въ днешній день, аки солнце из' земля изшедъ восіа по всей земли и всю тварь украси: изиде бо грѣшцыа аки ис тины бер'це-

343. г. нья*) възне||сеть. Днесь святая церковь свою утварь приемлетъ, аки гривною и обручемъ блажен'ными украс'шися, да в' лѣпоту ся ей многымъ народъ совокупилъ днесь, да и крестъ видить извн'шійся и възнесшуся Христу на немъ и поклонятся да ся возвыситъ. Возвысивъ бо ся покажетъ, кто бѣ погребше воскресено в' мѣстѣ малѣ, иже нынѣ отъ всѣхъ поклонъ приемлетъ. Да о семъ и мы нынѣ, друзи, празднующе радуемся; подобаше бо аше сокровен'ному честному древу изъ т'мы изшедшу и на высотѣ извн'шися, аки граду на горѣ, или яко свѣци на свѣтилѣ пот'ченѣ всѣмъ показатися. Да сего ради первый царь христіанскій и честный архиерей аки на высотѣ стражду въздвигше и, показати повелѣв'ша всѣмъ собравшимся въ церковь. Тоже то творять на

възражнемъ мѣстѣ посреди цер'кве, не точью не рекуще: видѣте, братіе, възвышаемъ сей честный крестъ и треблаженный, иже бѣ завистию в' земли погребень, днесь на высотѣ мѣсте въздвизаемъ. И се есть знаменіе, имже есмы отъ инѣхъ языкъ и странъ отлучени; се есть христіанское богатство; се есть знаменіе, имже быхомъ знаменани распятому Христу на немъ; се есть острый рогъ, имже бѣсы сопостаты наша побѣждаемъ; се же нынѣ видѣхомъ || предо очима нашими 346 а животь сокровень. Мы же, братіе, сему поклоняющеся, помышляемъ, како ти есть устроити нашего спасенія Творецъ див'на чюдеса, такоже глаголетъ святой Давидъ, рекый: Богъ же царь нашъ прежде вѣкъ содѣла спасеніе посреди земля. Иакоже есть посредѣ земля Лоб'ное мѣсто утвержено; того и мы, братіе, пріатнемъ испер'ва своихъ учитель дер'жимъ побѣждааше, аки на истяжанѣ полѣ хитрѣ окружена посреди всея земля пожрену быти спасенному древу, такоже и другое небесное солнце, такоже и праведное солнце Христосъ, иже суть в' земли сокровени, и сниде к намъ; се крестъ видимо есть древо, се в'писа и многожды наричетъ, такоже Давидъ глаголетъ, рекый: сотвори со мною знаменіе въ благодараніе; знаменася на насъ свѣтъ лица твоего, Господи. И паки: дасть знаменіе боящим'ся, бѣжати отъ лица лучнаго. Или и такоже и самъ Господь во евангеліи вопиеть рекый: ти то узрять Сына Божіа знаменіе. И предъ симъ: просить знаменія родъ сій, но знаменіе же не дасться ему, но точю знаменіе Іоны пророка. Се же знаменіе являетъ крестное. О древо знаменито и словущее! о треблаженное древо, на немъже распятся Христосъ царь и Господь, имже древомъ погубленъ бысть прельстивый || древомъ Адама і Евву врагъ! о крест- 346 б ное древо, имже грѣси ся показиша, а велика свобода и горняя в'писася! о кресте, многыхъ благодатей сокровище, къ царствію Божію проповѣднице! Христосъ на тебѣ ся пропенъ, древо бесмертію показа; Христосъ на тебѣ ся повѣсивъ, благоявленію ти показа подателя; не тебѣ Христосъ хотя возвыси миръ, все с тобою възвышій. Тако крестомъ смерть

*) Въ У. и С: «берн'ныа».

обидена бысть, и скрушена быша капища идольская, и всякое сонное слышаніе истребися. Да сичеву великую благодать приемише, братіе, отъ Владыки, блюдуще же ся живемъ въ скороминующемъ житіи, гадениемъ и питіемъ и различными страстьми прелѣщающесе, да въ приидущій вѣкъ и судъ и отдати ему чаанія знати начнете, точію сластей не помняче, какы бѣху. Да не дамъ, друзи, вся вмѣстити неприазненѣи сатанѣ, всякими ны лестьми лѣстящи вабити к' себѣ на ослабленіе и погыбель: не бо есть брань с плотію и кровію, но с начаткы и властми тмы вѣка сего; да поспѣшимъся и подвигнемся, да гонземъ муки вѣчныя, иже есть бес конца. Не бо есть насъ дѣла сотворилъ муки, да ны мучить, но сатаны дѣла и его бѣсовъ и силъ. Тако бо имамъ Бо-

346. в. га || милостива и человекѡлюбца, и свѣдѣтельствуетъ Давидъ, рекый: Богъ судитель праведенъ, крѣпокъ и терпеливъ, и не гнѣвъ наводя на кійждо родъ. Аще ся не възвратитесе, оружіе свое оцистить, луки своя отвлечетъ и уготовить; и тѣмъ уготови суды смертныя. Се есть сотворилъ Богъ не да ны обсудить в' муку, но да ся неразлѣнивше и ослабѣвшея самохотію, повинни будемъ муцѣ. Аще бы хотѣл ны погубити, то не бы Христосъ крови своєю проліалъ за ны: но сего радма есть умерлъ за ны, да намъ дастъ бесмертіе; и алченъ бысть, да ны своєю плоти напитѣеть; жаденъ бысть, да ны своєю крови напоить; заушеніе приать, да ны свободить, испаденіе скорби сотворить; крестися, да ны освѣтитъ; отъ жены ся роди плотію, да преступленіе, иже в раи, иже на насъ сотвори, съ милостію да будетъ; и человекъ прозвася, да ты прозовешися Богъ; Богъ наречеся сынъ человекъ, да ты ся наречеши сынъ Божій; в'зять наша, да намъ дастъ своя; молися, да ты вѣрна сотворить, какоже глаголетъ при Лазари: Отче! прослави Сына своего, да и Сынъ твой прославит' тя. И приде ему гласъ с небеси, глаголя: славихъ, и пакы славлю. Вѣдѣ, тако
346. г. всегда мене послушаеши; но за предстоящаго народа рѣхъ, да вси вѣру имуть, како ты мя посла. Еже есть приалъ Спасъ нашъ, не за Отца своего, но да спасеть человекѣ-

ское племя, и спасеть же крестомъ. Аще ли хочети увѣдѣти силу Христову и како ти есть лѣпо похвалити, послушай: крестъ христіаномъ добрая надежда; крестъ вѣрнымъ воскресеніе; крестъ слѣпымъ водець, заблуждышимъ путь; крестъ хромымъ подпора, богатымъ восх'лащеніе, презоривымъ губитель, блюдычимъ князь; крестъ убогихъ увѣтъ; крестъ возбой бѣсомъ и вѣрнымъ забрала; крестъ побѣжденіе супостатомъ и унымъ наказаніе; крестъ отчаявшимъся надежда, пловущимъ по водѣ правило, в' волнахъ сущее великое утѣшеніе, отъ ратникъ стѣна тверда, сиротамъ отецъ, вдовицамъ заступникъ; крестъ печалнымъ утѣха, младенцемъ хранитель, мужемъ глава, стратотрыпцемъ совершеніе; крестъ свѣтъ во тмѣ сѣдячимъ; крестъ царемъ великая лѣпота, красота княземъ, оружіе вѣчное, рабомъ свобода, несмысленнымъ мудрость, безаконнымъ законъ; крестъ пророческая проповѣдь; крестъ апостольское исповѣданіе, мученикомъ похвала, черноризцемъ воздержаніе; крестъ идольскихъ требъ разрушитель, огнь сій жертовъ потреби|тель. ере- 347. а тикомъ сѣтъ, странамъ уродство, нечестивымъ потребитель, алчнымъ хлѣбъ, жаднымъ источникъ, немощнымъ сила, болящимъ врачъ и исцеленіе, пѣготивымъ очиститель; крестъ нагимъ одежда, наготу мно не плотьскую точію глаголю, но и безвѣрную: егда нѣкто вѣру имать, то не нагъ есть, но въ одежди; а и слыши Павла, глаголюща: елико въ Христа креститесе, во Христа облекотесе и Духомъ одѣтесе. Христосъ же егда слышиши, брате, то не мни Богъ словомъ точію имѣнимъ есть, ни пакы плотное точію сотвореніе, рекше человекъ точію, но обое купно, еже есть Богъ совершенъ, сый Богъ и человекъ, всю тварь видимую и невидимую создалъ есть исперва. Сиче бо глаголетъ великій Богословець Іоаннъ, рекый: вначалѣ бѣаше Слово, и Слово бѣаше отъ Бога, и Богъ бѣ Слово. Тако бо бѣаше отъ Бога в начало, и все симъ бысть, и без него ні единоеже бысть. Видиши ли, како се есть иже словомъ небо пропя, испестренныя круги звѣздами утворити небо показа, аки свѣтилникъ сущъ; сей есть

иже солнце свѣта испол'нивъ просвѣти и по-
велѣ не почивающеи тещи; сей есть иже зем-
лю основа, и укоренію на водахъ и ни на
чемъ же; сей есть иже повелѣвый земли тра-
347. 6. ву сѣн'ную растити, || источникомъ воз'врѣти
водами; сей есть иже повелѣвый рѣкамъ
быстринами плыти, въ езера збиратися; сей
есть иже лѣскомъ предѣлы положи и огра-
ди море, и водамъ повелѣ изнести душа жи-
вы и вѣтромъ вѣтати; сей есть иже повелѣ
облакомъ восходити; и спроста рещи, всю
тварь видиму сотвори. Что ли мно сию бол-
шую оставль? Сей бо есть ангелы сотворилъ
и архангелы, и господства, и начатки, и
силы, и власти, и престоли, и херувими, и
серафими, и нареклъ лѣта и годы, времена
и мѣсяци, и недѣли и дни и часы и нощи, и
все то, и все сущее; послѣди же сотвори
человѣка по образу своему и по подобію,
дасть ему в рай жити, и послушав'шуся ему
древомъ изгнаніе пріа, землю дѣлая жесто-
ку и многъ потъ проливая, и препроводи
свою жизнь смертію кон'чавъ; и того все
племя, отъ тоя ся плоти согрѣшив'шая ро-
дивъ, ту же бѣду пріа и страсть. Видя же

милосердый Владыка и Богъ Слово дручимо
человѣческое племя врагомъ и сатаню, ми-
лостію и самохотию выплотися и вдасть ся
распяти на крестимъ древъ насъ дѣл'ма
убогыхъ. Сего ради же се сотвори, да тако-
же проныривый діаволь человѣка прельсти-
вый и умори его древомъ: такоже и самъ
исперва злодѣй прел'щенъ крестнымъ || дре- 347 в
вомъ. Мня бо человѣка ток'мо възвышена
на древъ крестимъ, с радостію приступивъ,
власть свою подая, да и самъ отъ него по-
гыбе и область свою пусти: вся бо Хрис-
тось Господь хотя извести ис темнаго мѣ-
ста адова; тому Владыщѣ Христу подобаеъ
слава, честь и поклонаніе со безначал'нымъ
Отцемъ и съ пресвятымъ Духомъ, и нынѣ
и присно и въ вѣкы вѣкомъ. Аминь.

**В' ТОЙ ЖЕ ДЕНЬ, слово на Въз-
движеніе Креста честнаго.**

Въ время оно потомъ, егда же цареви
Костян'тину противу Максентію
лютому погану приближающуся къ
къ бою на похвалу креста Гос-
подня, ему же есть слава и держава, въ вѣкы
вѣкомъ. Аминь. *См. выше, стлб. 730—735*).*

*) Отличія сего слова отъ напечатаннаго выше слѣдующія: вм. «усѣченама» здѣсь «усѣченома». Вм. «любо бысть» — «годѣ бысть». Вм. «речено есть» — «речено бысть». Вм. «посреди» — «посредѣ». Вм. «снѣдоста» — «снидоста». Вм. «потол'кновень» — «подкновень». Вм. «крестіан'скими» — «христіаньскими». Вм. «вѣрному же» — «вѣрному». Вм. «мысль измѣненіе» — «мысли измѣненіе». Вм. «воя» — «вои». Вм. «вѣннѣ со всею своею челядію . . . Ираклію ся» — «со своею челядію . . . волнѣ Ираклію». Вм. «примъ» — «примѣ». Вм. «створити купно вси» — «сотвори в'ся купно». Вм. «крестіаньскій» — «христіаный». Вм. «царствіа юже . . . обуалъ» — «царствіа же . . . обуалъ». Вм. «пришедъ» — «прешедъ». Вм. «сѣдящъ и» — «сѣдяще и». Вм. «убіеніе» — «убіенія». Вм. «ожесточеніа» — «ожесточаніа». Вм. «ненавидялаху» — «ненавидяху». Вм. «и по правдѣ» — «справдѣ». Вм. «о твари» — «отъ твари». Вм. «егда же» — «и егда же». Вм. «здравіе и цѣль вѣимѣти» — «со здравіемъ и цѣлы вои имѣти». Вм. «древъ» — «древю». Вм. «раз'мыш'ляя еси» — «размыслилъ еси». Вм. «работя» — «рабъ». Вм. «в'зятя» — «в'зятія». Вм. «стол'ми» — «тол'ми». Вм. «почнеша» — «почнешь». Вм. «Иераклій» — «Ираклие». Вм. «усѣкну» — «отсѣче». Вм. «и» — «его». Вм. «бѣяше» — «бйше». Вм. «написаніа» — «написаніе». Вм. «епископы и презвитеры с нимъ» — «епископі и презвутери и съ нимъ». Вм. «на полонъ» — «на полнь». Вм. «еже» — «аже». Вм. «раздрушилъ» — «разрушилъ». Вм. «радующи» — «радующе». Вм. «вѣт'веми» — «вѣтми». Вм. «толкы» — «толико». Вм. «противу в'нидоша» — «противу изыдоша». Вм. «бѣ сѣи» — «бѣ сей». Вм. «царьстѣемъ» — «царстѣмъ». Вм. «одѣніими царьскими» — «одѣніемъ царскимъ». Вм. «хотя» — «хотѣ напрасно». Вм. «створися» — «сотворися». Вм. «егда же чуждаахуся» — «и егда же чюждашеся». Вм. «млѣнію» — «молнію». Вм. «свѣтнѣся» — «свѣтяшася». Вм. «над верѣями» — «над веріями». Вм. «живыхъ» — «живыхъ». Вм. «ко страсти» — «и къ страсти». Вм. «и сими» — «сими». Вм. «ли коня» — «или коня». Вм. «въсѣданіе» — «въсѣденіе». Вм. «на ж'ребятинѣ» — «на жребятини». Вм. «пѣннѣцими» — «пѣннѣцимся». Вм. «съ небесѣ бысть явлено» — «бысть с небеси явленіе». Вм. «прим'шю побѣду» — «примшю». Вм. «бысть обрѣтенъ» — «бѣ обрѣтенъ». Вм. «исцеленіемъ» — «исцеленіемъ». Вм. «и въскрешеніемъ» — «въскрешеніемъ». Вм. «совершена» — «с'вершена». Вм. «принесла бѣ» — «привесла бы». Вм. «въ сребреніи скриніи» — «въ сребрянѣ скринѣ». Вм. «юдомъ Господьскимъ» — «удомъ Господьскимъ». Вм. «страстемъ» — «страстемъ». Вм. «честіяся Богъ» — «чтил'ся бы». Вм. «минув'шимъ» — «минув'шемъ». Вм. «Фоки» — «Фоки». Вм. «крестіаны» — «христіаны». Вм. «ск'вер'ненный» — «ск'верный». Вм. «Перьское» — «Пърское». Вм. «предер'зѣ» — «прѣдр'зѣ». Вм. «поганьскій и злымъ примучилъ бйше» — «поганьскій и злымъ прилучил'ся». Вм. «въ истину Сурію» — «въ истин'ну Сурию». Вм. «подъ ся примучи егупетьска» — «предъ ся премучи и егупетьскаго». Вм. «биаху» — «биху». Вм. «люгѣйши» — «люгѣйшей». Вм. «Христови» — «Хри-

особно коемуждо гавлятися. И бѣ дивно зримое: трие отъ корене зрятяся и трие вер'си, средина же одинараслена, и бѣ преизлишь
 330. б. красно бысть. || Соломону же царю, создавающую божественый храмъ святая святыхъ, и многымъ хитрецемъ кааждо дѣло вручена промышляти храму в лѣпоту и на украшеніе, тогда приспѣ нужда древесемъ добрымъ потреба; хитреци же повсюду на в'зысканіе древесъ уклонишася, обрѣтоша же и тое тогда тричастное древо, о немъ же собрашася мнози хитреци церковнии, и обходяще кругомъ древо обзирающе и всей лѣпотѣ его безмѣрной дивящеся. По чюднемъ же дивленіи преклон'шеся, посѣкоша древо, и многохитростными възили подъемше, привезоша къ храму, егоже измѣривше и мѣру на высоту възнес'ше, идеже требуется положить древо, и абіе по мѣрѣ угодно гавися хитрецемъ; самое же древо възнесоша на уготованное ему мѣсто, и абіе гавися тамо кратко, егоже спустиша долу. Хитреци же укоризнами укаряху себе, мнищеся недобрѣ умѣривше древо; и паки измериша, и гавися имъ и лиш'ше погребы длѣгостию, егоже со тщаніемъ паки горѣ възвысиша, и абіе кратко бысть. Се же творящеся о немъ трижды, добротѣ же древа зѣло чюдящуся. Царю же Соломону жаящу же о неудобствѣ, но обаче не възхотѣ оставити е без-
 330. в. дѣлно; || паки мѣрить, и той длѣгостию отстоя бѣ, да такоже възнес'ся, паки кратко обрѣтеся. Позна же Соломонъ божественому промыслу дѣло бывшее, тѣмъ же и внутри церкви то положить повелѣ к' покою прилучающимся ему в церкви, яко бесѣду. Совершив'шу же ся сицевому храму, и царю Соломону всяческими лѣпотами удостоившу церковь, пришедши же и южной царици Сивилли въ Иерусалимъ слышати и видѣти премудрость Соломону; с нею же Соломону обходящу въ церкви, вся удивленію достойная показашу и к наречен'ному приближ'шеся древу, сѣсти с' собою Сивиллѣ повелѣ, яко на бесѣде. Она же пророческаго дара полна сущи, сѣденіе убо отрече, къ древу же прирече: о треблаженное древо,

на немъ же распятыя Христосъ царь и Господь! Сия глаголы услышавъ царь, абіе восторѣ повелѣ поставити правдивное древо к' востокомъ; и обложивъ е 30-ми вѣн'ци отъ сребра чистаго, кождо вѣнецъ 30 серебряницъ цѣняше. Стояше же убо сие древо даже до времени Иисусова распятія; и отъ сихъ вѣнецъ, глаголется, единъ дасться егову ученику, иже и предасть его отцемъ нашимъ; да такоже и прочимъ вѣн'цемъ отъемшимся, паки наго древо стоаше и бездѣлно, и отнелъ же не в лѣпотѣ уже древо бысть. Въ время же || распятія древодѣл'ци 330. г испросиша его и крестъ из него содѣлаша, иже Сивиллою прореченное испол'нися, долную страну совершону толѣстотою въ землю възглубив'ше, и ногама Иисусовыма имѣти стени шир'ши. Сіе в посланіи еврѣвѣ писано бысть; его мы прочет'ше, преписахомъ.

В' ТОЙ ЖЕ ДЕНЬ, слово Григоріа, архіепископаа Російскаго, на Въздвиженіе честнаго Креста.

Възносится днесъ крестъ, и пленяется адъ и поклоняется Христосъ. Сие бо Давидъ с веселіемъ поя издадеча, пророчествуяше*), глаголя: в'шелъ еси на высоту, пленилъ еси плѣнъ, пріалъ еси дааніе въ челоуѣцехъ. Крестъ възносится, и царствуетъ расцятый; крестъ възносится, падають бѣсове; крестъ възносится, и родъ иудейскый погыбаетъ, кровь бо Господня гже на себе призваша, глаголюще: кровь его на насъ и на чадахъ нашихъ, уже тѣхъ постиже. Крестъ възносится, и тор'жествуетъ христіанскый родъ; крестъ възносится, и совъзноситъ землю, еаже посреди въдруженъ бысть; крестъ възносится, и бывають вся нова; крестъ възносит'ся, и четвероконечный миръ собираетъ; крестъ възносится, и небеси и земля соединяется: тому бо посреди сихъ обоихъ став'шю, надеся средостѣніе таковаго крыскаго коварства, || не възмогъ приражденіе терпѣти, и 331. а. прочее тому отъ среды быв'шю, смиреніе едино бывше, гже прежде враждою расгоя-

*) Въ У: «пророчествуаше».

шаася. Да приидеть Адамъ с праматерію, и с нами да възносить его, и со Давидомъ възлѣтъ: възнесите Господа Бога нашего, и поклоняйтесь подножію ногу его, тако святъ есть. Да веселится объемля его, да величаетъ славу его, да проповѣсть силу его, да исповѣдуетъ спасеніе его. Иже древа ради из рая изгнанъ бысть и нетлѣнныа одежда обнаженъ и в потѣ лица своего хлѣбъ снѣдати осуженъ и послѣднее знаменіе в'землю възв'рацатися, отъ неяже в'зять быхъ, и паче в'лѣпноту: тако бо діаволь возмездивати обыче слушающихъ его и тако одѣвати в'брующихся ему; древа же крестнаго ради въ небеса вселися и божествомъ облечеса: елици бо, рече превеликій Павелъ, въ Христа креститеса, въ Христа облекостеса, и беструдиый блажен'нѣй жизни сподобистеса, и нетлѣниемъ всег'дашнимъ преспѣвати. О чудесе! тамо древо: и zde древо; оно посреди рая: и се посреди земля; и оно убо зелено и благораслено и листвіемъ украшено и плодомъ угобзено и плодомъ привлекающимъ очі и подвижающимъ желаниемъ, добръ бо бяше на-

351. 6. саждено, аще добръ потребоватися хотѣющимъ, преслушаніе в'веде, смерть исхода-тай, но роду клятву нанесе: сіе же невлаженое, суходѣланное, но благословеніе нанесе, но бессмертіе дарова, но преслушаніе исправи; елма бо убо гор'дыни и преслушаніе всемъ злымъ и смерти винов'на бывши, смиреніемъ и послушаніемъ Христовымъ вся благая и животь в'водится, да спротивными спротивная правед'но низложатся; имиже съсуды діаволь надъ челоуѣкы въцарися, тѣми же пакы и царства да изгнанъ будетъ и смѣху да преданъ будетъ. Да отсюду паче еже отъ насъ блаженна любве смотрѣніе не ток'мо познаваемо, но отъ преумноженія чюдимо и непостижими будете, тако не силою единою таже вся послушна имѣя, но премудростію вся сътворяя. И слыши Павла: смиримъ *) себе, рече, бывъ послушливъ до смерти, смерти же кресту. Се смиреніемъ новаго Адама гор'дыни оцѣстися вет'хаго и послушаніемъ сего преслушаніе оногo. Смер'ти

же кресту: что бо сего поноснѣйше, отъ еже на высоцѣ древѣ обѣшену вѣсити челоуѣку, посреди Іудеа, внѣ таковаго града, тако да в'зоръ бываетъ очима входящихъ і исходящихъ. Но не нынѣ же, такоже дотолѣ, крестъ понесъ **) и смерти сосудъ, но почести виненъ и древо жизни оная, жизни, о нейже глаголаше Павелъ: || спѣшю разрѣ- 351. в шитися отъ тѣла и со Христомъ жити, егдаже блаженный онъ ничтоже предпочтенѣйше имаше. И кто толикъ премудръ и тысущезыченъ крестная изрещи дарованія, таже на насъ того благодѣтельства, развѣ Павловъ языкъ, иже о немъ присно хваляшеса: мнѣ да не будетъ, глаголя, похвалитися, ток'мо о крестѣ Господа нашего Исуса Христа, имже мнѣ миръ распят'ся, и азъ миру. И пакы: да скажется нынѣ началомъ и властемъ на небесныхъ царствіа многообразная премудрость Божіа по преложенію вѣкъ, еже сотвори о Христѣ Исусѣ Господѣ нашемъ, о немъ же имама и приведеніе в'надѣанія в'брою его. Зриши ли таинство креста? зриши ли отъ кыхъ в'тораа его ради достигохомъ? Въ истин'ну крестъ слава Христова, такоже самъ глаголаше: егда прославит'ся сынъ челоуѣческой, гавѣ, тако в'негда възнесется на крестъ. И зри, како не токмо въображаемъ и носимъ спасаеть всекрѣп'кый, но и просто образа его видѣ спасительни бывають. Вселен'ная бо четырьми кон'ци описуется, и четырьми стихіями челоуѣческое естество составляется; четырьми времены кругъ лѣту в'бнчавется, и четырьми в'тры вселен'ная прохлаждается; но и челоуѣческое видѣніи креста подобие носить. Сего ради Боговидецъ онъ собою того прообрази на горѣ, в'негда побѣждати Амаліка, || простер- 351. г тіемъ руку на высоту. Но и караблный катар'тъ, без негоже безбѣдно не възмож'но плавати пучину, креста образно стонть рогама, такоже нѣкоторыма крилома горѣ надъ волнами дер'жа корабль и не оставляя тяготы ради погрузитися. Что же ли нарицаемая тропи, о нейже все ставленіе корабленое содер'жится? не по томужде ли креста

*) Вм. «смиримъ» должно быть «смирилъ».

**) Вм. «понесъ» должно быть «поносъ».

виду согвождена есть? тѣмъ же и сама всегда в водахъ рыбѣ подобно плавая неспходитѣ, прочее корабля всей людій бремя на себѣ нося, немокрено водами храня. Аще же и кивоть завѣта испытаси, по тому же образу устроишь обрящещи; такожде и храмъ и жер'твенникъ и рога, иже на олтари, вся четвероуглена креста сладкое видѣніе являюща. И ни единоеже сихъ тѣхъ и всеу бываема, но вся ко спасенію ключима, вся по неспсеченой сил'ной Божіи премудрости дѣйствуема, по блажен'ному паки Павлу, ко Ефисеомъ пишущу: да въз'можете постигнути со всѣми святыми, что широта и дол'гота и глубина и высота; разумѣти же пресп'яющей разумъ люб'ве Христовы, да исполнитесь во всяко исполненіе Божіе. Сего и въ благословеніи внукохъ великій онъ патриархъ проави прежній *) руку: яко бо

352. а юнѣйшаго внука отъ лѣвья [бедры поставлена ошчти, старѣйшаго же одесную, предлагаетъ Духомъ руки крестообразнѣ, и десною касается главѣ юного благословляя, понеже повои'збраннїи людїе крестомъ на старѣйшинство сыновства преводитися хотяху, пер'вородному Израилю первенчества отнадно, ради убійственнаго стремленїа: мужа бо крови и лести гнушается Господь. Сего образъ и во Чер'мнемъ сотвори превеликое чудо, пресѣкъ непресѣцаемо естество: яко бо удари пророкъ жезломъ море вопреки и обраць тор'жественно створи в' широту удавленіе, устыдив'шеся спасител'наго начертанїа, стаха на дванадесяте путей воды раздѣлены, свое дно никогдаже откровеное открьше, отъ обою страны путей стѣнамъ подобно каменымъ состягнув'шеся, яко да которому же людїи Божїихъ колѣну, не ток'мо удобезнено, но скоро будетъ пришествїе: поуже гонящен близъ бяху, и гоними исчезау. Сего Елисей прознамена, внигда дровомъ извести из глубины желѣзное естество, яко бо дер'жалне пророкъ мало погрузи в' водѣ, секира бо впадшее бяше, абе желѣзо из глубины вшедѣ, обретеся на дровѣ стоя, обретеся на своемъ мѣстѣ. Что сему являющу, по естества долу лежащаго

и глубиною злыхъ || потопляемаго, еже на 352. 6. свѣтъ крестомъ возведеніе? И что ми креста иже отъ пророкъ исчитати образы и гаданїа? Самїи серафимп, царскаго онога престола и превъзнесенаго служителїе и предстателїе, сего образу тайно научиша великаго Исая, внигда лица и ноги закрывати прочима крилома, среднїма же летати; и познаваше пророкъ креста таинство, и яко его ради трисвятая пѣснь на земли пѣвасма будетъ, не слышан'ная на земли прежде, ни же кому на умъ вшедшаа когда; и паче в лѣпоту: вшедѣ бо на нь Владыка и своего челоуѣка, егоже за благодсть въсприятъ, на немъ всего распростѣръ, такоже отъ пѣкторыа высоты со'зва всѣхъ, иже надалеча стоящихъ и бѣсомъ служащихъ, помавая рукама прои'зеныма и окровавленныма, и пѣти научи серафимскую оу равночестнѣй Тропици пѣснь. Но лѣ туне **) и безъ духовнаго прозрѣнїа мѣдную оу в пустыни змію Моусїи въздвиже, внигда людемъ вредитися отъ змїй? О чудеси! мѣднїа зміа недвижима нечувственое въздвиженіе живыхъ и ядовитыхъ змїй вредъ потребляше единемъ токмо на ня възрѣнемъ. Да аще образъ креста толико силенъ, толико спасителенъ: какова самая истин'на, иже небо и землю и въздухъ, исподня исполни силою? видѣша бо вси иже во адѣ отъ вѣка, || того видѣша 352. а. силу, внигда вереямъ и вратомъ мѣднїмъ отъ лица его сокрушатися; видѣша разбойника крестомъ в раи ликоствующа; видѣша пламен'ное оружїе отлучаемо и входа не браняющее иже крестъ посящимъ. И о чудеси! прежде паденїа Адамова еже на земли, бысть ино паденїе на небеси велико, еже и паче виновно бысть земному паденїю, но не исправлено пребысть; сие же не ток'мо крестъ исправи, но и пад'шагося страшна устрои собою прельстив'шему; и идѣже умножися грѣхъ преступленїа, призобилова благодать крестнаа; и не на земли ток'мо иже его ради благая въсїавша, но и на небеси: таинства бо отъ вѣка воскресенное крестомъ познаша, и совер'шенное извѣщенїе славы и стоанїа приаха бяху; бо ***) до-

*) Вм. «прежній» должно быть «предложивъ».

**) Такъ въ Ц.; а въ У. и С: «но ли туне».

***) Такъ въ У. и С. — Въ Ц. вм. «бо» ошибочно «во».

толѣ сомнишесе ꙗкоже ненадежнаго прело-
женіа, зряще отъ свѣта на тѣмѣ преложив-
шагося деѣнію, и человекѣмъ бесмертіе
дароватися тогда, ангеломъ же утвердися
непреложное. Такова креста дарованіа! та-
кови плодови Голгофиньскаго древа! Сего
царие благочестивіи дер'жаще, сопротив-
ныя пол'ки побѣждаютъ: скипетро бо есть
небеснаго царя, имже все воинство гор'да-
го низложися и адова твер'дыни разорися;
симъ небо украсися, вьнегда звѣзднымъ ви-
352. г. домъ того показати блаженному оному и
пер'вому въ парехъ Костянтину; с нимъ
персы и пар'фы и миды и колесничныя скифы
побѣди, и предѣлы распротрани христ'иан-
скыя; крестомъ святителие, иже апостоломъ
пріемници, бѣсомъ жерт'вища ова убо отъ
самыхъ оснований разв'ратиша, ова же за-
твориша, и таже в нихъ дѣйствуа прел'сти
силу затвориша, крѣпость прочее не имѣти,
ниже простиратися на пагубу человекѣмъ
запретив'ше, и слово истинное распротра-
нив'ше, доброе приемство благодати в роды
родовъ преподавающа, и цѣркви составляю-
щи въ славу Троицы, имже крестъ утвер-
женіе; крестомъ мученици въоружив'шеса,
и сташа мужески сопротивльшеса прелести,
и свѣдѣтели бывающе истинни непобѣдими.
Чудо зрѣти же и слышати толикыхъ лѣтъ
прелестъ, толикыхъ в'ременъ басенныя л'жа,
толикая изобрѣтеніа бѣсовскія хитрости
единѣмъ истиннымъ словомъ разоряема и
безгласію предаема! Претяху мучителие
всяцѣмъ образомъ лютыхъ, и они учителя
своего Павла гласъ к нимъ извѣщаваху:
кто насъ, глаголюще, разлучитъ отъ люб'ве
таже въ Христа Іисуса, скорбь или тѣснота,
или гоненіе, или раны? намъ бо еже жити
Христосъ, и еже умрети преображеніе *).
353. а. || В'мѣтаху сихъ въ огонь, и в воду входити
мняхуся, да бяху во водѣ и по въздуху лѣ-
тати нещеваху; мечъ обнажаху они, и сіи
усерд'но выю простираху; на смертное мѣ-
сто отводими бяху, и тако на чашу веселіа
течаху. Вся тѣмъ крестъ страшная на слад-
кая прелажаше, и мнящаася пакы сладкая
презираема и ненавидима сотворяше: в'нег-

да бо л'стивіи они чести, дары и власти и
богачества общевахуся, тогда сіи прямо
симъ отвѣщаваху: богатство аще течеть, Пс. 61, 11. 12.
не прилагайте сердца; понеже единою гла-
гола Богъ. двое се слышахъ. Сего и иже
на земли ангели, иноци глаголю любомудре-
ни, и наставника и хранителя и оружіе и
пищу и питіе и одежду имуть: того бо лю-
бовію в'земше, повелѣніе Господне послу-
шав'ше, глаголющее: иже аще не възметъ
крестъ свой и послѣдуетъ мнѣ, несть мнѣ до-
стоинъ; ставляеми суть ангельской ретитися
жизни и токмо плоти обложениемъ славы
опѣхъ остояти; мно же не остояти по разрѣ-
шеніи тѣла. Хранителя же: понеже толики
горамъ вер'хы переходятъ, обноущающе без-
домніи, без'храмленіи, без'примыслени и
птицамъ подобни пустынелюбнымъ, мѣста
отъ мѣстъ именующе и отъ вертепъ в' вер-
тепы избирающе, || со звѣр'ми же лютыми и 353 б.
плотоядными живуще и ядовитыми гады,
того силою храними суть, неприкосновенн
суща еже отъ лютости звѣрей, ниже отъ яда
пресмыкающахся, но ниже пакы отъ вара
солнечнаго, ни мрза зимнаго. Оружіе же
тѣмъ есть: понеже на нь надѣющеса, исхо-
дятъ на мысленая бореніа, и вся рати и вся
прилоги, вся ополченіа в' мысли состояща
побѣждаютъ, низлагають, гонятъ: той бо
тѣмъ хоруг'ва и копію и щитъ и мечъ и лукъ
и туль исполненъ благополучныхъ стрѣлъ,
и броня и шлемъ. Пища же, таже егова
плода, которая сіа, сия таже на ней пожер-
шася плоть агнца Божіа, приносимая всег-
да въ оставленіе грѣхомъ и въ обрученіе
жизни: той бо в недѣли причащающися,
прочія дни седмици лег'ци переходятъ, ма-
лымъ оwoщеніемъ и зелиемъ суровымъ чювь-
ство ласкающе, надеждами будущихъ услаж-
дающеса. Питие же, тогожде плода крест-
наго чаша наліана новаго завѣта кровію,
таже премудрость чер'па Соломоноу: и черпа,
рече, в' чаши своей вино; сию піюще, не ко
дреманію низводятся, но ко боговидѣнію
възводятся, и чювьство отъ здѣшнихъ пле-
няюще, въ упражненнихъ гор'нихъ бывають,
любомудрѣствующае небесная, || и божестве- 353 в.

*) Вм. «преображеніе» должно быть «пріобрѣтеніе» (κέρδος). Филип. 1, 21.

наго осіанія и умомъ и душею близъ бывають. Одежда же: понеже плоть распинають страстми и похотми, и того силою и помощію бестрастіемъ одѣваются; чають же отсюду и нетлѣніемъ помалѣ одѣатися, егда на престолѣ сядеть раждения иже на немъ распнѣйся Христосъ, егда честемъ и вѣнцемъ приведетъ время, егда трудомъ и болѣзнемъ настанеть възданіе. Сіа вся креста исправленія: вся бо дѣйствуетъ и можетъ, *яко силою исполненъ Христовою, яко древо в' того плоть вложно; придетъ бо, рече, и вложимъ древо въ хлѣбъ. Которымъ же инымъ, а не креста и дѣйствомъ, по Исаи, острови обновятся къ Богу, и отъ глубины възничють, иже тѣхъ отъ начала покрывающая? яже отъ языка глаголя церкви, крыемая прежде в' водахъ нечестія, нынѣ же рождающія водами крещенія всякыя роды, всякая племена, всякъ возрастъ; и яже и островы наричемъ ради пристанищнаго, и матеря ради крещенія, и горы высокыя ради възносителяго. Кто сихъ открь и покровевія воднаго свободи? кто възнесетъ и высоки сотвори горы, яко Христу тѣхъ главѣ быти, якоже рече Павелъ, иже отъ тояже глубины извлеченъ крестомъ: Христосъ глава Церкви? Кто толика множества*

353. г. людій || в нихъ собираеть и присѣдти тѣхъ учитель молитвами и постомъ и моленіемъ; аще не божественное сіе и небеса досягающее древо? егоже силою и дѣйствомъ преспѣваніе житію въ благыхъ дѣлахъ и намъ даруетъ иже на немъ распнѣйся Христосъ, и вѣчныхъ да получить сподобитъ благъ: *яко тому подобасть слава, честь и держава, нынѣ и присно и в вѣки вѣкомъ. Аминь.*

354. а.

ПРЕДИСЛОВІЕ

ИЗЪЯВЛЕНО СПИСАНІА СЛОВЪ КНИГЫ
ИЖЕ ВЪ СВЯТЫХЪ ОТЦА НАШЕГО ІОАННА,
АРХІЕПИСКОПА КОНСТАНТИНАГРАДА,
ЗЛАТОУСТАГО.

К Н И Г А

ГЛАГОЛЕМАЯ

МАРГАРИТЕ.

Тогожде Іоанна Златоустаго бесѣда о непостижимѣмъ къ безаконимъ. Не сушу

епископу. Слово 1: Что се? пастырь не прѣдстоить, и овца съ мнозѣмъ благочиніемъ стоить.

Тогожде Іоанна Златоустаго бесѣда пакы о непостижимѣмъ. Слово 2: Прѣдъ мнозѣми деньми къ неподобнымъ глаголахъ, таже къ іудеомъ.

Тогожде о непостижимѣмъ, и яко не бѣ Божіе с'хожденіе къ серафимомъ. Слово 3: Трудолюбнн отъ земедѣлникъ в'негда аще видятъ дрѣво бесплодно.

Тогожде Іоанна Златоустаго бесѣда пакы о непостижимѣмъ. Слово 4-е: Довлѣше убо прѣжде показавшу Бога непостижима суща чловѣкомъ.

Тогожде о непостижимѣмъ, и о молитвѣ, и яко корень и источникъ и мати есть, и та силнѣйши есть и царствія, и о фарисей и мытари. Слово 5: В'негда аще хоцетъ кто должайшаж бесѣды гатися и многыхъ трѣбующж.

Тогожде Іоанна Златоустаго о непостижимѣмъ бесѣда, реченная в Кон'стантинѣградѣ к неподобнымъ, и яко несъгласна новѣйшаа къ древней. Слово 6: Единъ вамъ побесѣдовахъ день, и отъ дне онога сице васъ 354. 6. възлюбихъ.

Тогоже Іоанна Златоустаго бесѣда на іудѣа. Слово 1: Хотѣхъ вамъ отдати днесъ останки притчи.

Тогоже бесѣда на безаконныя іудеа о трубахъ пасхынхъ, еже речено бысть въ Анднокін въ величій церкви. Слово 2: Паки страстнн всѣхъ чловѣкъ окаанъ.

Тогожде пакы еже на безаконныя бесѣдованіе. Слово 3: Откжду намъ убо множайшій съборъ.

Тогожде бесѣда четвертая о еже на іудея, первіе длго бесѣдованіе сотворивъ и мало удрѣжався отъ долготы реченныхъ, пакы сіе рече. Слово 4: Звѣріе дондеже убо в чящахъ горскыхъ.

Тогожде пакы пятое бесѣдованіе, еже на іудея. Слово 5: Убо прияте ли сытость.

Тогожде о еже на безаконныя іудея шестое бесѣдованіе пакы. Слово 6: Мимоиде постъ іудейскій.

Иже въ святыхъ отца нашего Іоанна, архіепископа Константинаграда, Злато-